



প্রসিদ্ধ প্রসিদ্ধ যাত্রাদলের নূতন নাটক ।

বিদ্রোহী শ্রীবিনয়কৃষ্ণ মুখোপাধ্যায় প্রণীত নূতন পৌরাণিক নাটক ;
শিবভূগা অপেরায় অভিনীত হইতেছে । মূল্য ২২ টাকা ।

সিরাজদ্দৌলা শ্রীযুক্ত শশাঙ্কশেখর বন্দ্যোপাধ্যায় প্রণীত । সেই
ভাগুরী অপেরাব মুকুটমণি । ৫ খানি চিত্র সহ ।
মূল্য ২২ টাকা ।

রক্ত-মুকুট শ্রীবিনয়কৃষ্ণ মুখোপাধ্যায় প্রণীত । সত্যম্বব অপেবা পাটিতে
অভিনীত হইতেছে । অযোধ্যার সম্রাট বৃকপুত্র তালজঙ্ঘ
ও বাহুর ভীষণ সংঘর্ষ । মূল্য ২২ টাকা ।

শ্রীফণিভূষণ বিজ্ঞাবিনোদ বিরচিত

মায়ের দেশ দেশেব গৌরব—দেশেব প্রিয়—বাংলার আদর্শ আর্থা-
অপেরাব অপূর্ষ গৌরবোচ্ছল সুবিবাহ সত্যমূর্তি নাটক ।
সংসারের অতুলনীয় যুদ্ধ-কাহিনী । মূল্য ২২ টাকা ।

যুগান্তর শ্রীবেণীমাধব কাব্যবিনোদ প্রণীত পঞ্চাঙ্ক পৌরাণিক নাটক—
নিউ গণেশ অপেরায় অভিনীত—মূল্য ২২ টাকা ।

প্রেমের পূজা শ্রীবেণীমাধব কাব্যবিনোদ প্রণীত পঞ্চাঙ্ক পৌরাণিক
নাটক—গণেশ অপেরায় অভিনীত । মূল্য ২২ টাকা ।

রাজা সীতারাম শ্রীশশাঙ্কশেখর বন্দ্যোপাধ্যায় প্রণীত ঐতিহাসিক
পঞ্চাঙ্ক নাটক—সত্যম্বব অপেরায় সুযশের সহিত
অভিনীত হইতেছে । মূল্য ২২ টাকা ।

অসবর্ণা—শ্রীযুক্ত শশাঙ্কশেখর বন্দ্যোপাধ্যায়ের অভিনব অবদান । সত্যম্বব
অপেরায় অভিনীত । ছাপরে শ্রেষ্ঠ রাজনীতিজ্ঞ যুগনাগক শ্রীকৃষ্ণ অসবর্ণা
জাম্ববতীকে বিবাহ-বন্ধনে আবদ্ধ করিয়া অমূল্য শ্রমস্তুক মণি লাভ করেন ।
মধুর পৌরাণিক কাহিনী অবলম্বনে বচিত এই—“অসবর্ণা” । মূল্য ২২ টাকা ।

Printer—Santosh. K. Das. Saraswati Printing Works.

168/1C, Ramesh Dutta Street, Calcutta. The copy

right of this Drama is the Property of the

কৈশোর

নব্য মঞ্চশিল্প

ঐতিহাসিক নাটক

শ্রীপাঁচকড়ি চট্টোপাধ্যায় প্রণীত

সুপ্রসিদ্ধ “সত্যেশ্বর অপেরায়”

সুখ্যাতির সহিত অভিনীত ।

প্রকাশক—শ্রীগোবর্দ্ধন শীল

স্বর্ণলতা লাইব্রেরী,

৯৭।:এ অপার চিৎপুর রোড—কলিকাতা ।

১৩৩৭ সাল

প্রসিদ্ধ প্রসিদ্ধ যাত্রাদলের নতন নাটক ।

অভিনয় শিক্ষা শ্রীযুক্ত বিনয়কৃষ্ণ মুখোপাধ্যায় সঙ্কলিত । কোন্ রস—
কি ভাবে পরিস্ফুট করিতে হয়—কোন্ ক্ষেত্রে কিরূপ
ভাবভঙ্গীর প্রয়োজন হয়—কোন্ স্থলে কেমন করিয়া অন্তর্নিহিত ভাবধারার
বিকাশ করিতে হয়—তাহা সম্যকরূপে বুঝান হইয়াছে । চিত্রসহ মূল্য ৮০

পুষ্প-সমাধি শ্রীযুক্ত বিনয়কৃষ্ণ মুখোপাধ্যায় প্রণীত ঐতিহাসিক নাটক ।
বিধবা কন্যার গর্ভে কবীবের জন্মগ্রহণ—নমাজলাঞ্জিতা
ব্রাহ্মণকন্যা কর্তৃক কবীকে পরিত্যাগ—জর্নৈক ছোলা গৃহে প্রতিপালন ও
রামানন্দ স্বামীর শিষ্যত্ব গ্রহণ—কাশীবাজ বীরসিংহ কর্তৃক কবীরকে আশ্রয়
দান—দিল্লীর বাদশাহের সহিত বীরসিংহের ভীষণ যুদ্ধ, কবীবের শবদেহ পুষ্পে
পরিণত প্রভৃতি । মূল্য ২২ দুই টাকা ।

যদুপতি শ্রীযুক্ত লাল ঘোষ প্রণীত পৌরাণিক নাটক । সত্যস্বব অপেরায়
অভিনীত । শ্রীকৃষ্ণদেবী নৌভরাজ শাল্বেব শিব-সাধনায় ববলাভ—
শ্রীকৃষ্ণ সহ ভীষণ সংঘর্ষ । প্রতিহিংসা-পরায়ণ বিদুবথের নির্মমতার অভিনয়—
মহাকালীর নিকটে নরবলিদান—মহাকালীর আবির্ভাব । গণিকা অলকার
জীবনের যুগান্তর । স্বপ্নলোকে অভিনয় হয় । মূল্য ২২ টাকা ।

স্বদেশ শ্রীযুক্ত বিনয়কৃষ্ণ মুখোপাধ্যায় প্রণীত । সুপ্রসিদ্ধ যাত্রাপাটী
নট্ট কোম্পানী (বিব্রগ্রাম কর্তৃক সগৌরবে অভিনীত । মেবারের
রাণা বিক্রমজিতের উচ্ছৃঙ্খলতায়, ভয়াবহ দৃশ্যের যবনিকায় স্বদেশ প্রেমিক
সর্দারগণ কর্তৃক বনবীরকে শাসনভার অর্পণ । লালসাব উন্মাদনায় বনবীরের
স্বার্থের যূপকাষ্ঠে মানবত্বের বলিদান, বীভৎসতায় রোমাঞ্চকর অভিনয় ।
মেবারের গগনভেদী আর্তনাদ, তারপয় হীনা ধাত্রী পার্নাবাঙ্গিরের আত্মবলিদানে
মেবার-আকাশে তরুণ তপনের আবির্ভাব । মূল্য ২২ দুই টাকা ।

শ্রী জগদীশচন্দ্র মাইতি প্রণীত নতন পৌরাণিক নাটক

ধ্যানের দেবতা

বাসন্তী অপেরায় অভিনীত হইতেছে । মূল্য ২২ টাকা ।

ভূমিকা

ভূমিকায় তেমন কিছু বলিবার না থাকিলেও ছুই একটি কথা না বলিয়া পারিলাম না। স্নেহাস্পদ শ্রীমান্ গোবর্দ্ধন শীলের স্নির্বন্ধ অনুরোধেই ইতিহাস হাতড়াইয়া আজ নাটক লিখিতে বসিলাম। ইতিহাস—ইতিহাস আর নাটক—নাটক। ইতিহাসকে পুরোপুরি বজায় রাখিতে গেলে নাটকের নাটকত্ব বজায় রাখা সুকঠিন। আমি ইতিহাস-বর্ণিত বাঙ্গলা বিহার উড়িষ্যার নবাব মীরকাসিমের জীবন-কাহিনী এবং তৎকালীন দেশের আবহাওয়ার উপর ভিত্তি করিয়া “মীরকাসিম” নাটক রচনা করিয়াছি। পূর্বেই বলিয়াছি যে নাটক-নাটক—তাই নাটকত্ব বজায় রাখিতে অনেকস্থলে ইতিহাসের দিকে দৃষ্টিপাত করি নাই। এক্ষণে নাট্যমোদী সুধীগণ পরিতৃপ্ত হইলে শ্রম সার্থক জ্ঞান করিব। অলগেতি বিস্তরেন।

গ্রন্থকার

প্রসিদ্ধ প্রসিদ্ধ যাত্রাদলের নূতন নাটক

যুগনেতা শ্রীনন্দলাল রায় চৌধুরী প্রণীত (চণ্ডী অপেরায় অভিনীত)

গোলকের দ্বারী জয় বিজয়ের দুর্কাসার অভিশাপে—শিশুপাল ও দত্তবক্র নামে জন্মগ্রহণ। বিষ্ণুদেবী অত্যাচারী অভিশপ্ত ভক্তদের উদ্ধার হেতু শ্রীভগবানের মর্তলোকে আগমন। শিশুপালসহ ভীষণ সংঘর্ষ। গণতন্ত্র-প্রতিষ্ঠার আকুল আহ্বান। দৃশ্যে দৃশ্যে অন্ধে অন্ধে রোমাঞ্চকর ঘটনা। বর্তমান যুগোপযোগী নাটক। অভিনয়ে দিগন্তব্যাপী যশ। বীর-করণ রসের সমন্বয়। এমেচার পাটীর স্বর্ণ স্বেযোগ। মূল্য ২২ টাকা।

রামপ্রসাদ শ্রীপাঁচকড়ি চট্টোপাধ্যায় প্রণীত। মাতৃমন্ত্রের শ্রেষ্ঠ সাধক

রামপ্রসাদের কাহিনী পুৰাতন হইলেও বাংলার ভক্ত সুধী-মণ্ডলীর কাছে চির নূতন—গৌরবময়। সেই মহাপুরুষের জীবন-নাট্যের কয়েকটি উল্লেখযোগ্য ঘটনা লইয়াই এই নাটকের সৃষ্টি। ইহা শুধু ধর্মমূলক নয়, ইহাতে ধনিকের বিরুদ্ধে গ্রামবাসীর তুমুল সংগ্রাম, ধনীর অত্যাচারের প্রতিকারের এবং কালাবাজার রোধের চেষ্টা—তা ছাড়াও দেশাত্মবোধের বহু নিদর্শন আছে। গ্রাম্য জমিদার সুপ্রকাশ রায়ের অত্যাচারে দুর্ভিক্ষ ও মহামারীর শোচনীয় আলোচ্য—ঘটনার ঘাত প্রতিঘাতে কেমন করুণ—সজীব ও নূতনত্বময়। রামপ্রসাদকে ভাবুক ভক্ত কবি কারিয়া অঙ্কিত করা হইয়াছে এবং তাঁর রচিত গানগুলি তাঁর প্রিয় শিষ্য গাহিতেন; তিনি তাহা গুনিয়া ভাবাবেশে তন্ময় হইতেন। মূল্য ২২ দুই টাকা।

নটীর অভিশাপ সত্যধর অপেরায় অভিনীত—সুপ্রসিদ্ধ নাট্যকার

শ্রীযুক্ত পাঁচকড়ি চট্টোপাধ্যায়ের নিপুণ তুলিকায় অঙ্কিত মর্মস্পর্শী পৌরাণিক চিত্র। অর্জুনের স্বর্গগমনে দেবতাদের পরীক্ষা—কলম্বাসুরের স্বর্গ অধিকার—দেবতাদের নির্যাতন—দানবদলনের উপায় উদ্ভাবনে লোক হতে লোকাস্তরে গমন—অর্জুনের হস্তে দেবেন্দ্র-বজ্রী কলম্বাসুরের পরাজয়। বিজয়ী অর্জুনের দেবলোকে অভিনন্দন—অপ্সরাকুলরাণী উর্ধ্বশীর অর্জুনের নিকট প্রেম-নিবেদন—অর্জুনের প্রত্যাখান—উর্ধ্বশীর অভিশাপ প্রভৃতি। মূল্য ২২ দুই টাকা। ভিখারীর মেয়ে—৫০ আনা।

প্রাপ্তিস্থান—স্বর্ণলতা লাইব্রেরী ৯৭।১এ, অপার চিৎপুর রোড, কলিকাতা।

চরিত্র

পুরুষ

মীরকাসিম	...	বাংলার নবাব
মীরজাফর	...	ঐ ভূতপূর্ব নবাব
নন্দকুমার	...	দেওয়ান
জগৎ শেঠ } বায়হুলভ }	...	ধনকুবের
রাজবল্লভ	...	রাজা উপাধিধারী বিভাগীয় নায়ক
নজাফ খাঁ	...	মীরকাসিমের প্রধান অনুচর
সমরু	...	মীরকাসিমের জাম্মান সেনানায়ক
শুরগীন খাঁ	...	আশ্মেনিয়ান সেনানায়ক
নাজামউদ্দৌলা	...	মণিবেগমের গর্ভজাত মীরজাফরের পুত্র
সুজাউদ্দৌলা	...	অযোধ্যার নবাব
খোজা পিফ্রস্	...	মীরকাসিমের অনুচর ।
বক্রেখর	...	কবি (দার্শনিক)
বকাউল্লা	..	পাগল
চন্দন	...	নন্দকুমারের কনিষ্ঠ পুত্র
দয়াল	...	বায়হুলভের ভৃত্য
হেষ্টিংস	...	কাউসেলের সদস্য, পরে গভর্নর
আমিরট	...	উচ্চ পদস্থ কর্মচারী (সেনাবিভাগের)

চর, রক্ষী ইত্যাদি

স্ত্রী

ফতেমা	...	মীরকাসিমের পত্নী
লুৎফা	...	সিরাজের বিধবা পত্নী
মণিবেগম	...	বাইজী, পরে মীরজাফরের বেগম
জোনাকী	...	বক্রেখরের পত্নী

রত্নিনী, নর্তকীগণ ইত্যাদি

প্রসিদ্ধ প্রসিদ্ধ যাত্রাদলের মূতন নাটক

রামানুজ নীতাহারা শ্রীরামচন্দ্রের ব্যাকুল উন্মাদনা—মাতৃহার। লব-কুশের হাহাকার—ছায়াসীতার আকুল আস্থান—মহাকালের তাণ্ডব নর্তন—শ্রীরামচন্দ্রের লক্ষ্মণবর্জন—উম্মিলার সক্রমণ বিলাপ—গুহক চণ্ডালের দুর্জয় অভিমান—লক্ষ্মণের সবযুপ্রয়াণ প্রভৃতি। মূল্য ২১ টাকা।

বিদর্ভ-নন্দিনী শ্রীগোবর্ধন শীল প্রণীত। সত্যধর অপেরায় অভিনয় হইতেছে। লক্ষ্মী-অংশে বিদর্ভরাজ ভীষ্মক-দুহিতারূপে কষ্ণীগীর জন্মগ্রহণ—ভীষ্মকরাজ কর্তৃক শ্রীকৃষ্ণ সহ কষ্ণীগীর বিবাহ-উছোগ ও কৃষ্ণদেবী ভীষ্মক-রাজপুত্র কন্বের বিদ্বেষভাব ও বিবাহে বাধা দিবার জন্ত শিশুপালের সহিত ভীষণ ষড়যন্ত্র। কষ্ণীগী সহ শ্রীকৃষ্ণের পরিণয়। মূল্য ২১ টাকা।

নরকাসুর ভোলানাথ কাব্যশাস্ত্রী প্রণীত। ববাহরূপী নারায়ণের ঔরসে পৃথিবীর গর্ভে নরকের উৎপত্তি, কোশলে দৈত্যরাজকুমারী স্বর্গের সহিত নরকের বিবাহ, বিশ্বকর্মার বন্দিত্ব ও দুর্গনির্মাণ, শ্রীকৃষ্ণের সহিত নরকের যুদ্ধ, শ্রীকৃষ্ণের পরাজয়, কোশলে পৃথিবীর নিকট নরকধ্বংসের সম্মতিলাভ, নরকাসুরের মৃত্যু, স্বর্গের সহমরণ। মূল্য ২।০ দুই টাকা চারি আনা।

অনার্য্যনন্দিনী পাঁচকড়ি চট্টোপাধ্যায় প্রণীত। ভাণ্ডারী অপেরায় অভিনীত পৌরাণিক পঞ্চাঙ্গ নাটক। মগধেশ্বর শালিবাহনের মাতৃভক্তি—রাজসিংহাসন ত্যাগ—ছদ্মবেশে দেশ-দেশান্তরে ভ্রমণ—অনার্য্যগুরু আপস্তুস্তের আর্ষ্যের প্রতি বিদ্বেষহেতু মারণ-যজ্ঞের অনুষ্ঠান। রাজবলি-নরবলি—নারী-বলির আয়োজন। মূল্য ২১ দুই টাকা।

জাহ্নবী ভোলানাথ কাব্যশাস্ত্রী প্রণীত। অভিনয়ে চারদিকে জয়-জয়কার। মহিমময়ী গঙ্গার পবিত্র কাহিনী, সাধনা ও ত্যাগের অবতার জহ্নুর অমানুষিক কার্য্য-কলাপ, গঙ্গা ও মহাদেবের বিরোধ। মূল্য ১।০ পাঁচ সিকা।

ত্রিশক্তি শ্রীবিনয়কৃষ্ণ মুখোপাধ্যায় প্রণীত। দৈত্যপতি প্রহ্লাদের স্বর্গ-বিজয়, ইন্দ্র কর্তৃক প্রতিষ্ঠানপতি রজ্জি সহযোগে দৈত্যরাজের বিরুদ্ধে সমর অভিমান—স্বর্গ আক্রমণ ও ইন্দ্রের হতরাজ্য উদ্ধার। অল্পলোকে সহজে অভিনয় হয়। মূল্য ২১ টাকা।

প্রাপ্তিস্থান—স্বর্ণলতা লাইব্রেরী ৯৭।১এ, অগার চিংপুর রোড, কলিকাতা

বেইমানের দেশ

প্রস্তাবনা

গাহিতে গাহিতে রঙ্গিনীগণের প্রবেশ

রঙ্গিনীগণ ।

গীত

এমন শাস্তিদায়িনী বঙ্গজননী,

সে মায়ের নেই শাস্তি লেশ ।

হ'য়ে অবজ্ঞাতা অভাগিনী মাতা

ধরেছে যে নাম বেইমানের দেশ ॥

সুজলা সুফলা শশ্যশ্যামলা,

স্নিগ্ধ স্রোতস্বতী কটিতে মেখলা.

হ'য়ে রাজরাণী ছুঃখিনী সমান

পরে ভিখারিণী বেশ ॥

বন্ধনীড়ে পুষ্ট স্নেহের সস্তান,

মাতৃদ্রোহী হ'য়ে হয়েছে বেইমান,

ভাই চেনে নাকো হানে খরশান

ভাইয়ের বুকে শেল অবশেষ ॥

বেইমানের দেশ

[প্রস্তাবনা

নিভেছে দেউটী ডুবেছে চাঁদিমা,
আকুল সন্তান শুধু কাঁদে মা—মা,
নিষাদের ভয়ে ভীতা কুরঙ্গিনী
মাতা চেয়ে আছে অনিমেষ—
শক্তি থাকিতে শক্তিহীনা,
এ যে বেইমানের দেশ ॥

[প্রস্থান ।

————

প্রথম অঙ্ক

প্রথম দৃশ্য

হীরাবিলের প্রাসাদ-কক্ষ

চিন্তামগ্ন মীরজাফর আসান ; নর্তকীগণ নৃত্যগীত
করিতেছিল । মীরজাফর তাহাদের নৃত্যগীতে
মনোনিবেশ করিতে পারিতেছিল না ।

নর্তকীগণ ।

গীত

চল চ'লে যাই ফুল-বাগিচায়—
আজকে মধুর টাঁদিনী রাতে ।
বকুল তলে মন-দোলাতে
ছল্‌বো শূখে পীতম সাথে ॥
আসমানে সাত সাগর দেশে
পারি যদি যাবো ভেসে,
অকূলে কুল হারাবো না
রূপ-নদীতে বান ডাকাতে ॥

মীরজাফর । [বিরক্তভাবে] যাও—

[নর্তকীগণ কুর্নিশ করিয়া প্রস্থান করিল ।

মীরজাফর । [অশ্রমনকভাবে চঞ্চলপদে কক্ষমধ্যে পাদচারণ
করিতেছিলেন ; সহসা সিরাজের একখানা তৈলচিত্রের সম্মুখে দাঁড়াইয়া

আর্তস্বরে कहিলেন] ব'লে দাও—ব'লে দাও মহান্ নবাব, এ মহা-পাপের প্রায়শ্চিত্ত কি ? আমি যে আর পারি না ! দিবারাত্রি সমস্ত হৃদয়ে সহস্র বৃশ্চিক দংশনের জালা আমি যে সহিতে পারি না নবাব ! বেইমানীর ফল হাতে হাতে পেয়েছি, অল্পশোচনার আশুনে অচোরাত্র জ'লে পুড়ে মরছি ! শাস্তিহারা, তজ্জাহারা, সর্কহারা অভাগা আমি—চেয়ে আছি শুধু আকুল আগ্রহে মৃত্যুর আশাপথ পানে । তবুও মরণ আসছে না, মৃত্যুও বাদ সাধছে আমার সঙ্গে । আমায় ব'লে দাও নবাব, কিসে আমি রেহাই পাবো ?

ইতিমধ্যে কৃষ্ণবস্ত্রাচ্ছাদিতা লুৎফা কখন আসিয়া

মীরজাফরের পশ্চাতে দাঁড়াইয়াছিল, মীরজাফর

তাহা লক্ষ্য করে নাই ।

লুৎফা । রেহাই তুমি পাবে না ।

মীরজাফর । কে ? কে তুমি ? তুমি কি সিরাজের প্রেতাঙ্গা ?

লুৎফা । পরিচয়টা নাই বা শুনে ? শুধু জেনে রাখ, আমি একটা উন্মাদিনী, মৃত্তিমতী অভিশাপ, তোমার পেছনে পেছনে যুরে বেড়াচ্ছি ছায়ার মত । তুমি যেমন আমায় শাস্তিহারা করেছ—উন্মাদ করেছ—তজ্জাহারা করেছ, আমি তোমায় ঠিক তেমনি করবো । উঠতে, বসতে, খেতে, শুতে তোমার চোখের সামনে তুলে ধরবো বিতীষিকার ছবি—যা দেখে তোমার অন্তরাঙ্গা আঁকে উঠে ডুকরে কেঁদে উঠবে । বেইমান বিশ্বাসঘাতক নফর, সয়তান হ'য়ে দেবতার সম্মুখে মাথা তুলে দাঁড়াতে তোমার সাহস হয় ? যে মহিমান্বিত প্রভুকে তোমরা ক'টা সয়তান মিলে পথের কুকুরের মত নৃশংসভাবে হত্যা করেছ, আজ

কোন মুখ নিয়ে তার কাছে এসেছ কমাপ্রার্থনা করতে? জেনে রেখো সয়তান, তোমার কৃতকর্মের কমা নেই।

মীরজাফর। কে তুমি? এই নীরব নিশীথে চোরের মত নবাবের শয়নকক্ষে প্রবেশ ক'রে বাংলা, বিহার, উড়িষ্যার ভূতপূর্ব নবাব জাফর আলি খাঁকে তিক্ত তিরস্কার করতে সাহসী হয়েছ? তুমি কোন দোজাকের অশরীরী আত্মা?

লুৎফা। দোজাকের অশরীরী আত্মাই হই, আর মর্তের দেহধারী মানবাত্মাই হই, আমি তোমায় জানিয়ে দিতে এসেছি জাফর আলি খাঁ, তোমার মহাপাপের প্রায়শ্চিত্তের এই শুধু আরম্ভ।

মীরজাফর। পরিচয় তুমি দেবে না?

লুৎফা। পরিচয় জেনে তো সুখী হবে না জাফর আলি খাঁ! তাতে তোমার যাতনা বাড়বে বই কমবে না। বাংলার বেইমানের দল, যে প্রভুকে একদিন ষড়যন্ত্র ক'রে সিংহাসনচ্যুত করলে, তারপর যাকে সাধারণ অপরাধীর মত লৌহশৃঙ্খলে আবদ্ধ ক'রে টানতে টানতে নিয়ে এলে মুরশিদাবাদের প্রকাশ্য রাজপথ দিয়ে, মনসুরগঞ্জে যাকে নিষ্ঠুরভাবে হত্যা ক'রে প্রভুভক্তির পরাকাষ্ঠা দেখিয়েছিলে, আমি তোমাদের সেই প্রভুপত্নী লুৎফা।

মীরজাফর। [শিহরিয়া উঠিলেন।]

লুৎফা। ওকি! শিউরে উঠলে কেন জাফর আলি খাঁ?

মীরজাফর। আমি? কৈ—না। তুমি আমার কণ্ঠস্থানীয়া পরম স্নেহাস্পদ, তোমার মুখ দেখে অস্তরের স্নেহরাশি আনন্দনির্ঝরের সঙ্গে মিলিত হ'য়ে রমজানের রোশনীর মত একটা বিপুল প্রাবনে তোমায় ভুবিয়ে দিতে চায়, সেই তুমি—আমার কৃত-অপরাধের জন্য আমার তিরস্কার করছো, তাতে শিউরে উঠবো কেন মা? তিরস্কার

কর—আরও তিরস্কার কর, তীব্র তিক্ত তিরস্কার—যা শুনে আমার অন্তরাখ্যা মৃত্যুব অধিক যন্ত্রণায় আর্তনাদ ক'রে উঠবে। এমনিভাবে যদি আমার জীবনের শেষ মুহূর্তটি অতিবাহিত হয়, তবেই বুঝবো হয়তো আমার মহাপাপের কতকটা প্রায়শ্চিত্ত হয়েছে। খোদাতাল্লার কাছে এইটাই আমার শেষ প্রার্থনা।

লুৎফা। ও পাপমুখে খোদাতাল্লার নাম উচ্চারণ ক'রো না সন্নতান ! এখনি বিনা মেঘে বজ্রাঘাত হবে, অগ্নিবৃষ্টিতে তোমার আরাম-সৌধ এই হীরাকিল-প্রাসাদ জ'লে পুড়ে ছাই হ'য়ে যাবে, একটা বিরাট প্রলয়-ঝঞ্ঝায় তোমাদের নিষ্ঠুরতার স্মৃতি ঐশ্বর্যমণ্ডিত এই মুরশিদাবাদ ভেঙ্গে চূরে—রেণু রেণু হ'য়ে দিগন্তে ছাড়িয়ে পড়বে। সে বিভীষিকা দেখে ছুনিয়ার জীবন্ত মানুষ তো দূরের কথা, কবর থেকে অটুহাসি হাসবে যত মৃতের কঙ্কাল ! বেইমান—বিশাসঘাতক, সাবধান !

[ক্ষত প্রস্থান।

মীরজাফর। লুৎফা ! লুৎফা ! [কয়েকপদ অগ্রসর হইলেন।]

সহসা মণিবেগমের প্রবেশ

মণি। [দৃপ্তস্বরে] নিশাচরী প্রেতিনীর পশ্চাতে কি উদ্দেশ্যে ছুটে চলেছ নবাব ?

মীরজাফর। কে ? মণি ? কাকে বলছো ? কে নবাব ?

মণি। বার্ককে তোমার মস্তিষ্কের বিকৃতি হয়েছে দেখছি ! এখানে আর তৃতীয় ব্যক্তি কে আছে, যাকে উদ্দেশ্য ক'রে বলবো খান্খানান্ ? নবাব তুমি।

মীরজাফর। আমি ? আমি তো নবাবী গদী হ'তে বিতাড়িত, নবাব এখন আমার স্নেহাঙ্গদ জামাতা মীরকাসিম।

মণি। না—তুমি। ইংরাজ-কোম্পানী শীঘ্রই ঘোষণা করবেন তোমাকেই বাংলা, বিহার, উড়িষ্যার নবাব ব'লে। শীঘ্রই বসবে তুমি মুরশিদাবাদের গদীতে ; আমি সব বন্দোবস্ত করেছি।

মীরজাফর। তোমার কথা তো আমি কিছুই বুঝতে পারছি না মণিবেগম ! কি বন্দোবস্ত করেছ তুমি ?

মণি। টাকাতেই সব বন্দোবস্ত হয় নবাব ! বেনিয়া-কোম্পানী টাকা চায়, টাকা পেলে তারা সব করবে। তোমার জন্তে নবাবী তক্ত আমি টাকা দিয়েই কিনবো।

মীরজাফর। টাকা দিয়ে নবাবী কিনবে ?

মণি। মীরকাসিম টাকা দিয়ে নবাবী কিনেছে, আমিও টাকা দেবো।

মীরজাফর। কত টাকা দেবে ? কোথায় পাবে টাকা ? নবাবীর দাম তো অল্প টাকা নয় মণিবেগম ?

মণি। আমি কাউন্সিলের কর্তাদের সঙ্গে দেখা ক'রে সব বন্দোবস্ত করেছি। গভর্নর ভ্যান্সিটার্ট, ওয়ারেন হেস্টিংস আমায় কথা দিয়েছে যে, যুদ্ধের খরচ আর কোম্পানীর ক্ষতিপূরণের জন্ত মোট ত্রিশ লাখ টাকা দিলে কোম্পানী তোমায় বাংলা, বিহার, উড়িষ্যার নবাব ব'লে ঘোষণা করবে। আর সে টাকা আমি দোবো আমার গহনা বিক্রী ক'রে।

মীরজাফর। এতখানি দায়িত্ব ঘাড়ে নিয়ে কেন এমন হুঁসাহসিক কাজে প্রবৃত্ত হয়েছ মণিবেগম ? আমার আদরের কন্যা—অভাগিনী মাতৃহারা বালিকার সর্বনাশ ক'রে আমি আর নবাব হ'তে চাই না মণি—যে নবাবীর অর্থ নবাবী নয়, বেনিয়া-কোম্পানীর গোলামী। নবাবী করেছিল আমার প্রভু—সিরাজ, আর আমি করেছি বেনিয়া-কোম্পানীর গোলামী। যে নবাবীর পুরস্কারস্বরূপ দেশবাসীর কাছে

আখ্যা পেয়েছিলাম “ক্লাইভের গর্জিত” বলে, এমন নবাবীতে আর আমার প্রবৃত্তি নেই মণিবেগম !

মণি । তা হবে না নবাব ! নবাবী তোমায় নিতেই হবে । আমি সব ঠিক করেছি—সন্ধিপত্র প্রস্তুত । আমার পক্ষে সবাই আছেন ; রাজা রাজবল্লভ, রায়হুলুভ, জগৎশেঠ প্রভৃতি আর কোম্পানীর কাউন্সিলের কর্তারা । সন্ধিপত্র নিয়ে তাঁরা এখনই আসবেন ।

মীরজাফর । এই রাতে—হীরাখিলে নবাবের শয়নকক্ষে ! মণিবেগম, তুমি কি উন্মাদিনী হয়েছ ?

মণি । আমি তাঁদের প্রতিশ্রুতি দিয়েছি ; আর সে প্রতিশ্রুতি পালন করতে তোমায় স্বাক্ষর করতে হবে সেই সন্ধিপত্রে ।

মীরজাফর । নাচওয়ালীর স্পর্ধা বটে !

মণি । রসনা সংযত করে কথা কও জাফর আলি খাঁ ! নাচওয়ালী যতদিন ছিল, ততদিন তাকে তার বেশী মর্যাদা দাও নি ; সে তার প্রত্যাশাও করে নি । কিন্তু যে দিন—যে মুহূর্ত থেকে এই নাচওয়ালী পেয়েছে গৌরবাবিতা বেগমের মর্যাদা, সেই দিন—সেই মুহূর্ত থেকে সে মহিমমদী বেগম, আর তার মর্যাদা ক্ষুণ্ণ করবার অধিকার : তোমারও নেই ; তার স্থান মুরশিদাবাদের তক্তায় তোমারই পাশে ।

মীরজাফর । রাগ করলে মণি ?

মণি । ফণিনীকে পারে দলিয়ে গেলেই সে ফণা তুলে দাঁড়ায়,—দংশন করতেও ভোলে না ।

মীরজাফর । . তা জানি ; কিন্তু কি জান মণি, নবাবীর অভিনয়ে গোলামী করবার প্রবৃত্তি আর আমার নেই ; আমার মীরণের মৃত্যুতে আমার মেরুদণ্ড ভেঙ্গে গিয়েছে ।

মণি। মীরগই ছিল তোমার পুত্র আর নর্তকীর গর্ভজাত ব'লে
বুঝি নাজামউদ্দৌলা তোমার কেউ নয় ?

মীরজাফর। আমি তো সেকথা বলি নি মণি, মীরগও যেমন
আমার পুত্র, নাজামও তাই।

মণি। যদি তাই মনে কর, তাহ'লে তোমায় নবাবী নিতেই হবে,
যাতে হতভাগ্য নর্তকী-পুত্র নাজাম তার ঘৃণ্য পরিচয়কলঙ্ক ঘোচাতে
পারে তোমার ঐ নবাবী তক্তের ওয়ারিশান হ'য়ে। তুমি প্রস্তুত হও
নবাব, তাঁদের আসবার সময় হ'লো।

মীরজাফর। বুঝতে পারছি না আমার ব্যথা কোথায় ! ফতেমা
কণ্ঠা, আর নাজামউদ্দৌলা পুত্র,—আঘাতটা কোন্‌দিকে বেশী লাগবে ?
স্নেহের আকর্ষণ কোন্‌ দিকে ? আমি যে ভাবতে পাচ্ছি নে—ভাবতে
পাচ্ছি নে—ভাবতে পাচ্ছি নে—

[প্রস্থান।

মণি। আমি জানি নবাব, কোথায় তোমার দুর্বলতা,—তাই
এতবড় একটা ষড়যন্ত্রে লিপ্ত হয়েছি—নিজের স্বার্থসিদ্ধির জন্ত।

রায়দুল'ভ, জগৎশেঠ ও ওয়ারেণ হেষ্টিংসের প্রবেশ

হেষ্টিংস। বন্দেগী Your Excellency ! (ইওর এক্সেলেন্সি !)

মণি। বন্দেগী সাহেব !

হেষ্টিংস। হামি লোক তো আসলো, লেकिन Ex-Nawab
(এক্স-নবাব) কোঠা গেলো ? সন্টিপট্টি ready (রেডি) হইয়াছে,
সাক্কী-সাবুদ সব্ ready (রেডি), এখন নবাব sign (সাইন)
করলেই সব্ কাম finish (ফিনিশ) হ'য়ে যাবে। জাফর আনি খা
নবাবী পাইবেন, হামাতের বণ্টু হইবেন। আপনি জানেন না,

মীরকানিমের মাঠে গভর্ণর ভ্যান্সিটার্ট সাহেব যে সন্টি করিয়াছিল, হামিলোক সে সন্টিপট্র নাকচ্ করিয়া ডিয়াছে। In other sense, that has been thrown into the waste paper basket. (ইন্ আদার সেন্স, ছাট হাজ বিন্ খোন ইন্টু দি ওয়েষ্ট পেপার বাস্কেট।)

মণি। আমি তা জানি সাহেব, শেঠজীর কাছেই শুনেছি। আপনিই তো ঐ কথা বলেছেন শেঠজি ?

জগৎশেঠ। স্বাক্ষরের কথা শুনে আমিই সে কথা বলেছি বেগম সাহেবা !

মণি। আপনাদের অশেষ ধন্যবাদ। যাক্, আর অযথা সময় নষ্ট ক'রে কাজ নেই। আসুন আপনারা, নবাব আপনাদের জগৎ তোষাখানার অপেক্ষা করছেন।

রায়হুলভ। চলুন—চলুন, আমরা সেইখানেই যাই,—আমাদের প্রয়োজন তো নবাবের সঙ্গে—

হেষ্টিংস। Certainly (সারটেনলি) সন্টিপট্র sign (সাইন) করিতে হইবে।

মণি। আসুন—

[সকলের প্রস্থান

দ্বিতীয় দৃশ্য

বক্রেখরের গৃহ

দ্রুতপদে বক্রেখরের প্রবেশ

বক্রেখর । নেই—নেই—কোথাও এর প্রমাণ নেই । কে বলতে পারে ভ্রমর আর ফুল এ দুয়ের মধ্যে কে সুখী । বেদ, পুরাণ, স্মৃতি, শ্রুতি, কাব্য, উপন্যাস, ছড়া, গল্প, নাটক—কোথাও কেউ এর মীমাংসা ক'রে দেয় নি । তুমি বলবে ফুল সুখী, কারণ অভাগা ভোমরা দিনরাত তার কানের কাছে গুন্‌গুনিয়ে ঘুরে বেড়ায় তার একটুখানি করুণা পাবার জন্য । ফুল তাই দেখে আর হাসে । কিন্তু আমি তা বলবো না । আমি বলবো ভোমরাই সুখী, কারণ সে আজ এ-ফুল, কাল ও-ফুল, এমনি পাঁচ ফুলের মধু খেয়ে বেড়ায়, ফুলেরা তার আচরণে বুকে দারুণ ব্যথা নিয়ে ঈর্ষায় জ্বলে পুড়ে থাকে হ'য়ে শুকিয়ে ঝ'রে গিয়ে ফুলজন্ম থেকে চিরদিনের মত অবসর নেয় । এই তো ফুলের জীবন । তবে কেমন ক'রে সে সুখী হ'তে পারে ভ্রমরের চেয়ে ? একরূপ ক্ষেত্রে আমি তোমার কথা বিশ্বাস করি না—করবো না ।

জোনাকীর প্রবেশ

জোনাকী । কি বললে, আমার কথা তুমি বিশ্বাস কর না—করবে না ? তুমি কি বলতে চাও, আমি যা বলি সব মিথ্যে ?

বক্রেখর । [জোনাকীর দিকে না চাহিয়া] যা মিথ্যা, তা আমি বিশ্বাস করতে পারি না ।

জোনাকী । ওরে হতছাড়া, ওরে হাড়হাবাতে, আমি মিথ্যেবাদী ?
বক্রেখর । জোনাকি ! তোমার নয়ন-ধাঁধানো ক্ষীণ আলোক
অকস্মাৎ দাবানলে পরিণত হ'লো কেমন ক'রে ? কার উপর রুষ্টা হ'য়ে
এমন উগ্রচণ্ডামূর্তি ধারণ কবুলে তুমি ?

জোনাকী । কি বলি মুখপোড়া, আমি ভ্রষ্টা—আমি উগ্রচণ্ডা ?
শুধু মিথ্যেবাদী নই, তার উপর এই সব ? আন্বো নাকি খ্যাংরা-
গাছটা ? যত বড় মুখ তত বড় কথা !

বক্রেখর । অয়ি খণ্ডোতিকা, স্থিরোভব !

জোনাকী । কি, আমি ক্ষুদি পোকা ? মনে করেছিম্ সাধুভাষায়
গালাগাল দিলে আমি কিছু বুঝতে পারি নে ? আজ যদি না তোর
সুতুপাত করি, তবে আমার নাম জোনাকী নয় —

[দ্রুতবেগে প্রস্থান ।

বক্রেখর । মুখিণী নারী শব্দার্থ বোঝে না—শুধু জানে রোষপরবশ
হ'য়ে অনর্থ সৃজন কবুতে ! এর চেয়ে দেশের দুদিন আর কিসে হ'তে
পারে ? মা দুর্গতিহারিণী দুর্গে, দেশের দুর্গতি হরণ কর মা !

দয়ালের প্রবেশ

দয়াল । পেরণাম বক্রেখর ঠাকুর—

বক্রেখর । কে, দয়ালচন্দ্র ? আগছ—আগছ—

দয়াল । আমরা মুক্কু মুক্কু নোক, তোমারঃ ঐ সংস্কেতন বুঝি
না ঠাকুর । এখন বল আপনি কেমন আছ ?

বক্রেখর । 'কেমন আছ' কথাটা ব্যাকরণগুহ্ন নয় দয়াল ! অশুদ্ধ
ভাষা উচ্চারণ ক'রে ভাষা-জননীকে কশাঘাত ক'রো না ।

দয়াল । তোমার জননীর আবার কশা নেঙড়ালুম কখন ঠাকুর ?

মা-ঠাকরুণদের পায়ে গড় করি, এই ছুকুড়ি দশ বার। ওসব কথা ব'লে থাম্কা থাম্কা পাপের বোঝা চাপাও কেন বলতো? যাক্, তোমার সঙ্গে আর প্যাচাল পাড়তে চাই নে, যে কাজের লেগে এলুম, তাই বলি। হুজুর বলেছে, একুনি তোমাকে একবার তেনার কাছে যেতে হবেক—ভারি দরকার।

বক্রেখর। ভাষাপীড়ক নিষ্ঠুর, তোমায় শত সহস্র ধিক !

দয়াল। ও আবার কি বল্ছো ঠাকুর? তোমায় যে যেতে হবেক।

বক্রেখর। বল্ছি, শিক্ষা কর—শিক্ষায় সংস্কারের পরিবর্তন কর—মল্লম্বপদবাচ্য হবে—সংসারে প্রতিষ্ঠালাভ করবে।

দয়াল। সেটা মিথ্যে বল নি কিন্তু—আমাদের ন'গিন্দি পিতিষ্ঠে করেছিল এই এতটুকু একটা অশথ গাছ, এখন তার ইয়া মোটা গুঁড়ি। আমার আওহাল তো তেমন নয় ঠাকুর মশায়, যে, গাছ-পিতিষ্ঠে করবো !

বক্রেখর। ওঃ! কর্ণ, তুমি বধির হও—ভাষাজননীর আর্তনাদ আর যে শ্রবণ করতে পারি না !

দয়াল। কানে আজুল দিচ্ছে কেন গো? লড়াইয়ের খবর-টবর আছে নাকি? আবার কি পলাশীর মাঠ রান্ধা হবার জোগাড় হ'চ্ছে ঠাকুর?

ঝাড়ু হস্তে ক্ষিপ্ৰপদে দিগ্বিদিক জ্ঞানহারা

জোনাকীর প্রবেশ

জোনাকী। মাঠ রান্ধা করবি কি রে মুখপোড়া? আমি তোর পিঠ রান্ধা ক'রে ছাড়বো—[বক্রেখর-ভ্রমে দয়ালকে ঝাড়ু প্রহার]। বল, আর বলবি আমায় মিথ্যেবাদী, ভ্রষ্টা, উগ্রচণ্ডা? দিবি আর-

বেইমানের দেশ

[প্রথম অঙ্ক

সাধুভাষায় গালাগাল ? আজ তোর একদিন কি আমার একদিন !
[পুনঃ পুনঃ প্রহার]

দয়াল । ওবে—বাবা রে, এ আবার কি ফ্যানাদ রে !

বক্রেস্বর । স্থিরোভব—স্থিরোভব । অগ্নি মৃৎময়ী মানময়ী কবি-
প্রিয়া খণ্ডোতিকা ! ক্ষাস্ত হও ; অতিথিনির্যাতন যে ধর্ম-বিগহিত
কর্ম !

জোনাকী । ওমা, কাকে মারু গো ! আমাদের মুখপোড়া
নয়তো, এ আবার কোন্ মুখপোড়া ! ছিঃ—ছিঃ ! কি ঘেরা !
কি লজ্জা !

[মস্তকে অবগুঠন টানিতে টানিতে প্রস্থান ।

বক্রেস্বর । আমি অতীব অমৃতপ্ত দয়াল ! তুমি দয়াল, যেন নির্দয়
হ'য়ে প্রতিশোধের চেষ্টা ক'রো না ।

দয়াল । আবে থাম ঠাকুর, আর আদিখেতায় কাজ নেই !
একেবারে গরু-ঠ্যাঙ্গানো ক'রে ছেড়েছে গা ! হজুর ডেকেছে—
তাই বলতে এসেছিলুম ; যেতে ইচ্ছে হয়—যেও, আমি এখন
চলুম । [প্রস্থানোত্তত]

বক্রেস্বর । অপেক্ষা কর দয়াল, আমি তোমার পৃষ্ঠদেশে স্বহস্তে
তৈলমর্দন ক'রে দিচ্ছি, অচিরেই জ্বালায় অবসান হবে ।

দয়াল । আর অবসানে কাজ নেই ঠাকুর, কি বলবো—মেরেলোক,
নইলে আমিও বসান দিতুম এই বিরানী সিকের ওজনের একটা চড় ।
তোমার বাবার ভাগ্য যে, দয়াল মোড়ল আজ মার খেয়ে মার
হজম করলো—হঁ !

[দ্রুত প্রস্থান ।

বক্রেস্বর । কিমাশ্চর্যমতঃপরম্ !

জোনাকীর পুনঃ প্রবেশ

জোনাকী । লোকটা চ'লে গেছে ? ছিঃ-ছিঃ ! কি লজ্জা— কি ঘেন্না ! তোমার জন্মেই তো এতদূর গড়ালো রে মুখপোড়া । তুই যদি না আমায় অমন অকথা কুকথা বলতিস্, তাহ'লে কি আমার রাগ হ'তো, না সে মুখপোড়া ঝাড়ু খেয়ে মরতো !

বক্রেস্বর । অয়ি প্রচণ্ডে, ক্রোধ সম্বরণ কর ! ক্রোধরিপুকে দমন করতে না পারলে এইরূপ অনর্থই ঘটে । আমার ক্ষুধার উদ্বেক হয়েছে, আমাকে কিছু আহাৰ্য্য দেবে চল, এখনই আমার দরবারে গমন করতে হবে ।

জোনাকী । ঘরে একটি দানাও নেই—মা-লক্ষ্মী বাড়ন্ত । সেই কথাই তো বলতে এসেছিলাম,—মাঝে থেকে এই বিপত্তি !

বক্রেস্বর । বাড়ন্ত গ্রাম্যভাষা, অর্থ—বর্দ্ধিত । তবে আর চিন্তা কি প্রেয়সী, তোমার লক্ষ্মীর ভাণ্ডার যখন বর্দ্ধিত, তখন আর চিন্তা কেন ? আমি দরবারে আমন্ত্রিত, অবিলম্বে আমার ক্ষুন্নিবারণের ব্যবস্থা ক'রে দাও ।

জোনাকী । উল্লুনের ছাই দেবো ?

বক্রেস্বর । অখাণ্ড—প্রিয়তমে, অখাণ্ড—

জোনাকী । তবে ঝাড়ু ?

বক্রেস্বর । ততোধিক !

জোনাকী । মিসের জ্বালায় আমি যাবো কোথা গা ! আমায় যে হাড়ে-নাড়ে জ্বালাচ্ছে !

বক্রেস্বর । তোমায় কোথাও যেতে হবে না প্রিয়ে, আমিই যাচ্ছি—বিলম্বেই অলম !

[প্রস্থান ।

বেইমানের দেশ

[প্রথম অঙ্ক

জোনাকী । আ-মব, চ'লে গেল দেখ ! হতছাড়ার পান্নায় প'ড়ে
উপোস ক'রে মবতে হবে গা ! হাঁড়িতে দুটো পাস্তা আছে, খেয়ে
ঘরে খিল দিবে শুইগে । থাকুন উনি দাঁত ছিব্বকুটে । পুরুষমানুষ
সংসারের কিছু দেখবে না গা ! জালাতন !

[দ্রুত প্রস্থান ।

— — —

তৃতীয় দৃশ্য

মুন্সের দুর্গ—মন্ত্রণাগার ।

[উপর্যুপরি কয়েকটি গুলির শব্দ]

দ্রুতপদে মীরকাসিমের প্রবেশ

মীরকাসিম । কে গুলি করলে ? কাকে গুলি করলে ? নজাফ খাঁ—

নজাফ খাঁর প্রবেশ

নজাফ । জনাবালি—

মীরকাসিম । বলতে পার নজাফ খাঁ, কে গুলি করলে ? কাকে
গুলি করলে ?

নজাফ । শব্দ আমিও শুনেছি হজরৎ, কিন্তু—

মীরকাসিম । অর্থাৎ জান না ? সেনানায়ক সমরু—

[নজাফ খাঁর প্রস্থান ।

উদ্যত রিভলভারহস্তে গুরগীন খাঁর প্রবেশ । তাহার
বামহস্তে ছিল একজোড়া হাতকড়া

গুরগীন । Hands up or you are a dead man. (হ্যাণ্ডস
আপ্ অর্ ইউ আর এ ডেড্ ম্যান)

আমিয়ট । [হাত তুলিল ।]

গুরগীন । Come hither please. (কাম হিদির প্লিজ)

[আমিয়ট অগ্রসর হইল, গুরগীন তাহার হাতে
হাতকড়া লাগাইয়া দিল ।]

আমিয়ট । Oh my God. (ও মাই গড্) হ্যাণ্ডকাপ খোল
ডেও, হামি কুর্নিশ করিটেছে ।

মীরকাসিম । খুলে দাও গুরগীন—

[গুরগীন হ্যাণ্ডকাপ খুলিয়া দিলে আমিয়ট কুর্নিশ করিল ।]

মীরকাসিম । নাও সাহেব, এইবার তোমার বক্তব্য কি তাই
বল । তারপর আমি চাই তোমাদের কৈফিয়ৎ । তোমরা অর্থাৎ
তুমি আর হে সাহেব কোম্পানীর প্রতিনিধি—কৈফিয়ৎ তোমাদের
দিতেই হবে ।

আমিয়ট । কৈফিয়ট্ ? Explanation—what for ? (এক্স-
প্ল্যানেশন—হোয়াট ফর ?)

মীরকাসিম । অন্তায় একটা নয়, বহু । শোন, আমি তোমায় একটা
শ্রুতি ক'রে বলছি । তোমাদের প্রথম অত্যাচার আমার নিরীহ প্রজাদের
উপর ; পরগণায় পরগণায়, গ্রামে গ্রামে, কুঠিতে কুঠিতে তোমাদের
গোমস্তারা জোর-জবরদস্তির উপর ছুন, চাল, চিনি, তামাক এইরকম
কত জিনিষ কেনা-বেগা করছে, পাঁচ টাকার জিনিষটা এক টাকায়

বেইমানের দেশ

[প্রথম অঙ্ক

মীরকাসিম । সব নৌকা বাজেয়াপ্ত করবো আমি । নজাফ খাঁ !
তুমি অবিলম্বে ইংরেজ-দূত আমিয়ট আর হে সাহেবকে কয়েদ কর ।
না—না, দুজনকে নয়—একজনকে, আর একজনকে শৃঙ্খলিত ক'রে
আমার কাছে নিয়ে এসো [নজাফ খাঁর প্রশ্নান] আর সমর, ঐ
ত্রিশখানা নৌকায় অস্ত্রশস্ত্র, গোলাগুলি, বারুদ যা কিছু আছে, সব
উদয়নালার দুর্গে পাঠিয়ে দাও । বেইমান বিশ্বাসঘাতকদের আমি
উপযুক্ত শাস্তি দেবো ।

[সমরর প্রশ্নান ।

আমিয়টের প্রবেশ

আমিয়ট । What's that Nawab ? (হোয়াট্‌স ডাট্‌ নবাব ?)

মীরকাসিম । বক্তব্য বন্বার আগে আভূমি নত হ'য়ে কুণিশ
কর সাহেব !

আমিয়ট । আংরেজ লোক কভি শির নোয়াতে জানে না ।

মীরকাসিম । না জানো, জানতে হবে ।

আমিয়ট । জবরডস্তি ?

মীরকাসিম । জবরদস্তি কেন সাহেব, এটা নবাবী প্রথা । নবাবের
সামনে মাথা তুলে দাঁড়াবার স্পর্ধা কারও নেই—থাকতে পারে না,
অনুথায় সে পাবে কারাদণ্ড ।

আমিয়ট । Is it ? (ইজ্‌ ইট্‌ ?)

মীরকাসিম । তোমার ঔদ্ধত্য ক্রমশঃ ধৈর্যের সীমা ছাড়িয়ে
যাচ্ছে সাহেব !

আমিয়ট । Well, (ওয়েল) কি করিবে ?

মীরকাসিম । কোই ছায় ?

উদ্যত রিভলভারহস্তে গুরগীন খাঁর প্রবেশ । তাহার
বামহস্তে ছিল একজোড়া হাতকড়া

গুরগীন । Hands up or you are a dead man. (হ্যাণ্ডস
আপ্ অর ইউ আর এ ডেড্ ম্যান)

আমিয়ট । [হাত তুলিল ।]

গুরগীন । Come hither please. (কাম হিদার প্লিজ)

[আমিয়ট অগ্রসর হইল, গুরগীন তাহার হাতে
হাতকড়া লাগাইয়া দিল ।]

আমিয়ট । Oh my God. (ও মাই গড্) হ্যাণ্ডকাপ খোল
.ডেও, হামি কুর্নিশ করিটেছে ।

মীরকাসিম । খুলে দাও গুরগীন—

[গুরগীন হ্যাণ্ডকাপ খুলিয়া দিলে আমিয়ট কুর্নিশ করিল ।]

মীরকাসিম । নাও সাহেব, এইবার তোমার বক্তব্য কি তাই
বল । তারপর আমি চাই তোমাদের কৈফিয়ৎ । তোমরা অর্থাৎ
তুমি আর হে সাহেব কোম্পানীর প্রতিনিধি—কৈফিয়ৎ তোমাদের
দিতেই হবে ।

আমিয়ট । কৈফিয়ট্ ? Explanation—what for ? (এক্স-
প্ল্যানেশন—হোয়াট ফর ?)

মীরকাসিম । অগ্নায় একটা নয়, বহু । শোন, আমি তোমায় একটা
একটা ক'রে বলছি । তোমাদের প্রথম অত্যাচার আমার নিরীহ প্রজাদের
উপর ; পরগণায় পরগণায়, গ্রামে গ্রামে, কুঠিতে কুঠিতে তোমাদের
গোমস্তারা জোর-জবরদস্তির উপর মুন, চাল, চিনি, তামাক এইরকম
কত জিনিষ কেনা-বেগা করছে, পাঁচ টাকার জিনিষটা এক টাকায়

মীরকাসিম । সব নৌকা বাজেয়াপ্ত করবো আমি । নজাফ খাঁ !
তুমি অবিলম্বে ইংরেজ-দূত আমিয়ট আর হে সাহেবকে কয়েদ কর ।
না—না, দুজনকে নয়—একজনকে, আর একজনকে শৃঙ্খলিত ক'রে
আমার কাছে নিয়ে এনো [নজাফ খাঁর প্রশ্নান] আর সমরু, ঐ
ত্রিশখানা নৌকায় অস্ত্রশস্ত্র, গোলাগুলি, বারুদ যা কিছু আছে, সব
উদয়নালার দুর্গে পাঠিয়ে দাও । বেইমান বিশ্বাসঘাতকদের আমি
উপযুক্ত শাস্তি দেবো ।

[সমরুর প্রশ্নান ।

আমিয়টের প্রবেশ

আমিয়ট । What's that Nawab ? (হোয়াট্‌স্‌ ডাট্‌ নবাব ?)

মীরকাসিম । বক্তব্য বলবার আগে আভূমি নত হ'য়ে কুণিশ
কর সাহেব !

আমিয়ট । আংরেজ লোক কভি শির নোয়াতে জানে না ।

মীরকাসিম । না জানো, জানতে হবে ।

আমিয়ট । জবরদস্তি ?

মীরকাসিম । জবরদস্তি কেন সাহেব, এটা নবাবী প্রথা । নবাবের
সামনে মাথা তুলে দাঁড়াবার স্পর্ধা কারও নেই—থাকতে পারে না,
অনুথায় সে পাবে কারাদণ্ড ।

আমিয়ট । Is it ? (ইজ্‌ ইট্‌ ?)

মীরকাসিম । তোমার ঔদ্ধত্য ক্রমশঃ ধৈর্যের সীমা ছাড়িয়ে
যাচ্ছে সাহেব !

আমিয়ট । Well, (ওয়ল) কি করিবে ?

মীরকাসিম । কোই ছায় ?

চতুর্থ দৃশ্য

রায়হুলভের বাগানবাটার হলঘর

ব্যস্তভাবে রায়হুলভের প্রবেশ

রায়হুলভ । আ-ম'লো, ব্যাটারা সব মরেছে নাকি ! সবাই কি নাকে সব্বের তেল দিয়ে ঘুমুচ্ছে ? আজ হুজুর আসু'ছেন নিমন্ত্রণে, সব ঠিক-ঠাকু ক'রে রাখ'বার কথা—হুজুরের আস'বার সময় হ'রে এলো, অথচ নচ্চার ছুঁচো বেটারা নিশ্চিন্ত হ'রে ব'সে আছে ? দয়াল ! বলি, ও বাবা দয়াল চন্দর ! একবার এদিকে এসো তো চাঁদ—

নেপথ্যে দয়াল । এজ্ঞে—

রায়হুলভ । এজ্ঞে ব'লে ঘুমিয়ে প'ড়ো না বাপধন ! একবার এদিকে এসো ।

দয়ালের প্রবেশ

দয়াল । আমায় কি আপনি ডাকুচো এজ্ঞে ?

রায়হুলভ । ই্যা বাপধন, তা এতক্ষণ করছিলে কি ?

দয়াল । এজ্ঞে, তেল মালিস করছিলাম ।

রায়হুলভ । কেন চাঁদ, তোমার কি বাত ধরেছে ?

দয়াল । এজ্ঞে ঝাড়ু—

রায়হুলভ । ঝাড়ু ?

দয়াল । এজ্ঞে ই্যা, উগ্রচণ্ডার ঝাড়ু খেয়ে গা-গতরে দরজ হযেছে, তাই তেল মালিস করছিলাম ।

রায়হুলভ । উগ্রচণ্ডা আবার কোথেকে এলো বাপধন ?

বেইমানের দেশ

[প্রথম অঙ্ক

গুরগীন । There is no why Mr Amiot, it is order.
(দেয়ার ইজ নো হোয়াই মিষ্টার অমিয়ট, ইট ইজ অর্ডার)

চরের প্রবেশ

মীরকাসিম । কি সংবাদ ?

চর । এলিস সাহেব পাটনার দুর্গ জয় করেছে—নির্মম হত্যা-
উৎসবে সহরের পথ নররক্তে কর্দমাক্ত—ঘরে ঘরে আতঁের আতঁনাদ !

[প্রশ্নান ।

মীরকাসিম । বেইমান বিশ্বাসঘাতকের দেশে এইটুকুই আশা
করেছিলাম গুরগীন খাঁ ! আগে পাটনা আর মুন্সেরের সমস্ত ইংরাজকে
কারারুদ্ধ কর, তারপর পলাশীর মহাপাপের প্রায়শ্চিত্ত করতে সমগ্র
দেশবাসীকে আহ্বান কর ইংরাজ-অত্যাচার-অবমানের পুণ্য জেহাদে
যোগ দিতে । আমি আজই মুরশিদাবাদ যাবো গুরগীন খাঁ ! আমার
প্রথম কর্তব্য বাংলার বেইমান বিশ্বাসঘাতক ষড়যন্ত্রকারীদের বন্দী
করা । তারপর বোঝাপড়া করবো ঐ বেনিয়া কোম্পানীর সঙ্গে ।

[বেগে প্রশ্নান ।

গুরগীন । Come on my friend. (কাম অন মাই ফ্রেন্ড)

অমিয়ট । Where to ? (হোয়্যার টু ?)

গুরগীন । To prison, where you will get home
Comforts. (টু প্রিজন্, হোয়্যার ইউ উইল গোট হোম কম্ফর্টস ।)

[উভয়ের প্রশ্নান]

— . —

চতুর্থ দৃশ্য

রায়হুলভের বাগানবাটীর হলঘর

ব্যস্তভাবে রায়হুলভের প্রবেশ

রায়হুলভ । আ-ম'লো, ব্যাটারী সব মরেছে নাকি ! সবাই কি নাকে সন্ধ্যের তেল দিয়ে ঘুমুচ্ছে ? আজ হুজুর আসছেন নিমন্ত্রণে, সব ঠিক-ঠাকু ক'রে রাখবার কথা—হুজুরের আসবার সময় হ'লে এলো, অথচ নচ্ছার ছুঁচো বেটারী নিশ্চিত হ'য়ে ব'সে আছে ? দয়াল ! বলি, ও বাবা দয়াল চন্দর ! একবার এদিকে এসো তো চাঁদ—

নেপথ্যে দয়াল । এজ্ঞে—

রায়হুলভ । এজ্ঞে ব'লে ঘুমিয়ে প'ড়ো না বাপধন ! একবার এদিকে এসো ।

দয়ালের প্রবেশ

দয়াল । আমায় কি আপনি ডাক্‌চো এজ্ঞে ?

রায়হুলভ । হ্যাঁ বাপধন, তা এতক্ষণ করছিলে কি ?

দয়াল । এজ্ঞে, তেল মালিস করছিলাম ।

রায়হুলভ । কেন চাঁদ, তোমার কি বাত ধরেছে ?

দয়াল । এজ্ঞে ঝাড়ু—

রায়হুলভ । ঝাড়ু ?

দয়াল । এজ্ঞে হ্যাঁ, উগ্রচণ্ডার ঝাড়ু খেয়ে গা-গতরে দরজ হুয়েছে, তাই তেল মালিস করছিলাম ।

রায়হুলভ । উগ্রচণ্ডা আবার কোথেকে এলো বাপধন ?

বেইমানের দেশ

[প্রথম অঙ্ক]

গুরগীন । There is no why Mr Amiot, it is order.
(দেয়ার ইজ নো হোয়াই মিষ্টার অমিয়ট, ইট ইজ অর্ডার)

চরের প্রবেশ

মীরকাসিম । কি সংবাদ ?

চর । এলিস সাহেব পাটনার দুর্গ জয় করেছে—নির্মম হত্যা-
উৎসবে সহরের পথ নররক্তে কর্দমাক্ত—ঘরে ঘরে আত্মের আত্মনাদ !

[প্রস্থান ।

মীরকাসিম । বেইমান বিশ্বাসঘাতকের দেশে এইটুকুই আশা
করেছিলাম গুরগীন খাঁ ! আগে পাটনা আর মুঙ্গেরের সমস্ত ইংরাজকে
কারারুদ্ধ কর, তারপর পলাশীর মহাপাপের প্রায়শ্চিত্ত করতে সমগ্র
দেশবাসীকে আহ্বান কর ইংরাজ-অত্যাচার-অবনানের পুণ্য জেহাদে
যোগ দিতে । আমি আজই মুরশিদাবাদ যাবো গুরগীন খাঁ ! আমার
প্রথম কর্তব্য বাংলার বেইমান বিশ্বাসঘাতক ষড়যন্ত্রকারীদের বন্দী
করা । তারপর বোঝাপড়া করবো ঐ বেনিয়া কোম্পানীর সঙ্গে ।

[বেগে প্রস্থান ।

গুরগীন । Come on my friend. (কাম অন মাই ফ্রেন্ড)

অমিয়ট । Where to? (হোয়ার টু ?)

গুরগীন । To prison, where you will get home
Comforts. (টু প্রিজন্, হোয়ার ইউ উইল গেট হোম কম্ফর্টস ।)

[উভয়ের প্রস্থান]

— . —

হেষ্টিংস । নেই—নেই, কিছু নেই । হামার ডিনার টাইম হইয়াছে,
I will be going now. (আই উইল বি গৌইং নাউ ।)

মীরকাসিম । সেকি সাহেব, রায় রায়ান রায়হুলভের নিমন্ত্রিত
অতিথি তুমি—এখানে খানাপিনা করবে না ?

হেষ্টিংস । Oh no ! I have been invited only for
innocent amusement. (ও—নো ! আই হ্যাভ বিন্ ইনভাইটেড্
ওন্লি ফর ইননোসেন্ট্ এ্যামিউজমেন্ট্)

মীরকাসিম । তা জানি, স্বভাবের মতই নিজলা আমোদ-প্রমোদ !
তা যদি একান্তই যেতে চাও, যেও এখন । যখন দেখাটা হ'লো হ'টো
কথা বলবার আছে, শুনেই যাও ।

হেষ্টিংস । What ! anything political ? (হোয়াট !
এনিথিং পলিটিক্যাল ?)

মীরকাসিম । হ্যা, কতকটা তাই বটে ।

হেষ্টিংস । I have no time. (আই হ্যাভ নো টাইম)

মীরকাসিম । তা জানি । নাচ-গান হ'লে হয়তো সময় হ'তো ।
তবুও আমি তোমার একটু সময় নষ্ট করবো । আমি জানতে চাই, তুমি
আর তোমাদের গভর্নর ভ্যান্সিটার্ট সাহেব আমার সঙ্গে যে চুক্তিবদ্ধ
হয়েছিলে, আজ তোমরা সে চুক্তি ভঙ্গ করেছ কেন ?

হেষ্টিংস । সন্ডিভঙ্গ কে করিয়াছে ?

মীরকাসিম । তোমরা ।

হেষ্টিংস । হামি কুছু জানে না । গভর্নর জানে—কাউন্সিল জানে ।

মীরকাসিম । তুমি কিছুই জান না, অথচ এর মূলে তুমি ।
নজাফ খাঁ !

নজাফ । জনাবালি—

চোখে চোখে হবে মধু আলাপন,
অধরে অধরে হবে প্রেম নিবেদন,
কুসুম-মালিকা হবে বাহুলতা,

সোহাগে জড়িয়ে রবে তোমারি গলায় ॥

হেষ্টিংস। Splendid ! (স্পেন্ডিড্) হামি দেখিটেছে আপনি
বন্দুর খাটির করিটে জানে !

[নর্তকীগণের কুণিশ করিয়া প্রস্থান ।

রায়হুল'ভ । একটু বুট-ডাষ্ট্ দিন সাহেব, একটু বুট-ডাষ্ট্ দিন—

মীরকাসিম ও নজাফ খাঁর প্রবেশ

মীরকাসিম । তোমার উর্কতন চতুর্দশ পুরুষ উদ্ধার হ'য়ে যাক্—
কেমন, এই না মহামাণ্ড রায় রায়ান রায়হুল'ভ ? এই যে শেঠজী,
এই যে রাজা রাজবল্লভ, আপনারা বাদ পড়্ছেন কেন ? পিতৃপুরুষদের
উদ্ধারের এমন শুভযোগ হেলায় হারাবেন না—আপনারা হেষ্টিংস
সাহেবের পায়ের তলায় একটু গড়াগড়ি দিন ।

হেষ্টিংস । নবাব !

রাজবল্লভ ও জগৎশেঠ । জনাবালি—[কুণিশ করিতে লাগিল ।]

মীরকাসিম । থাক্—থাক্, যথেষ্ট হয়েছে । নবাব মীরকাসিম-
তোমাদের এতগুলো কুণিশের যোগ্য ইনাম দিতে পারবে না, কাজেই
কুণিশের অপচয়ক'রে কোন লাভ নেই । ওকি সাহেব, উঠে দাঁড়ালে যে ?
ধূমকেতুর মত সহসা আবিভূত হ'য়ে তোমাদের আনন্দের মজলিস্
ভেঙ্গে দিয়েছি, তার জন্ত আমি দুঃখিত ।

হেষ্টিংস । নেই—নেই, কুছ নেই । হামার ডিনার টাইম হইয়াছে,
I will be going now. (আই উইল বি গোইং নাউ ।)

মীরকাসিম । সেকি সাহেব, রায় রায়ান রায়হুলভের নিমন্ত্রিত
অতিথি তুমি—এখানে খানাপিনা করবে না ?

হেষ্টিংস । Oh no ! I have been invited only for
innocent amusement. (ও—নো ! আই হ্যাভ বিন্ ইনভাইটেড্
ওন্লি ফর ইন্নোসেন্ট্ এ্যামিউজমেন্ট্)

মীরকাসিম । তা জানি, স্বভাবের মতই নিজলা আমোদ-প্রমোদ !
তা যদি একান্তই যেতে চাও, যেও এখন । যখন দেখাটা হ'লো হ'টো
কথা বলবার আছে, শুনেই যাও ।

হেষ্টিংস । What ! anything political ? (হোয়াট !
এনিথিং পলিটিক্যাল ?)

মীরকাসিম । হ্যা, কতকটা তাই বটে ।

হেষ্টিংস । I have no time. (আই হ্যাভ নো টাইম)

মীরকাসিম । তা জানি । নাচ-গান হ'লে হয়তো সময় হ'তো ।
তবুও আমি তোমার একটু সময় নষ্ট করবো । আমি জানতে চাই, তুমি
আর তোমাদের গভর্নর ভ্যান্সিটার্ট সাহেব আমার সঙ্গে যে চুক্তিবদ্ধ
হয়েছিলে, আজ তোমরা সে চুক্তি ভঙ্গ করেছ কেন ?

হেষ্টিংস । সন্ডিভঙ্গ কে করিয়াছে ?

মীরকাসিম । তোমরা ।

হেষ্টিংস । হামি কুছ জানে না । গভর্নর জানে—কাউন্সিল জানে ।

মীরকাসিম । তুমি কিছুই জান না, অথচ এর মূলে তুমি ।
নজাফ খাঁ !

নজাফ । জনাবালি—

চোখে চোখে হবে মধু আলাপন,
অধরে অধরে হবে প্রেম নিবেদন,
কুসুম-মালিকা হবে বাহুলতা,

সোহাগে জড়িয়ে রবে তোমারি গলায় ॥

হেষ্টিংস । Splendid ! (স্পেন্ডিড্) হামি দেখিটেছে আপনি
বন্দুর খাটির করিটে জানে !

[নর্তকীগণের কুণিশ করিষা প্রস্থান ।

রায়ছলভ । একটু বুট-ডাষ্ট্ দিন সাহেব, একটু বুট-ডাষ্ট্ দিন—

মীরকাসিম ও নজাফ খাঁর প্রবেশ

মীরকাসিম । তোমার উর্দুতন চতুর্দশ পুরুষ উদ্ধার হ'য়ে যাক্—
কেমন, এই না মহামাত্ত রায় রায়ান রায়ছলভ ? এই যে শেঠজী,
এই যে রাজা রাজবল্লভ, আপনারা বাদ পড়ছেন কেন ? পিতৃপুরুষদের
উদ্ধারের এমন শুভযোগ হেলায় হারাবেন না—আপনারা হেষ্টিংস
সাহেবের পায়ের তলায় একটু গড়াগড়ি দিন ।

হেষ্টিংস । নবাব !

রাজবল্লভ ও জগৎশেঠ । জনাবালি—[কুণিশ করিতে লাগিল ।]

মীরকাসিম । থাক্—থাক্, যথেষ্ট হয়েছে । নবাব মীরকাসিম
তোমাদের এতগুলো কুণিশের যোগ্য ইনাম দিতে পারবে না, কাজেই
কুণিশের অপচয় ক'রে কোন লাভ নেই । ওকি সাহেব, উঠে দাঁড়ালে যে ?
ধূমকেতুর মত সহসা আবিভূত হ'য়ে তোমাদের আনন্দের মজলিস্
ভেঙ্গে দিয়েছি, তার অন্ত আঁমি দুঃখিত ।

পঞ্চম দৃশ্য

পথ

বক্রেখরের প্রবেশ

বক্রেখর । আমার আসল বিষয়টা প্রমাণিত হবার আগেই হ'লো একটা প্রচণ্ড সংগ্রাম ! দুৰ্ভাগ্যে পারলাম না দয়ালচন্দ্রের উদ্দেশ্য ! হয়তো রায় রায়ান আমায় আহ্বান করেছেন । সহসা আক্রান্ত দয়ালচন্দ্র সেটা প্রকাশ করবার অবকাশ পেলে না ! তাইতো ! আমি আনুমানিক আহ্বানের উত্তর দান করতে উন্মাদের মত রায় রায়ানের গৃহাভিমুখে চলেছি । অনুমানে যখন সত্যতা অনিশ্চিত, তখন বেশ বোঝা যাচ্ছে, এ আমার উন্নততা নয়, মুর্থতা ! আমি যাবো না, যাবার পূর্বে বিচার করতে হবে—মীমাংসা করতে হবে—যাওয়া সম্ভব কি না !

দয়ালের প্রবেশ

দয়াল । এ কি, বক্রেখর ঠাকুর যে ! এখানে দাঁড়িয়ে কি ভাবচো একে ?

বক্রেখর । এই যে দয়ালচন্দ্র, তুমি এসেছ ভালই হয়েছে, এখন চল দেখি আমার বাড়ী—

দয়াল । ওরে বাপরে ! আমার পিঠতো আর গণ্ডারের চামড়া দিয়ে তৈরী নয় ঠাকুর, যে, আবার আমি তোমার বাড়ী যাবো !

বক্রেখর । তোমাকে যেতেই হবে দয়ালচন্দ্র ! দেশ-কাল-পাত্র যেমনটা ছিল, ঠিক তেমনটা না হ'লে যে কিছুই হবে না দয়ালচন্দ্র ?

জানো যারে মিত্র ব'লে,
নিচ্ছে। স্নেহে বুকে তুলে ,
তার। বর্ণচোরা ঘরের ঢেঁকি জাত সাপেরই তুল ॥
মীরকাসিম । কে তুমি ?

পূর্ব গীতাংশ

বকাউল্লা—ছিলাম নেয়ে,
হ'লাম পাগল দাগা পেয়ে,
এ ছনিয়ায় দেখি চেয়ে শুধু তুমিই সবার চক্ষুশূল ॥

[প্রশ্নান ।

মীরকাসিম । জানি—জানি বন্ধু, আমাব ঘরে শত্রু, বাইরে শত্রু ।
কিন্তু বুঝতে পারি না—কে শত্রু, কে মিত্র ! তবু আমি নাধ্যমত
চেষ্ঠা করবো বন্ধু, ভুল সংশোধন করতে । যদি সক্ষম না হই, বুঝবো,
বদনসীব শুধু আমার নয়—ছথিনী বঙ্গজননী ব আর বাংলাবাসী সমস্ত
হিন্দু-মুসলমানের । আর তার পরিণাম বেনিয়া কোম্পানীর দাসত্ব-
শৃঙ্খল !

[প্রশ্নান ।

ক'রে তোমার মস্তকের অগ্নি নির্ঝাপিত করবো। এসো দয়ালচন্দ্র, বিলম্বে বিপদ ঘনীভূত হ'য়ে উঠবে। [দয়ালের হাত ধরিয়া আকর্ষণ করিতেছিল]

দয়াল। ভাল আপদ! ছেড়ে দাও মশায়, আমার কাজ রয়েছে যে!

বক্রেস্বর। জীবন রক্ষা হ'লে কার্যের সুযোগ যথেষ্ট পাবে দয়াল চন্দ্র! এনো, ত্বরান্বিত হও—[পুনঃ পুনঃ আকর্ষণ]

হেষ্টিংসের প্রবেশ

হেষ্টিংস। একি! তোমরা কি করিতেছ? টুমি ডয়াল—না?

দয়াল। এই যে হুজুর, আমায় রক্ষা কর হুজুর—

হেষ্টিংস। কেনো তোমাকে টানাটানি করিতেছে? পাওনাভার আছে বুঝি? [দয়ালকে মুক্ত করিল] কুছ পরোয়া নেই, হামি সব বণ্ডোবস্ট্ করিয়া ডিবে,—ডয়াল হামার বণ্ডুকা নোকর আছে।

দয়াল। তোমার বন্ধু কি আছে হুজুর, তেনাদের তিনজনকে নবাব মুঙ্গের চালান ক'রে দিয়েছে।

হেষ্টিংস। What! (হোয়াট!) মুঙ্গেরে চালান করিয়েছে! হামি কাউন্সিলকে report (রিপোর্ট) করিবে, কাউন্সিল টাহাদের ফিরাইয়া আনিবে, but (বাট্) টাহার আগে টোমায় একঠো কাম করিতে হোবে, টোমাকে এক ডফে মুঙ্গের যাইটে হইবে—বণ্ডুকে একঠো জরুরী টিটি ডিটে হইবে।

দয়াল। ওরে বাপ্‌রে, বাঘের খোপরে আমি যেতে পারবো হুজুর! এই সব্‌চিন্ দয়ালকে দেখলেই তোমাদের চর মনে ক'রে কোতল করবে।

হেষ্টিংস। লেकिन কাম বহট্ জরুরী !

দয়াল। দাঁড়াও সাহেব, একটা মতলব মাথায় এসেছে। আমাদের কবি ঠাকুরকে কেউ চেনে না, চেনেন শুধু আমাদের হজুর আর শেঠজী, ওকে পাঠালে হয় না সাহেব ?

হেষ্টিংস। কবি ঠাকুর কোন্ আছে ? Is he a clever ?
(ইজ্জ হি এ ক্লেভার ?) উও চালাক আড্‌মী আছে ?

দয়াল। বোকার মত থাকে, কিন্তু বেজায় চালাক।

হেষ্টিংস। বহট্ আচ্ছা ! উসিকো ভেজ্ ডেও হামারা আপিনমে।

দয়াল। ভেজ্‌তে হবে কেন সাহেব, এই সেই কবি ঠাকুর ! ঠাকুর ! সাহেবের কাছে রায় রায়ান খবর পাঠিয়েছে, তোমায় আজই মুন্দের ঘেতে হবেক। সাহেব তোমার যাবার সব ব্যবস্থা ক'রে দেবে, আর একখানা চিঠি দেবে।

হেষ্টিংস। হাঁ—হাঁ, হামি সব্ বণ্ডোবস্ট করিয়া ডিবে। চিঠি ভি ডিবে, আউর লাল পাঞ্জা ডিবে—

বক্শের। সমস্তার তো সমাধান হ'য়ে গেল দয়ালচন্দ্র, আমার অনুমানও সত্যে পরিণত হ'লো—

দয়াল। তাহ'লে যাও এজ্জে সাহেবের সঙ্গে। এখন আমিও নিশ্চিন্দ হ'লাম, তোমারও এজ্জে দুর্ভাবনা গেল !

বক্শের। বিষয়টার মীমাংসা হ'য়ে গেল এইটাই আমার আনন্দ, এইটাই আমার তৃপ্তি !

হেষ্টিংস। Come on then. (কাম অনু দেন) মেরে সাঠ্ আও—

[বক্শের সহ প্রস্থান।

দয়াল। আঃ, বাঁচা গেল ! যার শত্রু পরে পরে !

গাহিতে গাহিতে বকাউল্লার প্রবেশ

বকাউল্লা ।

গীত

তোমাদের কবে খুলবে আঁখি ।

মাকাল ফলের লোভে প'ড়ে

আপনারে দাও ফাঁকি ॥

বাংলাদেশের কাজলা ছেলে,

লোভে প'ড়ে সব খোয়ালে,

খাল কেটে যে আন্লে কুমীর

ডোবালে স্বাধীনতার সোনার চাকি ॥

[প্রস্থান ।

দয়াল । কি বললে ? কথাগুলো মগজে যেন ঘা দিয়ে গেল, অথচ কিছুই বুঝতে পারলাম না ! বক্রেশ্বর ঠাকুরকে ফিরিয়ে আনবো ? বক্রেশ্বর ঠাকুর ! বক্রেশ্বর ঠাকুর ! দূর, সে তো অনেকক্ষণ চ'লে গেছে । তবে কি করবো ? পাগলা বকাউল্লার কাছে ব্যাপারটা বুঝে নেবো ? সেই ভাল—আগে বুঝে নি, তারপর যা হয় করা যাবে । বলি ও বকাউল্লা মিঞা, শোন—শোন—

[বেগে প্রস্থান ।

ষষ্ঠ দৃশ্য

কলিকাতা—মীরজাফরের প্রানাদ

মীরজাফর ও মণিবেগম কথোপকথন করিতেছিলেন

মণি । এইবার সব ঠিক হ'য়ে গেল, তোমার গদি পেতে আর বিনশ্ব নেই ; আজই কাউন্সিলে পাশ হ'য়ে ছকুমনামা বেরুবে ।

মীরজাফর । তুমি বারবার বল্ছো বটে, মন এক একবার সায় দিচ্ছে, এক একবার বঁকে দাঁড়াচ্ছে । বেইমানদের বেষ্টনীর মধ্যে থেকে বাঙ্গলার নবাবী করা আমার নহবে না মণি ! মসনদের চারিপার্শ্বের ক্ষুদ্র মন্দিরকাটা পর্য্যন্ত বেইমান । তুমি বল্ছো রায়দুর্গভ, রাজা রাজবল্লভ, জগৎশেঠ, সবাই চায় আবার আমি নবাব হই, কিন্তু তুমি আজও তাদের চিন্তে পারনি তাই একথা বল্ছো । সিরাজকে মসনদ থেকে নামিয়ে আমাকে মসনদে বসাতে তারা যতখানি চেষ্টা করেছিল কথায় ও কার্যে—মীরকাসিমকে নবাবী দিতে তার এতটুকু কম করেনি । এখন মীরকাসিম তাদের স্বরূপ বুঝতে পেরেছে, তাই তারা হয়েছে মীরকাশিমের শত্রু । আমায় ভোলাতে চাচ্ছে মিত্রতার ভানে, দুদিন পরে তারাই আবার তৃতীয় ব্যক্তিকে জুটিয়ে দেবে কোম্পানীর সঙ্গে ; আর কোম্পানী আমার হাত ধ'রে টেনে নামিয়ে দেবে মসনদ থেকে । এ তো নবাবী নয় মণিবেগম, ইংরেজের গোলামী ।

মণি । গোলামী হ'লেও তোমায় এ গোলামী করতে হবে নবাব ! যে মীরকাসিম তোমার সঙ্গে বিশ্বাসঘাতকতা করেছে, আমি চাই সেই

বিশ্বাসঘাতককে উপযুক্ত শাস্তি দিতে । রাজবল্লভ, জগৎশেঠ, রায়চুলভের কথা ধ'রো না । তারা যদি আবার বিরুদ্ধে দাঁড়িয়ে ষড়যন্ত্রে লিপ্ত হয়, আমি জানি কেমন ক'রে তাদের সায়েস্তা করতে হয় ।

মীরজাফর । কিন্তু বেইমানের দল যে চারিদিকে মণিবেগম ! ক'জনকে সায়েস্তা করবে তুমি ? তা ছাড়া কোম্পানীর সনন্দ পেলেই তো আর নবাব হ'তে পারবো না ? আরও মীরকাসিমের সৈন্যবলের কাছে নগণ্য ক'টা ইংরাজসৈন্য কতক্ষণ দাঁড়াতে পারবে ?

মণি । সিরাজের সৈন্যবল তো কম ছিল না নবাব ! তবে কেন পলাশীপ্রাঙ্গনে সিরাজের পরাজয় ? এই অভাবনীয় পরাজয়ের মূলে যে কারণ ছিল, আজও সেই কারণ বিদ্যমান । বেইমানের দেশে বেইমানের অভাব নেই । এক গুরগীন খাঁকে হাত করলে মীরকাসিমের অর্ধেক শক্তি ক'মে যাবে ; আমি সে বন্দোবস্ত করছি । তারপর বাকী সেনানায়কদের মধ্যে সকলেই যে মীরকাসিমের পক্ষে যুদ্ধ করবে, এমনটা মনে হয় না । রায়চুলভ, রাজবল্লভ, জগৎশেঠকে মুঙ্গেরের দুর্গে আটক ক'রে রেখেছে, তারাই হবে একাজে আমার প্রধান অস্ত্র ।

মীরজাফর । তুমি গুরগীন খাঁকে হাত করবে ? কেমন ক'রে ?

মণি । গুরগীন খাঁ বিদেশী সেনানায়ক, কাজেই এদেশের উপর তার দরদ নেই । সে লড়াই করবে তক্ষার ওজনে । আমি যদি তাকে তার মাসিক তক্ষার চতুর্গুণ তঞ্চা দিই, তাহ'লে সে দাঁড়াবে আমার দিকে—মীরকাসিমের পক্ষে নয় ।

মীরজাফর । কে তাকে এ প্রস্তাব করবে ?

মণি । তার ভাই পিফ্রস্ ।

মীরজাফর । পিফ্রস্ ? সে যে ইংরেজের কারাগারে বন্দী ?

মণি । আমার অনুরোধে গভর্নর তাকে মুক্তি দিয়েছেন ।

মীরজাফর। তুমি এতদূর এগিয়েছ মণি? কিন্তু গুরগীন খা বিশ্বাসী—প্রভুভক্ত, সে পিড্রসের কথায় বিশ্বাসঘাতকতা করবে?

মণি। এ প্রশ্নের উত্তর পিড্রসের মুখেই শোন। কে আছিল, খোজা পিড্রস—

মীরজাফর। পিড্রস কি এখানে আছে নাকি?

মণি। মুন্সেরে পাঠাবো ব'লে আমিই তাকে আনিয়েছি।

পিড্রসের প্রবেশ

পিড্রস। বঙেগী মণিবেগম—জিন্দাবাদ!

মণি। কোম্পানী তোমায় জেলে রেখেছিল, হুকুম হয়েছিল ফাঁসি দেবার; আমি তোমায় মুক্ত করেছি—

পিড্রস। Many thanks for your kindness. (মেনি ধ্যাক্স ফর ইওর কাইণ্ডনেস) লেकिन হামি বুঝলো না হামার ডোষ কি আছে।

মণি। তোমার অপরাধের কথা আমি কেমন ক'রে জানবো বল—কোম্পানীর ইচ্ছে।

পিড্রস। নাট সমুদ্রের টেরো নডী পার হ'য়ে কোম্পানী আসিল বাংলা মুলুকে—গুচু নাচাইটে। টোমাডের নাচাইল, নবাব মীরকাসিমকে নাচাইটেছে, এখন আবার টোমাডেরও পা স্‌ড়্ স্‌ড়্ করিটেছে নাচিবার জন্তে। হামি টো স্‌রুসে নাচিয়া মরিটেছে, পিছে সারা বাংলা মুলুক নাচিবে।

মীরজাফর। ঠিক বলেছ পিড্রস, ইংরেজ-কোম্পানী আমাদের পোষা বাদরের মতই নাচাচ্ছে।

মণি। তুমি থামো। পিড্রস, তুমি আমার একটা কাজ করবে?

পিঙ্গুস্ । আল্‌বট্ করিবে—ইনাম পাইলে কেনো করিবে না ?

মণি । তুমি যা চাও আমি তাই দেবো পিঙ্গুস্, আমি তোমায় খুসী করবো ।

পিঙ্গুস্ । I am always at your service Begum. (আই এ্যাম অলওয়েজ এ্যাট ইয়োর সার্ভিস বেগম !) টাকা পাইলে আমি এক ডম্ গোলাম হইয়া যাইবে ।

মণি । তোমার ভাই গুরগীন বড় প্রভুভক্ত এবং বিশ্বাসী—
না পিঙ্গুস্ ?

পিঙ্গুস্ । আমি কোন্ কমুটী আছে ? মীরকাসিম টাকা ডিটেছে, তাই সে পরভুভক্ট্ আছে—বিশ্ণুগানি আছে,—টকা না পাইলে he will be a traitor. (হি উইল বি এ ট্রেটর)

মণি । আমি যেমন তোমাকে খুসী করবো বলেছি, তোমার ভাইকেও তেমনি খুসী করবো—সে যদি মীরকাসিমের পক্ষে লড়াই না করে ।

পিঙ্গুস্ । টাকা পাইলে সব্ কুছ্ করিতে পারে—আমি ভি হামার ভাই ভি ।

মীরজাফর । টাকা ঘুষ নিয়ে গুরগীন বিশ্বাসঘাতকতা করবে ?

পিঙ্গুস্ । টাকা রোজগার করিতে বিদেশে আসিয়াছে—মোটী টাকা পাইলে জান ভি ডিটে পারে ।

মণি । তাহ'লে তুমি আজই তোমার ভাইয়ের কাছে যাও—
পিঙ্গুস্ !

পিঙ্গুস্ । লেकिन টাকা আগে ডিটে হোবে ।

মণি । বেশ—তুমি তোষাখানায় গিয়ে অপেক্ষা কর, আমি সব ব্যবস্থা ক'রে দিচ্ছি—

বেইমানের দেশ

[প্রথম অঙ্ক

পিড্রস্ । Reght O'. (রাইট ও)

[প্রস্থান ।

মীরজাফর । ছনিয়ায় মানুষ চেনা ভার ! এই পিড্রস্কে একদিন ভিক্ষে ক'রে বেড়াতে দেখেছি, পথ থেকে কুড়িয়ে এনে একটা চাকরী দিয়েছিলাম । অবস্থাটা একটু ফিরতে না ফিরতে সে সুরু করলে বেইমানী—তারপর হঠাৎ হ'য়ে উঠলো মীরকাসিমের ডান হাত—ইংরেজ-কোম্পানী পেছনে লাগলো—কোম্পানী তাকে কয়েদ ক'রে রাখলে । সেই পিড্রস্ আজ আবার মীরকাসিমের সর্কনাশ করতে চলেছে । চমৎকার !

হেষ্টিংসের প্রবেশ

হেষ্টিংস । বঙেগী নবাব—বঙেগী Your Excellency (ইংর এক্সলেন্সি) মণিবেগম !

মীরজাফর । আজ হঠাৎ নবাব-সম্ভাষণ কেন সাহেব ? নবাবী তো অনেক দিন চুকে গেছে !

হেষ্টিংস । No—No, you are Nawab. (নো—নো, ইউ আর নবাব) কাউন্সিল ঠিক করিয়াছে টোমাকেই নবাবী সনও দেওয়া হইবে । গভর্নর ভ্যান্সিটার্ট সাহেব টোমাকে সনও ডিয়াছে । হামি আসিয়াছে উহা ডিটে ।

মীরজাফর । কিন্তু এ নবাবী নিয়ে আমি কি করবো সাহেব ? এ নবাবীর আবরণে গোলামী ।

হেষ্টিংস । Don't say so. (ডোন্ট সে সে) টুমি চুক্টি মাফিক করিলে না—কোম্পানী টোমার নবাবী কাড়িয়া লইল—চুক্টি মাফিক কাম করিলে জিন্দগী ভর নবাবী করিটে পারিবে ।

মীরজাফর । জিন্দগী ভর নবাবী করবো ! কি আনন্দ ! কি আনন্দ ! মণিবেগম, দেখ্‌ছো ?

মণি । কি জাঁহাপনা ?

মীরজাফর । আমার ফতেমার মুখখানা ? এক চোখে আঙুন, এক চোখে শ্রাবণের ধারা ! বুঝতে পার্‌ছো এর অর্থ কি ?

মণি । জনাব কি খোয়াব দেখ্‌ছেন ?

মীরজাফর । না—না, আমি জন্মদাতা পিতা, পিতা হ'য়ে কত্‌বার চোখে জল আমি দেখ্‌তে পার্‌বো না । চাই না—চাই না আমি নবাবী । হেষ্টিংস সাহেব ! তোমার গভর্নরকে বলগে, চাই না আমি নবাবী সনন্দ, সন্তানতুল্য স্নেহাস্পদ জামাতার সর্কনাশ করতে আমি পার্‌বো না—পার্‌বো না—পার্‌বো না—[গমনোচ্চোগ, মণিবেগম তাহাকে বাধা দিল]

মণি । সনন্দ তোমায় নিতেই হবে । ভুলে যেও না নবাব, আজ যাকে তুমি পুত্রতুল্য স্নেহাস্পদ মনে ক'রে কোম্পানীর অন্তগ্রহের দান নবাবী সনন্দ গ্রহণ করতে ইতস্ততঃ কর্‌ছো, সেই মীরকাসিম কোম্পানীর সঙ্গে ষড়যন্ত্র ক'রে আজ তোমার এই দুর্দশা করেছে । বাংলা, বিহার, উড়িষ্যার ভূতপূর্ব নবাবের ভাতা ধার্য্য করেছে একটা সাধারণ কর্ম-চারীর মত মাসিক ছ'হাজার টাকা ! এই অপমান, এই হীনতা, এই লাঞ্ছনা সহ্য ক'রেও তুমি কি তোমার ঐ স্নেহাস্পদের মুখ চেয়ে নবাবী সনন্দ গ্রহণ কর্‌বে না নবাব ?

মীরজাফর । আমি নেবো—আমি নেবো নবাবী সনন্দ মণিবেগম ! আমি মাঝে মাঝে কর্তব্যভ্রষ্ট হ'য়ে যাই—আমি আমার মনের নে দুর্বলতা ঝেঁরে ফেলে দেবো । অন্ধকার পথে তুমি আমার হাত ধ'রে পথ দেখিয়ে নিয়ে চল মণিবেগম !

হেষ্টিংস । Now Your Excellency the Nawab

বেইমানের দেশ

[প্রথম অঙ্ক

Bahadur of Bengal, Bihar and Orissa, (নাউ ইয়োর এক্সেলেন্সি দি নবাব বাহাদুর অফ বেঙ্গল, বেহার এ্যাণ্ড উড়িষ্যা)
টোমাকে হামি নবাব বলিয়া কুর্নিশ করিটেছে । [সনন্দ দান]

মীরজাফর । সনন্দ তো দিলে, আবার কবে কেড়ে নেবে সাহেব ?

হেষ্টিংস । Abide by the terms and enjoy life long.
(এ্যাবাইড্ বাই দি টার্মস্ এ্যাণ্ড এন্জয় লাইফ লঙ্) মীরকাসিম
হামার ডোস্ট ছিল, লেকিন সন্ডি মানিল না—খুসীমত কাম করিটে
লাগিল—আমিগটকে হট্যা করিল—পাটনায় হামাদের কুঠী বরবাড্
করিল—আংরেজ লোককে Slaughter (স্লটার) করিল—জাতি
ভাইয়ের রক্টো পাট করিল—আংরেজের ডুসমন হইল—হামার
ডুসমন হইল । Now no mercy on Mircosim. (নাউ নো
মার্শি অন মীরকাসিম) War—War revenge ! (ওয়ার—ওয়ার
রিভেঞ্জ) লড়াই করিটে হইবে—হামি এ্যাডামস্কে লুকুম ডিয়াছে
ফোজ ready (রেডি) করিটে । আংরেজ রক্টো পাটের revenge
(রিভেঞ্জ) চাই—সয়টান মীরকাসিমকে এমন সাজা ডিবে, যা ডেখিয়া
সারা দেশ কাঁপিটে ঠাকিবে । নবাব বাহাদুর, be ready for war.
(বি রেডি ফর্ ওয়ার) come on my friend—not a minute
to waste (কাম্ অন্ মাই ফ্রেণ্ড—নট্ এ মিনিট্ টু ওয়েস্ট) ।

[প্রস্থান ।

মীরজাফর । চল মণিবৈগম, আমাদেরও প্রস্তুত হতে হবে । যুদ্ধের
খরচ দেবে তুমি, আর আমি সাহায্য করবো সৈন্যবল দিয়ে । নবাবীর
আরম্ভেই জামাতার সঙ্গে যুদ্ধ—এর শেষ কোথায় তা ভাবতে পাচ্ছি না ।

মণি । আমি চাই মীরকাসিমের শির—লক্ষ মুদ্রা ধার্য্য করেছি
এর মূল্য ! [উভয়ের গমনোচ্চোগ]

গাহিতে গাহিতে বকাউল্লার প্রবেশ

বকাউল্লা ।

গীত

থাকতে বেলা বুঝে-সুঝে চল ।

আপন পায়ে কুড়ুল মেরে দেখিস্নিকো বাহুবল ॥

মাথার উপর উড়ছে শঙ্খন, বুদ্ধি দিচ্ছে হাড়গিলা,

শিয়াল মামা মারছে উঁকি ডোমচিল দেখে বাড়িয়ে গলা,

সিঙ্গি আছে ধিঙ্গি হ'য়ে নোলায় সরে জল ॥

জেগে জেগে দেখছো স্বপন,

পাহাড়ের সাপ হবে আপন,

ঠাণ্ডা ব'লে জড়াও বুকে শেষে এক ছোবলে পাবে ফল ॥

[প্রস্থান ।

মণি । বিদ্রোহী—বিদ্রোহী, কে আছিস, উন্মাদটাকে ধর—কোতল
কর—কোতল কর—

[মীরজাফরের হাত ধরিয়া টানিতে টানিতে প্রস্থান ।

দ্বিতীয় অঙ্ক

প্রথম দৃশ্য

মুন্সের-দুর্গাভ্যন্তর

রায়দুলভ, জগৎশেঠ, রাজবল্লভ কথোপকথন করিতেছিলেন

রায়দুলভ। নবাবের ভাবগতিক তো কিছুই বোঝা যাচ্ছে না শেঠজি! শেষটায় ঘর-সংসার ছেড়ে বিদেশে বিভূঁয়ে এসে প্রাণটা দিতে হবে নাকি ?

জগৎশেঠ। আমিও তো কিছু বুঝতে পাচ্ছি না রায় রায়ান !

রাজবল্লভ। এ অত্যাচার কখনো ধর্ম্য সহাবে না—মাথার উপর একজন আছেন ; তিনি সবই দেখছেন, সবই শুনছেন ।

রায়দুলভ। আমরা নির্ধীরোধী লোক, সাতোও নেই—পাঁচোও নেই, আমাদের উপর এ অত্যাচার জুলুম! দেশের লোক যদি না চায়, তুমি নবাবী করবে কি ক'রে ? ইংরেজ-কোম্পানীর কাছে চুল-চেরা বিচার ! তাঁরা চান রাজ্যে শৃঙ্খলা—রাজ্যে শান্তি । তুমি যদি সে শৃঙ্খলা ভঙ্গ কর—শান্তি নষ্ট কর, তোমার নবাবী থাকবে কেন ? কোম্পানী নবাবী দিয়েছে, কোম্পানীই কেড়ে নেবে ।

রাজবল্লভ। ষাঁড়ে ষাঁড়ে লড়াই হয়, উলুখাগড়ার প্রাণ যায় ! শেষটায় দোষী হ'লুম আমরা ।

জগৎশেঠ। এই আমার কথাই ধরুন না কেন, মাত্র লোটা আর কঞ্চল সার ক'রে আমার পূর্বপুরুষ বাঙ্গলা দেশে এসেছিলেন । বুদ্ধি ধৈর্য্য আর অধ্যবসায়ের জোরে যা কিছু উপার্জন ক'রে গেছিলেন,

আমার বাবা সেটা বাড়ালেন ; আমিও বেশ মাথা খেলিয়ে বাড়াতে বাড়াতে লাখ থেকে কোটি, কোটি থেকে অর্কুদে দাঁড় করালুম। আমার এত কষ্টে উপার্জিত সেই টাকা আমি তো আর খয়রাৎ করতে পারিনি দাদা ? মীরজাফরকে টাকা দিলুম কিছু মুনাফার সঙ্গে ফিরে পাবার আশাতেই ; সে দিতে পারলে না, আমিও হাত গুটালুম। সেও পারলে না কোম্পানীর পাওনা গণ্ডা মেটাতে, কোম্পানী কেড়ে নিলেন তার নবাবী,—মীরকাসিমকে বসালে গদীতে। মুনাফার আশায় তাঁকেও দিলুম টাকা, মুনাফা তো দূরের কথা—আসলটাই ফেরৎ পেলুম না, কাজেই আমার হাত গুটতে হয়েছে। বলতো দাদা, এতে আমার অপরাধ কি ? এখন বুলি ধরেছে দেশের স্বাধীনতা অর্জনে তোমরা এগিয়ে এসো। আবে বাপু, আমি তো বিদেশী, আমার কি মাথা ব্যথা বল তো ?

রাজবল্লভ। আমার সঙ্গে মতের অমিল তো ঐ দেশের ব্যথা নিয়ে। সংসারী লোক আমরা, নিজের ছেলে-পুলেকে মালুম করবো না ঘর-সংসার ভাসিয়ে দিয়ে দেশ দেশ ক'রে নেচে বেড়াবো ?

রায়ছলভ। শেঠজীরও যে দশা আমারও সেইদশা ! বুক ফাটলেও মুখ ফুটে কিছু বলবার যো নেই।

জগৎশেঠ। অথচ আমাদের বদনাম—আমরা নবাবের বিরুদ্ধে ষড়যন্ত্র করছি !

রাজবল্লভ। ঘোর কলি—শেঠজি, ঘোর কলি !

রায়ছলভ। বিনা দোষেই যখন বদনাম, তখন আমরা ষড়যন্ত্রেই লিপ্ত হবো।

জগৎশেঠ। সে পথও যে বন্ধ রায় রায়ান, আমরা যে অবরুদ্ধ ! বাইরে যাবার হুকুম নেই।

রাজবল্লভ । মাথা খেলাও বন্ধ, মাথা খেলাও । মাথার জোরেই যখন দশজনের একজন হয়েছ, তখন বাইরে যাবার একটা পথ করতে পারবে না ?

রায়চুলভ । পারতেই হবে—নইলে জল্লাদের হাতে মরতে হবে । অমূল্য জীবনটাকে এমন ভাবে নষ্ট হ'তে দেবো না ।

মীরকাসিমের প্রবেশ

মীরকাসিম । আপনাদের অমূল্য জীবন কি নষ্ট হ'য়ে যাচ্ছে এই মুহুরে এসে রায় রায়ান ?

[নবাবকে দেখিয়া সকলে কুর্নিশ করিলেন ।]

রায়চুলভ । জীবনের যেটা চরম লক্ষ্য, সেইটাই যে নষ্ট হ'তে বসেছে জনাবালি ?

মীরকাসিম । জীবনের চরম লক্ষ্যটা কি রায় রায়ান ?

রায়চুলভ । পরকালের চিন্তা জাঁহাপনা ! হিন্দুস্তান ক্রিয়া-কর্ম বর্জিত হ'য়ে থাকলে ইহকাল পরকাল দুই-ই যে নষ্ট হ'য়ে যাবে জনাবালি ?

মীরকাসিম । এই নিভৃত নিজ্জন স্থানই তো ধর্ম-কর্মের প্রশস্ত স্থান রায় রায়ান ?

রায়চুলভ । তা জানি জনাবালি, কিন্তু দেহ শুদ্ধ হয় কৈ ?

মীরকাসিম । শুনেছি তোমাদের শাজে—পঞ্চগব্যের দ্বারা দেহ শুদ্ধ করে । যদি বল, তাহ'লে আমি সে ব্যবস্থা ক'রে দিতে পারি ; প্রত্যহ প্রত্যুবে ব্রাহ্মণ দ্বারা তোমাদের পঞ্চগব্য আনিয়ে দেবো ।

রায়চুলভ । সেটা তো নিত্য প্রয়োজনীয় নয় জাঁহাপনা, নিত্য প্রয়োজন শাজমতে গঙ্গাস্নান ।

জগৎশেঠ । তা ছাড়া প্রত্যুষে গঙ্গাতীরে মুক্ত বায়ুসেবন স্বাস্থ্যের
পক্ষেও শুধু উপকারী নয় জনাবালি, প্রয়োজনীয় ।

রাজবলভ । জনাবের গোলাম আমরা, আমরা যদি কর্মশক্তি
হারাই, তাতে জনাবেরই ক্ষতি ।

মীরকাসিম । যুক্তি তোমাদের অখণ্ডনীয় । উত্তম, প্রতি প্রত্যুষে
তোমরা দুই দণ্ড কাল গঙ্গাস্নানের অবসর পাবে, তবে যাতে তোমাদের
প্রত্যাগমনে বিলম্ব না হয়, সে জন্য দুর্গের একজন রক্ষী তোমাদের সঙ্গী
হবে । কে আছি? সমরু—

রায়দুলভ । আমাদের প্রতি জাঁহাপনার আচরণ ঠিক বন্দীরই
মত !

মীরকাসিম । যেমন অনুমান কর ।

সমরুর প্রবেশ

সমরু । বণ্ডেগী Your Excellency. (ইওর একসেলেন্সি)
ছকুম কিজিয়ে—

মীরকাসিম । এদের আমি গঙ্গাস্নানের অনুমতি দিয়েছে,—সমরু
মাত্র দু'দণ্ড । প্রত্যহ প্রত্যুষে একজন রক্ষী এদের সঙ্গে যাবে, তুমি
বন্দোবস্ত ক'রে দাও ।

সমরু । Right O. ! (রাইট ও)

রায়দুলভ । তাহ'লে আসুন শেঠজি, পুণ্যকর্ম আজ থেকেই শুরু
করা যাক—

সমরু । Come on you silly goose (কাম অন্ ইউ সিদি
গুড)

[সমরুর সহিত রায়দুলভ, জগৎশেঠ ও রাজবলভের প্রস্থান ।

মীরকাসিম । কন্মশক্তি বাড়াতে গঙ্গার হাওয়া খেতে চায় !
বেইমানের দল ! সিরাজ মূর্খ ছিল—অদূরদর্শী ছিল, তাই বেইমানদের
চিন্তে পারেনি—ভুলেব উপর ভুল ক'রে নিজের পায়ে নিজে কুঠারাঘাত
করেছে । মীরকাসিম সে ভুল করবে না, আগে শেষ করবে ঘরের
শত্রু, তারপর বাইরের শত্রু ।

ফতেমার প্রবেশ

ফতেমা । [কুর্নিশ করিয়া] জনাব !

মীরকাসিম । একি ! বেগম—তুমি ! তুমি এসময় এখানে ?

ফতেমা । নবাবের অনুমতি নিতে এসেছি. আমি একবার
মুরশিদাবাদ যাবো ।

মীরকাসিম । নবাব আজ শত্রুবেষ্টিত—তুমিও শত্রুকণ্ঠা,—তাই
নবাবের সংস্রবে থাকা বিপদজনক ভেবে—শক্তিমান পিতার আশ্রয়ে
যেতে চাও, কেমন ?

ফতেমা । আপনার মুখে এই কথা ! এ যে কখনো আশা করিনি
নবাব ? যে পিতা কণ্ঠার মুখ চায় না, জামাতার মুখ চায় না, প্রজার
মুখ চায় না, দেশের মুখ চায় না—ইংরাজ বণিকের পদলেহন ক'রে
যে চায় বাংলার মসনদ—সে পিতার সঙ্গে আমার কোন সম্বন্ধ নেই,
তা কি আপনি জানেন না নবাব ? একটা সংবাদ শুনে আমার বুকের
ভেতর ঝড় উঠেছে । ইংরাজের সঙ্গে যুদ্ধ অবশ্যস্তাবী ব'লে নয়,
অনিশ্চিত জয়-পরাজয়ের কথা ভেবে নয়, বেইমান বিশ্বাসঘাতকদের
অনিষ্টের আশঙ্কায় উদ্বিগ্ন হ'য়ে নয়,—একটা হীনা গণিকা নাচওয়ালীর
স্বপ্ন আচরণে মর্মান্বিত আমি—একবার যাবো জাফর আলি খাঁকে
মুখোমুখী হু'টো কথা বলতে !

মীরকাসিম । দুঃখ ক'রো না প্রিয়তমে, বেইমানদের আবেষ্টনীর মধ্যে থেকে আশ্র-পর বিচাবের বুদ্ধিটুকুও বুঝি হারাতে বসেছি, তুমি আমার ক্ষমা কর ফতেমা ! তুমি বল, নাচওয়ালী এমন কি করেছে, যার জন্ত তোমার বুকে ঝড় উঠতে পারে ?

ফতেমা । সে কথা মুখে উচ্চারণ করতে আমার রসনা আড়ষ্ট হ'য়ে উঠছে ; তবু আমার প্রাণের সমস্ত শক্তি দিয়ে তাকে সংযত ক'রে আমি আপনাকে বলবো । নাচওয়ালী বারান্দনা ঘোষণা করেছে বাঙ্গলা বিহার উড়িষ্যার নবাবের মস্তকের মূল্য লক্ষ টাকা । যে এনে দেবে—

মীরকাসিম । থাক ; আর বলতে হবে না । ঘোষণা-পত্রে স্বাক্ষর করেছে কে ?

ফতেমা । আপনার পূজাপাদ স্বশুর—আমার পরমারাধ্য পিতা মীর মহম্মদ জাফর আলি খাঁ,—বেনিয়া কোম্পানী যাকে দিয়েছে নবাবী সনন্দ ।

মীরকাসিম । চমৎকার ! তুমি মুরশিদাবাদে গিয়ে সেই ঘোষণা-পত্র কি নাকচ করবে ফতেমা বেগম ?

ফতেমা । আমি নবাবের তরফ থেকে জাফর আলি খাঁর কৈফিয়ৎ চাইবো । নবাব বর্তমানে নবাবী সনন্দের কোন মূল্য নেই । আমি জিজ্ঞাসা করবো কোন্ অধিকারে মহামান্ন নবাবের একজন সামান্ন প্রজা হ'য়ে রাজদ্রোহিতা করতে সাহসী হয় ?

মীরকাসিম । যাও ফতেমা, আমি আপত্তি করবো না ; তবে তুমি মুন্সেরে ফিরতে পারবে কি না—

ফতেমা । আশঙ্কা করছেন যদি বন্দী হই ? তাতে কি ? নবাব যদি এতই দুর্বল হন, তাঁর পত্নীকে শত্রু-কবল হ'তে উদ্ধার করতে না

পারেন, তাহ'লে—তাহ'লে শত্রু-কারাগারে জন্মাদের শাণিত অস্ত্রে
আমার মৃত্যুই শ্রেয়ঃ জনাবালি !

মীরকাসিম । তুমি যাও—

[কুর্ণিশ করিয়া ফতেমার প্রস্থান ।

মীরকাসিম । আমার মস্তকের মূল্য লক্ষ মুদ্রা ! এ কীর্ত্তি বেনিয়া
কোম্পানীর,—মীরজাফরের এতখানি দুঃসাহস হবে না—হ'তে
পারে না ।

ফকিরবেশী বক্তেশ্বরকে সঙ্গে লইয়া নজাফ খাঁর প্রবেশ ।

নজাফের হাতে ছিল একটা লাল পাঞ্জা ও একখানা

পত্র, শিরোনামায় জগৎশেঠের নাম লেখা এবং

ইংরাজ-কোম্পানীর মোহরাঙ্কিত ।

মীরকাসিম । এ কে নজাফ খাঁ ?

নজাফ । কোম্পানীর গুপ্তচরের নিশান লাল পাঞ্জা দেখে মনে
হয়েছিল জনাবালি, এ ব্যক্তি কোম্পানীর গুপ্তচর ; কিন্তু কথাবার্তায়
বুঝলুম এ একজন বাঙ্গালী পণ্ডিত—মুখ । [পত্র ও পাঞ্জা দিলেন]

মীরকাসিম । কি রকম ?

নজাফ । লোকটা দুর্গের ফটকের ধারে ঘুরছিল । বাঙ্গলার
বাঙ্গালী হ'য়েও লোকটা জগৎশেঠকে চেনে না,—আমাকে দেখে
আমারই হাতে দিলে এই পাঞ্জাখানা আর এই পত্র ; আর নিজের
পরিচয় দিয়ে বললে কোম্পানীর লোক তাকে এই বেশে সাজিয়ে
দিয়েছে । আর তাকে একটা নূতন নাম দিয়েছে,—সে নামটা সে
ভুলে গেছে । আর তারা নাকি ব'লে দিয়েছে, এই বেশে না গেলে
রায়দুলভের সঙ্গে তার দেখা হবে না । কলকাতায় থাকতে রায়দুলভ

ঐশ্বর্য দৃশ্য]

বেইমানের দেশ

নাকি তাকে ডেকে পাঠিয়েছিল, কিন্তু সেখানে দেখা না পেয়ে সে মুন্সেরে এসেছে ।

বক্রেখর । মনে পড়েছে—মনে পড়েছে—বকাউল্লা !

মীরকাসিম । কি বলছে ?

নজাফ । এতক্ষণে কোম্পানীর দেওয়া নামটা তার মনে পড়েছে
জনাবালি—

[মীরকাসিম পত্রখানা পাঠ করিলেন ।]

মীরকাসিম । এ পত্র নয় নজাফ খাঁ, বেনিয়া কোম্পানীর ঘোষণা পত্রের একখানা নকল । জগৎশেঠকে অনুরোধ করেছে ব্যাপারটা জাহির করতে । নজাফ খাঁ !

নজাফ । জনাবালি !

মীরকাসিম । কোতল কর—পার্টনার সমস্ত ইংরাজকে কোতল কর, যেন একটা ইংরাজ-বাচ্ছাও জীবিত ফিরতে না পারে । [গমনোচ্ছত]

নজাফ । এর সম্বন্ধে কি আদেশ জাঁহাপনা ?

মীরকাসিম । এই দণ্ডে একে এর গৃহে পাঠিয়ে দাও ।

[প্রস্থান ।

বক্রেখর । কিন্তু রায়ছগভের সঙ্গে যে আমার সাক্ষাত করতে হবে, তিনি আমায় আহ্বান করেছেন ।

নজাফ । দেশে গিয়েই দেখা করো, এখানে দেখা হবে না ।

বক্রেখর । অনর্থক পণ্ডশ্রম !

নজাফ । এসো আমার সঙ্গে—

বক্রেখর । তোমরাও ভাষাভ্রোহী ! কি পরিতাপ !

[নজাফ খাঁর সহিত প্রস্থান ।

দ্বিতীয় দৃশ্য

কলিকাতা— নন্দকুমারের গৃহপ্রাঙ্গন ।

নশ্বুখে তুলসীমঞ্চ ।

নন্দকুমারের প্রবেশ

নন্দকুমার । সতাই দেশের আজ দুর্দিন ! রাষ্ট্রবিপ্লবে দেশবাসী শাস্তিহারা ! নারা দেশে মনুষ্যবের করাল ছায়া ফুটে উঠেছে ! শাসক আর শোষকরূপী ইংরেজ-কোম্পানীর অত্যাচারের স্রোত অবাধগতিতে চলেছে, বাধা দেবার কেউ নেই ! আমি একা কি করতে পারি ? যিনি দেশের মুখের দিকে চেয়েছিলেন, প্রজার দুঃখ দূর করতে যিনি আগ্রাণ চেষ্টা করেছেন, সেই মহাপ্রাণ নবাব মীরকাসিম আজ নিজে বিপন্ন—ঘরে বাইরে চারিদিকে তার অগণন শত্রু ; তবু তিনি প্রজার মঙ্গলসাধনে বাস্তব । কিন্তু দেশের দুর্ভাগ্য—দেশবাসীরও দুর্ভাগ্য যে, তারা আজও মানুষ চিনলে না—নিজের ভালমন্দ বুঝলে না । স্বাধীনতার মুক্ত বাতাসের পরিবর্তে বেছে নিলে পরাধীনতার শৃঙ্খল । মনে করি, আর কিছু ভাববো না, দেশের অদৃষ্টে যা হয় হোক । দেশ আমার একার নয়—আর আমি একাই বা কি করতে পারি ? কিন্তু নিশ্চিত হ'য়ে থাকতে পারি কৈ ? চন্দনের এক একটি কথায় আমার অন্তরে এক অভিনব প্রেরণা জাগিয়ে দেয়—দেশের ভাবনা ভেবে আকুল হ'য়ে উঠি । বুঝি স্বর্গের কোন দেবকুমার মর্ত্যবাসীকে দেশমাতৃকার পূজা শেখাতে মর্ত্যে নেমে এসেছে !

গাহিতে গাহিতে চন্দনের প্রবেশ

চন্দন ।

গীত

একা মা নয় তোর ঘরের মা-টি, মাটিও তোর মা ।
যে মাটিতে জন্ম নিলি, তার কথা কি ভুলে গেলি ?
খাইয়ে পরিয়ে করলে মানুষ যখন চাইলি যা ॥

এক মা হ'লো পেটে ধ'রে,
এ মা মানুষ করলে বুক ক'রে,
আজি হাতে পায়ে শিকল মায়ের
তুই দেখেও দেখলি না ॥

স্বার্থের পিছে ছুটে গিয়ে
বিবেক বেচলি অর্থ নিয়ে,
সব হারিয়ে চাপিয়ে দিলি

মায়ের বুক দারুণ ব্যথা ॥

চন্দন । বাবা ! বাবা ! আর যে আমি দেখতে পারিনে বাবা ?

নন্দকুমার । কি দেখতে পারো না বাবা ?

চন্দন । শুধু মায়ের দুঃখ নয়, দেশবাসীর দুঃখ, তারা যে না খেতে
পেয়ে মরছে বাবা ! তুমি সরকারের দেওয়ান হয়েছ, দেশের কর্তা হয়েছ,
তুমি তাদের বাঁচাও না বাবা !

নন্দকুমার । তাদের মারবার জন্তে নতুন নবাব মীরজাফর
কোম্পানীর সঙ্গে একজোট হ'য়ে লেগেছে, আমি একা কি করতে
পারি চন্দন ?

চন্দন । নতুন নবাব কেন হ'লো বাবা, নবাব তো মীরকাসিম ?

নন্দকুমার । কিন্তু কোম্পানী মীরজাফরকে নবাবী সনন্দ দিয়ে মীরকাসিমের সঙ্গে যুদ্ধঘোষণা করেছে, তাই দেশে সৃষ্টি হয়েছে অরাজকতার । এই সুযোগে দেশের লোককে পেটে মেরে দেশের ধনিকসম্প্রদায় টাকা লুণ্ঠছে ছ'হাতে ।

চন্দন । তুমি দেওয়ান, তুমি যদি তা বন্ধ করতে না পারো, তবে তুমি কিসের দেওয়ান? দেওয়ানী যদি শুধু সম্মানের পদ হয়, সে পদে ইস্তফা দাও বাবা ! আমরা ব্রাহ্মণ, পূজো-আর্চনা, ভিক্ষে-সিক্ষে ক'রে দিন আমাদের কেটে যাবে ।

নন্দকুমার । ঠিক বলেছি চন্দন, শক্তি থাকতে যদি শক্তির সদ্যবহারই না করলুম, তবে মিছে দেওয়ানী করা কেন? আমি তাই করবো চন্দন, আমার ইষ্টদেবতা নারায়ণ এই তুলসীমঞ্চের বিরাজ করছেন, আমি আমার ইষ্টদেবতার সম্মুখে শপথ করছি--আজ হ'তে আমি আমার জীবন উৎসর্গ করবো দেশের জন্ত--দেশবাসীর কল্যাণের জন্ত, তাতে যদি মৃত্যুকেও বরণ করতে হয়, হাসিমুখে মৃত্যুকে বরণ করবো,—সে মৃত্যু মৃত্যু নয়—অক্ষয় অমরত্ব !

[বেগে প্রস্থান ।

চন্দন । তুমি যাও বাবা, আমিও তোমার সঙ্গী হবো—আমার ক্ষুদ্র শক্তিতে যতটুকু সম্ভব, ততটুকু তোমায় সাহায্য করতে ।

[প্রস্থান ।

তৃতীয় দৃশ্য

হীরাবিল—প্রাসাদ-কক্ষ

মণিবেগমের প্রবেশ

মণি। উঃ, অসহ উত্তাপ! কে আছি? বাদি!—সরবৎ—

কৃষ্ণ বোরখায় সর্বান্ধ আবৃত করিয়া সরবতের

গেলাসহস্তে লুৎফার প্রবেশ

লুৎফা। সবে বসন্তের শেষ, এখনই এত উত্তাপ? এর পর গ্রীষ্মের সবটুকুই যে বাকী।

মণি। বাদীর স্পর্শ! [সচকিতে] তুমি! তোমায় তো ডাকিনি? -

লুৎফা। আমিও তো এখন তাদেরই একজন,—নাও সরবৎ খাও—

মণি। গস্তানি, তুমি সরবৎ ব'লে আমায় বিষ খাওয়াতে এসেছ?

লুৎফা। হাঃ—হাঃ—হাঃ! এখন পদে পদে এমনি সন্দেহটাই হবে! পাপীর মন সদাই সন্দিক্ত কি না—তাই।

মণি। তুমি যাও, আমি সরবৎ চাই না।

লুৎফা। তাহ'লে নাচনেওয়ালীদের পাঠিয়ে দিচ্ছি। চিন্তা-বিষে অর্জরিত মন, নাচ গানে হয়তো চিন্তার ভার লাঘব হ'তে পারে।

[প্রস্থান।

মণি। নবাব এদের বাঁচিয়ে রেখে বড়ই অশ্রায় করেছেন।
অশান্তি—আবর্জনা!

গাহিতে গাহিতে নর্তকীগণের প্রবেশ

নর্তকীগণ ।

গীত

হাসি দিয়ে রাখ'বো ঘিরে মোরা নিত্য-সঙ্গিনী ।

ব্যথাভার সহবে কেন ওগো কোমল অঙ্গিনী ॥

নৃত্যছন্দে শিঞ্জিণী-ধ্বনি গানের মূর্চ্ছনা,

মনের কোণের জমাট আঁধার ঘুচায়ে ফোটা'বে জোছনা,

অধর রাঙিয়ে তুলিব হাসিতে আমরা রঙ্গিণী ॥

মণি । তোমরা যাও, আমি তো তোমাদের আস্তে বলিনি—

[নর্তকীগণের প্রস্থান ।

মণি । ষড়যন্ত্র—চারিদিকে ষড়যন্ত্র !

ফতেমার প্রবেশ

ফতেমা । তুমিই তো সকল ষড়যন্ত্রের নেত্রী, তোমার বিরুদ্ধে
আবার ষড়যন্ত্র করলে কে ?

মণি । কে, ফতেমা ? তোমার স্পর্ধা যে গগনস্পর্শী হয়েছে
দেখ'ছি !

ফতেমা । বেগম ব'লে কুর্নিশ কর আগে, তারপর বাক্যালাপ—

মণি । স্পর্ধিতা নারি, জানো তুমি কার সঙ্গে কথা কইচো ?

ফতেমা । জানি, এক হীনা নর্তকীর সঙ্গে ; যার সঙ্গে বাক্যালাপ
করা মহিমময়ী ফতেমা বেগমের পক্ষে নিন্দনীয় ।

মণি । হয়তো একদিন ছিল সে নর্তকী, কিন্তু আজ সে মহামায়া
বেগম ।

ফতেমা । কয়লা চিরদিনই কয়লা, শত সহস্রবার ধোত করলেও
তার মলিনত্ব যায় না ।

মণি । তা ছাড়া আমি তোমার জননী ।

ফতেমা । পিতার রক্ষিতা নাচওয়ালীকে ফতেমা বেগম কখনও
জননীর মর্যাদা দেবে না—দিতে পারে না ।

মণি । ফতেমা, তোমার প্রগল্ভতা অমাজ্জনীয় ।

ফতেমা । নর্তকি ! তোমার হুঃসাহসিকতা ক্ষমাই নয়—দণ্ডনীয় ।

মণি । ফতেমা—

ফতেমা । ধীরে—নাচওয়ালি, ধীরে । রক্তচক্ষু তুমি আমায়
দেখিও না—তোমার রক্তচক্ষুকে আমি ভয় করি না ।

মণি । তুমি নবাব জাফর আলি খাঁর কন্যা ব'লে এখনো—

ফতেমা । মাজ্জনা করছো, কেমন ? নইলে কি করতে শুনি ?

মণি । নইলে মণিবেগম তোমার প্রগল্ভতার যোগ্য শাস্তি দিতে
দ্বিধাবোধ করতো না ।

ফতেমা । সাধ্য থাকে, তাই দাও । পিতার প্রানাদে কন্যাকে
শাস্তি দেবে—দুঃচরিত্র পিতার রক্ষিতা গণিকা ! স্পর্ধা বটে ! না—না
নর্তকি, তোমায় আর সে হুঃভাবনা করতে হবে না । যেদিন থেকে
বুঝতে পেরেছি দুঃচরিত্র পিতা একজন গণিকার ইচ্ছিতে পরিচালিত,
সেইদিন থেকে ছিন্ন হ'য়ে গেছে পিতাপুত্রীর সম্বন্ধ । সদ্যবহার কর
নর্তকি তোমার ক্ষমতার, আমিও দেখতে চাই—হীনা নর্তকীর দৃষ্ট
আকাজ্জা হুঃনীতির কত উর্দ্ধতম শিখরে উঠেছে ; আর হুঃনীতিপরায়ণ
জন্মদাতা পিতা অধঃপতনের কত নিম্নস্তরে নেমে গেছেন ।

মণি । দাস্তিকার মণি !

ফতেমা । মুখের কথা নয় নর্তকি, কাজে দেখাও তোমার ক্ষমতা—

মণি । দেখাতে পারতুম, কিন্তু নবাবের মুখ চেয়ে—

ফতেমা । কার মুখ চেয়ে ?

মণি । তোমার পিতার—নবাব জাফর আলি খাঁর ।

ফতেমা । কে বলে জাফর আলি খাঁ নবাব ? বাংলা বিহার উড়িষ্যার নবাব খানখানান্ মীরকাসিম । আর জাফর আলি খাঁ নবাবের একজন অনন্যদাস—হীন প্রজা ।

মণি । স্পর্ধিতা নারি, তুমি খানখানান্ মীর মহম্মদ জাফর আলি খাঁ বাহাছরের অসম্মান কর ? গভর্নর সাহেব স্বহস্তে যে নবাবী সনন্দ দিয়েছেন, দাস্তিক্য, তুমি সেই সনন্দের অবমাননা কর ?

ফতেমা । সে সনন্দের মর্যাদা দেবে শুধু তোমার মত বারবিলাসিনী নর্তকীরা । তোমরা রূপের বিনিময়ে রোপেয়া অর্জন কর । আভিজাত্যের মর্যাদা, প্রকৃত নারীর মর্যাদা তুমি কি বুঝবে নাচওয়ালি ? তোমার মত নাচওয়ালীর সংস্রবে এসে এক মীরজাফর এই বাংলায় সহস্র মীরজাফর সৃষ্টি ক'রে সূজলা সূফলা সোনার বাংলাকে বিদেশী বেনিয়া কোম্পানীর হাতে তুলে দিয়েছে । বেনিয়া কোম্পানীর শত অত্যাচার—সহস্র নির্যাতনের সম্মুখে, বুক পেতে দিয়ে ক্রীতবান্দার মত তাদের পাছকা লেহন করাই তোমাদের মতে নবাবী—কেমন ? মীরকাসিম তা পারে না—পারবে না ব'লেই তাকে আজ নবাবী তক্তের অন্তর্গত ব'লে সরাবার ষড়যন্ত্র করছো—তার বিরুদ্ধে যুদ্ধঘোষণা করেছ—আরও ঘোষণা করেছ, তার মস্তকের মূল্য লক্ষ টাকা !

ধিক্ স্বৈরিণী নারি, তোমায় শত ধিক্ !

মণি । রসনা সংযত কর দাস্তিক্য নারি, নইলে—

ফতেমা । নইলে কেন নর্তকি, যা' করবার হয়, কর ।

মণি । বটে ! এতদূর ? কে আছি ?

সশস্ত্র খোজা রক্ষীর প্রবেশ

মণি । এই রমণীকে নজরবন্দী রেখে দে ; যুদ্ধান্তে এর বিচার হবে ।

প্রহরী । [ফতেমার দিকে অগ্রসর হইল ।]

সশস্ত্র নাজামউদ্দৌলার প্রবেশ

নাজাম । [অসি নিষ্কাশিত করিয়া দৃপ্তকণ্ঠে কহিল] খবরদার কম্বুক্ত, এক পাও এগিও না যদি বাঁচতে চাও—

মণি । নাজামউদ্দৌলা, একি বিসদৃশ আচরণ তোমার ? আমার আদেশের বিরোধিতা করতে সাহসী হয়েছ ? যাও, স্বকার্যে গমন কর, রক্ষীকে তার কর্তব্য করতে দাও ।

নাজাম । এইটাই আমার কর্তব্য মা ! যে মহিমময়ী বেগম সাহেবা সম্পর্কে আমাব ভগ্নী হ'লেও যাকে ভগ্নী ব'লে সম্বোধন করতে সাহস হয় না—শুধু তোমার জন্ত, অথচ মন আনন্দে গর্বে ভ'রে ওঠে, সেই মহিমময়ী ভগ্নীর অমর্যাদা করতে সাহসী হবে যে কম্বুক্ত, নাজাম-উদ্দৌলা তাকে কখনো মার্জনা করবে না ।

মণি । বিদ্রোহী সন্তান, জেনো, এ তোমার মায়ের আদেশ ।

নাজাম । কিন্তু এ যে আমার বিবেকের আদেশ ।

মণি । আমার আদেশ শুনবে না নাজাম ?

নাজাম । মার্জনা কর মা, এমন অশ্রায় আদেশের বিরুদ্ধে দাঁড়াতে আমি জীবন পণ করবো ।

মণি । বটে ! এতদূর ! মাতৃদ্রোহী সন্তান, তবে মর । রক্ষি ! আমার আদেশ পালন কর, যে বাধা দেবে, আগে তাকে হত্যা কর ।

রক্ষী অগ্রসর হইলে নাজামউদ্দৌলা তাহাকে বাধা

দিল ; ফলে বাধিয়া গেল উভয়ের মধ্যে দ্বন্দ্ব যুদ্ধ ।

নাজাম বিপুল বিক্রমে রক্ষীকে ভূপাতিত

করিয়া তাহার বক্ষে অস্ত্রাঘাত করিতে

উদ্যত হইল, ঠিক সেই সময়ে মীর-

জাফর আসিয়া উপস্থিত হইলেন ।

মীরজাফর । [বজ্রগম্ভীর স্বরে] গোলামকে পরিত্যাগ কর নাজাম-
উদ্দৌলা !

[নাজামউদ্দৌলা রক্ষীকে ত্যাগ করিল, রক্ষী উঠিয়া দাঁড়াইল ।]

মীরজাফর । যা গোলাম এখান থেকে—

[রক্ষীর প্রস্থান ।

ফতেমা । নাজামউদ্দৌলা ! ভাই ! তুমি আমার সঙ্গী হ'য়ে
আমায় মুছেরে রেখে আনবে ?

নাজাম । জানন্দে ভগ্নি— [উভয়ে গমনোদ্যত হইল ।]

মণি । দাঁড়াও । ফতেমা, তুমি আমার বন্দিনী ।

ফতেমা । নর্ত্তকীর স্পর্ধা বটে ! আদেশটা নিজে না দিয়ে বেনিয়া
কোম্পানীর গোলাম বাহাদুরের মুখ থেকে বেরুলে বোধ হয় কতকটা
শোভা পেতো ? চল ভাই নাজাম--

নাজাম । এনো বহিন—

[নাজামউদ্দৌলা ও ফতেমার প্রস্থান ।

মণি । নবাব জাফর আলি খাঁ বাহাদুর !

মীরজাফর । বাধিনীর মুখ থেকে শিকার পানিয়ে গেল ! বড়

চতুর্থ দৃশ্য]

বেইমানের দেশ

আপশোষ হ'চ্ছে—না? শান্তি দেবারই যখন সঙ্কল্প করেছ, শান্তি
আমাকেই দেবে চল। আমি তো ওদের কাকেও শান্তি দিতে পারবো
না মণিবেগম! একটা হাতের দুটো আঙ্গুল, যেটা কাটি না কেন, ব্যথা
আমায় পেতেই হবে।

মণি। অপদার্থ!

[বিরক্তভরে প্রশ্নান।

মীরজাফর। একশোবার! মানুষ গোলাম হয় একজনের—আমি
অপদার্থ ব'লেই গোলামী করছি—তোমার আর ইংরেজ-কোম্পানীর।

[নতমুখে প্রশ্নান।

চতুর্থ দৃশ্য

বক্রেস্বরের গৃহ-প্রাঙ্গন

জোনাকীর প্রবেশ

জোনাকী। তাই তো মিসেস করলে কি! আমার উপর রাগ
ক'রে দেশত্যাগী হ'য়ে গেল নাকি? হায়-হায়, কেন আমার দুর্ঘটি
হ'লো? কেন আমি তাকে অকথা কুকথা বললুম! হেই মা মঙ্গল-
চণ্ডী, মিসেসকে ফিরিয়ে এনে দাও মা, আমি তোমায় পাঁচ পয়সার চিনি-
সন্দেশ দিয়ে পূজো দেবো। এমন অপকর্মটা আর কখনো করবো না।

মিন্বে গাল দিক্, মন্দ দিক্, সংসকেত্তন আওড়াক্, আমি আর কিচ্ছুটী
বলবো না। হেই মা ওলাইচণ্ডী, মিন্বে ওলাউঠো যদি না ধ'রে
থাকে তো তাকে ফিরিয়ে এনে দাও মা ! আমি তোমায় পাঁচ ছিদেমের
বাতানা কিনে পূজো দেবো। হেই মা শেতলা, তোমার দয়ায়
হতচ্ছাড়া যদি ঘাটে না গিয়ে থাকে, তাকে ফিরিয়ে এনে দাও মা,
তোমাকেও আমি পাঁচ ছিদেমের বাতানা কিনে পূজো দেবো।

গীত

সে যে গো আমার ছিল পোষমানা চন্দনা।
খেতে খেতে খেতো দোল বলতো বুলি নানান্খানা ॥
সোহাগে দিয়েছি গালি, বুকখানা তাই ক'রে খালি,
গেছে উড়ে, কোন সুদূরে, নাগাল যে তার পেলাম না
গাহিতে গাহিতে ফকিরবেশী বক্রেশ্বরের প্রবেশ

বক্রেশ্বর।

গীত

চোখটী তুলে দেখ সখি,
এলো তোমার প্রাণের পাখী,
এ যে নয়কো বুনো, বেজায় কুণো—
দেখতে শুন্তে মন্দ না ॥

জোনাকী।

গীত

ড্যাক্‌রা ছোঁড়ার ঞ্যাক্‌রা দেখে অঙ্গ জ্ব'লে যায়,
লাঞ্জে মরি সাহস ভারি আমা পানে চায়,

কে আছি স্মু আয় না ছুটে,
 ধম্ম বুঝি নিলে লুটে,
 সিঁধেল চোর বড় জবর তাতে কোন মন্দ না ॥
 গাহিতে গাহিতে প্রতিবেশিনীগণের প্রবেশ

প্রতিবেশিনীগণ ।

গীত

সিঁধেল চোরের সাহস ভারি,
 ভাঙ্গবো তার জারি-জুরি,
 দেখাবো ঝাড়ুর বহর—

বোঝাবো এ প্রেমের নেশা মন্দ না ॥

[সকলে মিলিয়া বক্রেশ্বরকে ঝাড়ু প্রহার করিতে লাগিল]

বক্রেশ্বর । নারায়ণ, রক্ষা কর—নারায়ণ, রক্ষা কর—দুর্জয় রণ-
 চণ্ডীদের হাত থেকে আমায় রক্ষা কর—

জোনাকী । দাঁড়া তো—দাঁড়া তো ! লোকটা ফকির হ'য়েও
 নারায়ণ—নারায়ণ বলছে কেন ?

বক্রেশ্বর । অগ্নি দিব্যজ্ঞানসম্পন্ন প্রচণ্ডে রণচণ্ডিকে, অবধান
 কর—আমি ফকির নই, আমার উর্দ্ধতন পূর্বপুরুষদের কেহই ফকির
 ছিলেন না ।

জোনাকী । তবে তোর এ বেশ কেন রে মুখপোড়া ?

বক্রেশ্বর । আমায় পরিয়ে দিয়েছে প্রবল প্রতাপান্বিত কোম্পানীর
 লোক ।

জোনাকী । তবে তুই কে রে হতচ্ছাড়া ?

বক্রেশ্বর । আমি তোমারই অঞ্চলের নিধি সন্মোচনে !

জোনাকী । ওরে হতচ্ছাড়া, আবার ঞাকামো ? ধরবো নাকি ঝাড়ু ?

বক্রেস্বর । রেহাই দাও—রেহাই দাও খচোতিকা, আর সমাজ্জনী উত্তোলন ক'রো না ।

জোনাকী । মিসে কে রে ! আমার নামটা যে সেই মুখপোড়ার মতই সংস্কেতন ক'রে বলছে !

১ম প্রতিবেশিনী । কি নাম তোমার গা ?

বক্রেস্বর । আমার নাম বক্রেস্বর [কৃত্রিম দাড়ী গৌফ খুলিল ।]

জোনাকী । আমরা, সত্যিই তো ! সেই মুখপোড়াই তো ! ওমা, কি ঘেন্না ! কি লজ্জা !

[মাথায় অবগুষ্ঠন টানিয়া প্রশ্নান ।

১ম প্রতিবেশিনী । তাই তো খামুকা খামুকা বামুনের ছেলেকে ঝাড়ু-পেটা করলুম ! ঠাকুরমশায় গো, রাগ ক'রো নি, এই আমরা তোমার পায়ে গড় করছি ।

[প্রতিবেশিনীগণ প্রণামান্তর পদধূলি লইল]

বক্রেস্বর । তোমাদের হাতের ঝাড়ু অক্ষয় হোক !

১ম প্রতিবেশিনী । ও মা, এ আবার কি আশীর্বাদ ! এত মার খেয়েও মিসের লজ্জা নেই—হায়া নেই—ছিঃ-ছিঃ-ছিঃ—

[প্রতিবেশিনীগণের প্রশ্নান ।

বক্রেস্বর । অয়ি লজ্জাবতী লতে ! তোমাকে নমস্কার—তোমাদের গোষ্ঠিবর্গকে নমস্কার আর তোমাদের করপল্লবশোভিনী সমাজ্জনীকে শত সহস্র নমস্কার !

[ধীরে ধীরে প্রশ্নান ।

পঞ্চম দৃশ্য

গঙ্গাতীর

রক্ষিসহ রাজবল্লভ, রায়দুলভ ও জগৎশেঠের প্রবেশ

রাজবল্লভ । তুমি তাহ'লে ঐ গাছতলায় ব'সে একটু আরাম
কর গে—আমরা স্নানটা সেরে নি ।

রক্ষী । বহুত আচ্ছা, লেकिन দেরী মং করো—

রাজবল্লভ । আরে রাম কহো—পানকৌড়ির মত ডুব্বো আর
উঠ্বো ।

রক্ষী । ঠিক—ঠিক, ওহি হুকুম আছে ।

[প্রস্থান ।

রাজবল্লভ । এমন ক'রে আর পারা যায় না ভাই !

রায়দুলভ । পারতেই হবে—যখন উপায় নেই ।

জগৎশেঠ । তবু তো হু'দগের জন্তে ফাঁকায় এসে নিঃশ্বাস ফেণ্ছি !

রাজবল্লভ । মীরজাফর, মণিবেগম যে কি কর্ছে কিছুই বুঝতে
পার্ছি নে । ইংরেজ-কোম্পানীরও কোন সাড়া শব্দ পাওয়া যাচ্ছে না !

রায়দুলভ । এই শোনা গেল ইংরেজ-কোম্পানী যুদ্ধঘোষণা করেছে ,
কিন্তু কৈ ? কিছুই তো দেখ্ছি নে ।

জগৎশেঠ । পাটনায় ইংরেজের কুঠি ধ্বংস ক'রে দিলে, ইংরেজ
বলতে কাকেও বাকী রাখলে না—সব কোতল করলে, অথচ কোম্পানী
নাকে সব্বের তেল দিয়ে ঘুমুচ্ছে !

রাজবল্লভ । একজন পাকা লোককে পেলেও না হয় সলা-পরামর্শ
দেওয়া যেতো ! কিন্তু কাকশ্য পরিবেদনাঃ ।

রায়হুলভ। আবে তাহ'লে তো এই অন্ধকূপ থেকে বেরোবারও একটা মতলব বার করা যেতো! বনি, গঙ্গাস্নানের মতলবটা তো আমার মাথা থেকেই বেরিয়েছিল?

জগৎশেঠ। সত্যি বলতে কি, মাথার মত একটা মাথা—আমাদের মাথায় খালি গোবর—খালি গোবর!

রাজবল্লভ। মাথার সমালোচনা ক'রে কিছু হবে না বন্ধু, উদ্ভাবন করতে হবে—মীরকাসিমের পতনের উপায়; আর সেই সঙ্গে আমাদের যুক্তি।

পিড্রুসের প্রবেশ

পিড্রুস। সে উপায় হামি করিয়ে ডিবে ডোস্ট, হামি করিয়ে ডিবে।

রায়হুলভ। কে তুমি?

পিড্রুস। হামি পিড্রুস আছে—গুরগীন খাঁর ভাই আছে।

রাজবল্লভ। ওরে বাবা রে! এইবার নেরেছে!

বায়হুলভ। শেঠজি, গর্দানা গেল এইবার! গুরগীন মীরকাসিমের ডান হাত, এ বেটা আমাদের কথাবার্তা সব শুনেছে,—সব কথাই তুলবে গুরগীনের কানে। ব্যস্, আর রক্ষে নেই! এইবার গেছি শেঠজি, এইবার গেছি—[জগৎশেঠকে জড়াইয়া ধরিয়া কাঁপিতে লাগিল।]

জগৎশেঠ। আগে থেকে এত ভয় কেন রায় রায়ান? ব্যাপারটা বুঝতে দাও—

রায়হুলভ। আর বোঝাবুঝি! এইবার জল্লাদ ঠেকিয়ে দেবে। ওরে বাবারে—

রাজবল্লভ। এঁ্যা, বল কি? জল্লাদ ঠেকিয়ে দেবে? ওরে বাবারে। গঙ্গাস্নান করতে এনে যে গঙ্গালাভ হ'লো রে!

রায়চুলভ । গঙ্গালাভ হ'লেও তো বাঁচ'তুম ভায়া, বুঝ'তুম উদ্ধার হ'য়ে যাবো । এ যে জল্লাদ ঠেকিয়ে দেবে রে বাবা ! বেটা দাড়িটা নেড়ে বনিয়ে দেবে একটা কোপ্ ! হায়—হায়—হায়, কি সর্বনাশ হ'লো রে ?

পিড্রস্ । What's the matter with you ? (হোয়াটস্ দি ম্যাটার উইথ ইউ) কেয়া ছয়া ?

রায়চুলভ । যা হবার তাই ছয়া রে বাবা !

পিড্রস্ । কাহে ঘাব্‌ড়াতা ? ডর্ কেয়া ?

রায়চুলভ : ডর এই প্রাণের বাবা, দোহাই বাবা, আমার প্রাণে মেরো না বাবা, তুমি আমার ধম্মো-বাবা !

পিড্রস্ । Oh Father Abraham ! What is this ! (ও ফাদার আব্রাহাম, হোয়াট্ ইজ্ দিস্ !) হামি কুছ্ সম্বাতে পার্ছে না, কাহে তোম ঘাব্‌ড়াতা ছায় ?

রায়চুলভ । আগে বল বাবা, গুরগীন খাঁকে আমাদের কথা কিছু বলবে না ?

পিড্রস্ । নেহি—নেহি, হামি উহার ভাই আছে, উস্কে মাঠি দেখা করিবে, ব্যস্—ছুটি ।

রাজবল্লভ । দেখা করবে তো যাও না—ঐ কেল্লার ভেতর ।

পিড্রস্ । যায়েগা ক্যায়সা ? হামকো কোই পয়চানতা নেহি ।

রাজবল্লভ । আমরাও তো তোমায় চিনি না বাবা—

পিড্রস্ । আলবট্ চিনে— [পিস্তল বাহির করিয়া লুফিয়া লইয়া] চিন্টা নেহি ?

রাজবল্লভ । ইয়া—ইয়া, চিনি বৈকি বাবা, শুধু তোমাকে কেন, তোমার চোদপুরুষকে চিনি ।

পিড্রস্ । টব্ কিল্লামে লে চল—

রাজবল্লভ । ওরে বাবারে, সে কেমন ক'রে হবে রে বাবা !

রায়ছল'ভ । সে তো হবে না বাপধন, আমরাই নজরবন্দী, ওই রক্ষী আমাদের সঙ্গে ক'রে নিয়ে আসে, আবার গঙ্গাস্নান হ'লেই সঙ্গে ক'রে নিয়ে যায় ।

জগৎশেঠ । তোমায় কি পরিচয় দিয়ে নিয়ে যাবো বাবা ?

রাজবল্লভ । তুমি মেয়ে মানুষ সাজতে পারো ? তাহ'লে না হয় বলতে পারি অন্দর মহলের বাঁদী ।

পিড্রস্ । আওরাট্ ! impossible ! (ইম্পসিব্ল) নেহি হোগা—

রাজবল্লভ ! তবে আর আমরা কি করবো ?

পিড্রস্ । হামি চিঠি ডিবে—তুমি গুরগীন খাঁকে ডেও ।

রায়ছল'ভ । ওরে বাপরে,—চিঠি-পত্র দেওয়া নেওয়া করবার হুকুম নেই । হাতে চিঠি দেখলে আগে গুলি করবে, ভারপর চিঠি দেখবে,—এমনি কড়া হুকুম ।

পিড্রস্ । All right, I will find out the way. (অল রাইট, আই উইল ফাইণ্ড আউট দি ওয়ে)

[পিড্রস্ দ্রুতবেগে যেখানে রক্ষী অপেক্ষা করিতেছিল সেই

গাছতলার দিকে গেল । তৎক্ষণাৎ গুলি করার শব্দ

হইল, রায়ছল'ভ প্রভৃতি সকলে চমকিয়া উঠিলেন

এবং ভয়ে কাঁপিতে লাগিলেন ।]

রায়ছল'ভ । এ আবার কি বিপত্তি ! লোকটা রক্ষীকে গুলি ক'রে মেরে ফেললে যে !

রাজবল্লভ । ব্যাটা এখন স'রে পড়বে—এইবার আমাদেরই প্রাণ নিয়ে টানাটানি ।

জগৎশেঠ । গ্রহের ফের !

রায়চুলভ । একটা গ্রহ নয় বন্ধু, নবগ্রহ একসঙ্গে আমাদের পেছনে
তাড়া করেছে ; পরিত্রাণের আর কোন উপায় নেই ।

জগৎশেঠ । সর্বনাশ ! গুরগীন খাঁ !

পিড্রস্কে সঙ্গে লইয়া গুরগীন খাঁর প্রবেশ । পিড্রসের
একহস্তে ছিল একটা পিস্তল, অপর হস্তে ছিল

সেই নিহত রক্ষীর পাগড়ী ও কুল্লা ।

গুরগীন । তুমি বড় অত্যাচার করিয়েছ পিড্রস্, বড়া অত্যাচার করিয়েছ !
টোমাকে বাই ব'লে পরিচয় ডিটে হামার সরম লাগে !

পিড্রস্ । কি অত্যাচার করিয়েছে ? বাই বাইয়ের সাথে দেখা
করিবে, টোমার লোক কুছু help (হেল্প) করিবে না— চিটি ডিলে
চিটি লিবে না—টব্ ক্যায়সে হোবে ? I killed him only for
that reason. (আই কিল্ড হিম ওন্লি ফর্ ড্যাট্ রিজন্)

গুরগীন । I don't understand you. (আই ডোন্ট
আণ্ডারষ্ট্যান্ড ইউ)

পিড্রস্ । সাড়া কঠা বুঝিলে না ? I wanted to see you
in disguise of a sentry. (আই ওয়ানটেড্ টু সি ইউ ইন
ডিস্গাইজ অফ এ সেন্ট্রি)

গুরগীন । Silly dog ! (সিলি ডগ্)

পিড্রস্ । টোমার বাই ।

গুরগীন । বাই বলিয়া বাঁচিয়া গেলে ! Go hence, I have
no time to waste in idle talk. (গো হেন্স ; আই হ্যাভ নো
টাইম টু ওয়েস্ট ইন্ আইডিল টক্)

বেইমানের দেশ

[দ্বিতীয় অঙ্ক

পিফ্রস্ । All right, I will see you again. (অল রাইট,
আই উইল সি ইউ এগেন)

[প্রশ্নান ।

রায়হুলভ । গুরগীন সাহেব, ওকে অমনি অমনি ছেড়ে দিলে ?

রাজবল্লভ । আমাদের রক্ষীকে খুন করলে !—

গুরগীন । No no, I have murdered the traitor.
(নো নো, আই হাভ মার্ডারড্ দি ট্রেটর) হামি উহাকে খুন করিয়াছে,
ও বিড়োহী পিড্ রুসকে হাটে চিড়ি ডিয়েছিল ।

রায়হুলভ । বটে !

রাজবল্লভ । সাফ উন্টে গেল !

জগৎশেঠ । ধরা পড়েছে শুধু রায়হুলভ, রাজবল্লভ আর জগৎশেঠ !

গুরগীন । Now come on you people. (নাউ কাম্ অন্
ইউ পিপল্)

রায়হুলভ । চল সাহেব, এখন তুমি আমাদের রক্ষী হ'য়ে
নিয়ে চল ।

[সকলের প্রশ্নান ।

ষষ্ঠ দৃশ্য

মুন্সের-দুর্গ—মন্ত্রণাগার

একাকী মীরকাসিম চঞ্চলপদে পাদচারণ করিতেছিলেন

মীরকাসিম। বেইমানের নেশে শুধু বেইমানী—বেইমানী—
বেইমানী! যাকে বিশ্বাস ক'রে অন্তরের কথা বলতে যাই, সেই-ই
বেইমানী ক'রে সর্বনাশের চেষ্টা করে। কে আমায় ব'লে দেবে এই
বিশাল দুনিয়ায় আমার প্রকৃত শুভানুধ্যায়ী কে!

গাহিতে গাহিতে বকাউল্লার প্রবেশ

বকাউল্লা।

গীত

দুনিয়ায় ঐটা মেলা দায়।
যত নেবার কুমার গেলবার ঢেঁকি
আড়ালে ছুরি শাণায় ॥
ঠাণ্ডা ব'লে মনের ভুলে,
গোথরো সাপকে বুকো নিলে,
সুযোগ পেলে সে হারামী বুকোতে ছোবলায় ॥
দৃষ্টি বাঁকা মিষ্টি হাসি,
তার পিয়াসা সর্বনাশী;
বিষ ছড়াতে তার জোড়া নেই—
তফাৎ রাখো সে জনায় ॥

মীরকাসিম । তুমি বকাউল্লা না ?

বকাউল্লা । হ্যা, আমিই সেই পাগল ।

মীরকাসিম । তুমি এখানে এলে কেমন ক'রে ?

বকাউল্লা । যেমন ক'রে মানুষ আসে যায়, ঠিক তেমনি ক'রে ।
পাগল দেখে কেউ কিছু বলে না । যেখানে জ্যোৎস্নার ঢেউ খেলে
যায় দিক হ'তে দিগন্তে, বকাউল্লা সেখানে থাকে না—থাকতে পারে
না, তাই সে ছুটে যায় অন্ধকারের খোঁজে । যেখানে ঘুটঘুটে আঁধার
আশমান জমি ছেয়ে ফেলে, ঠিক সেইখানেই খুঁজে পাবে বকাউল্লাকে ।
দেখছো না—দেখছো না, রঙ্গুরগে সূর্য্যখানাকে ঢেকে ফেলে জমাট-
বাঁধা কালো মেঘ মাটির দিকে নেমে আসছে ! ওরই পেছনে আসছে
ঘুটঘুটে আঁধার—নব গ্রাস করবে—নব গ্রাস করবে—হাঃ-হাঃ-হাঃ—
বকাউল্লা ! আনন্দ কর—আনন্দ কর—আনন্দ কর—

[বেগে প্রস্থান ।

মীরকাসিম । এ কি মীরকাসিমের অন্ধকার ভবিষ্যতের একটা
ইঙ্গিত ক'রে গেল ! নিশ্চয়ই তাই ! এ বিশাল দুনিয়ায় আমি একা—
স্বজনহারা—বান্ধবহারা—অসহায় ! আমার দেশবাসী, যাদের জন্ত
ইংরাজ-কোম্পানীকে শত্রু করেছি, সেই দেশবাসীও আমার বিরুদ্ধে
দাঁড়িয়েছে ! তবুও আমি নিরুৎসাহ হবো না—প্রাণপণ চেষ্টা করবো
দেহের শেষ শৌণিতবিন্দুটা পর্য্যন্ত পাত ক'রে । দেখবো, তাতেও
যদি পলাশীর মহাপাপের কথঞ্চিৎ প্রায়শ্চিত্ত হয় । কে, নজাফ খাঁ—

নজাফ খাঁর প্রবেশ

নজাফ । জনাবালি ! [কুর্নিশ করিল ।]

মীরকাসিম । কিছু সংবাদ এনেছ নজাফ খাঁ ?

নজাফ । [নীরব]

মীরকাসিম । চুপ ক'রে বঠলে কেন নজাফ খাঁ, বল, কি বলতে চাও ? যেমনই দুঃসংবাদ হোক, বলতে একটুকু দ্বিধা ক'রো না । তোমাদের নবাবও তা শুনে এতটুকু বিচলিত হবে না । শুন্ছিলুম ইংরাজ-সেনাদল নাকি স্মৃতির পাথে ?

নজাফ । হ্যাঁ জনাব, সেখানে তকী খাঁ ফৌজদার সৈয়দ মহম্মদ খাঁ সৈন্যে কোম্পানীর সেনাদলকে বাধা দিচ্ছে, গুরগীন খাঁও এইমাত্র রওনা হয়েছেন ।

মীরকাসিম । যুদ্ধ সবে আবস্ত, জয়-পরাজয় এখনো অনিশ্চিত, তবে আর বলবার কি আছে তোমার নজাফ খাঁ ?

নজাফ । যুদ্ধের কথা নয় জনাবালি !

মীরকাসিম । তবে ?

নজাফ । দুর্গের ফটকের সম্মুখে কোন আততায়ী একজন রক্ষীকে হত্যা করেছে । বায়তুলভ, জগৎশেঠ আর বাজবল্লভ এই রক্ষীর প্রহরায় গঙ্গাস্নানে গিয়েছিলেন । তাঁরা যখন স্নান করতে যান, রক্ষী তখন নিকটবর্তী এক বৃক্ষতলে অপেক্ষা করছিল । কোন গুপ্ত আততায়ী তাকে সেই অবস্থায় হত্যা করেছে ।

মীরকাসিম । গুপ্ত আততায়ী ?

নজাফ । গুরগীন খাঁ বলেছে যে, সে ঐ রক্ষীর হাতে একখানা গোপনীয় পত্র দেখে তাকে হত্যা করেছে । আবার—

মীরকাসিম । আবার ?

নজাফ । আবার ঐ স্নানযাত্রী তিনজন বলছেন, যে তাকে হত্যা করেছে, তাকে তাঁরা দেখেছেন,—পরিচয় পেয়েছেন, সে গুরগীন খাঁর ভাই ।

মীরকাসিম । অদ্ভুত সমস্যা ! কে আছি স্ ? রায়দুলভ, শেঠজী
আর রাজা রাজবল্লভ । গুরগীন খাঁ নিজের ভাইয়ের অপরাধটা নিজের
ঘাড়ে তুলে নিচ্ছে । কেন ? ভ্রাতৃস্নেহ ? না আর কোন প্রকারে
স্বার্থসিদ্ধি ? আর সেই অজ্ঞাত, অখ্যাত, আকস্মিক আবির্ভূত
সেই লোকটারই বা উদ্দেশ্য কি ? কিছুই বোঝা যাচ্ছে না । এই যে
রায় রায়ান, রায়দুলভ—এই যে আপনারা সবাই এসেছেন দেখছি !

রায়দুলভ, জগৎশেঠ ও রাজবল্লভের প্রবেশ

[সকলে সখারীতি কুর্ণিশ করিলেন]

রায়দুলভ । জনাবালি কি আমাদের তলব করেছেন ?

মীরকাসিম । হ্যাঁ, একটা কথা জানবার জন্তে ।

রাজবল্লভ । আদেশ করুন জনাবালি !

মীরকাসিম । যে রক্ষীর প্রহরায় আপনারা গঙ্গাস্নানে গিয়েছিলেন,
সে আততায়ীর হস্তে নিহত ; আপনারা তা জানেন ?

রায়দুলভ । জানি বৈকি জনাবালি, খুব ভাল ক'রেই জানি—
সে নিহত ।

মীরকাসিম । কে সে আততায়ী ?

রায়দুলভ । আততায়ী ফাততায়ীকে দেখি নি জাঁহাপনা, যাকে
দেখেছি—সে নাকি গুরগীন খাঁর ভাই ।

মীরকাসিম । সেই তা'হলে হত্যাকারী ?

রায়দুলভ । তা তো ঠিক জানি না জনাবালি, সেও ছুটে গেল আর
গুরগীন খাঁও ফটক থেকে বেরিয়ে এলো ; আর সঙ্গে সঙ্গে হ'লো
শুনির আওয়াজ । কে যে মারলো তা তো দেখিনি খান্‌খানান্ !

মীরকাসিম । কেউ দেখ নি ?

রাজবল্লভ ও জগৎশেঠ । না জনাবালি !

মীরকাসিম । তাকে রক্ষীর দিকে ছুটে যেতে দেখলে, গুরগীন খাঁকে ফটক থেকে বেরুতে দেখলে, গুলির আওয়াজ শুনে, অথচ কে হত্যা করলে সেটা দেখলে না ?

রায়হুলভ । শুধু ঐ টুকুই দেখি নি খানখানান্ !

রাজবল্লভ । আমি তখন চোখ বুজে দশমহাবিঘার নাম জপ করছিলাম খোদাবন্দ !

জগৎশেঠ । আমি তখন রামনামামৃত পাঠ করছিলাম জনাবালি !

মীরকাসিম । কিন্তু আমি জানি তোমরা দেখেছ । [সকলে সভয়ে পরস্পরের মুখ চাওয়াচায়ি করিতে লাগিল] সত্য বল, নইলে এখনই আমি তোমাদের কুকুরের মত হত্যা করবো । কে আছিষ্ ? আমার পিস্তল —

রায়হুলভ । [ঢোক গিলিতে গিলিতে] হত্যা করেছিল জনাবালি !

জগৎশেঠ ও রাজবল্লভ । হ্যাঁ, করেছিল খোদাবন্দ !

মীরকাসিম । কে গুরগীন খাঁ—না তার ভাই ?

সকলে । তার ভাই ।

মীরকাসিম । মিথ্যা কথা বলার শাস্তি কি জানো ?

সকলে । [নতজানু হইয়া] মার্জনা—খোদাবন্দ ।

মীরকাসিম । যাও—কিন্তু ভবিষ্যতের জন্য সাবধান !

[রায়হুলভ, রাজবল্লভ ও জগৎশেঠ কুর্ণিশ করিতে করিতে প্রস্থান করিল ।]

মীরকাসিম । দেখলে নজাফ খাঁ, কত সহজে কেমন সুন্দর মীমাংসা হ'য়ে গেল । এখন কেবল বাকী রইলো গুরগীন খাঁ, তাকে—তাকে তলব করবো যুদ্ধাস্তে ।

ফতেমা ও নাজামউদ্দৌলার প্রবেশ

মীরকাসিম । কে ? ফতেমা বেগম ! তোমার সঙ্গে কে ?

ফতেমা । আমার ভাই ।

মীরকাসিম । তোমার ভাই, অর্থাৎ সয়তান মীরজাফরের পুত্র ।
কে আছিল ?

ফতেমা । রক্ষীকে কেন জনাবালি ?

মীরকাসিম । প্রয়োজন আছে ।

রক্ষীর প্রবেশ

মীরকাসিম । এই দণ্ডে এই যুবককে শৃঙ্খলিত ক'রে কারাগারে
নিষ্কেপ কর । কাল প্রাতে ঘাতকহস্তে এর প্রাণদণ্ড হবে । বাঙ্গলাকে
মীরজাফরহীন করতে হ'লে তার ঔরসজাত এই যুবককে আগে বধ
করতে হবে, নইলে এই যুবক হ'তে বেইমানীর বীজ শুধু বাঙ্গলায় নয়—
সারা ভারতে ছড়িয়ে পড়বে । দাঁড়িয়ে রইলি কেন কম্বন্ধু ? নে,
বন্দী কর ।

ফতেমা । [মীরকাসিমের পদতলে নতজানু হইয়া] বাদীর একটা
আর্জি জাঁহাপনা—

মীরকাসিম । কি আর্জি তোমার ?

ফতেমা । ভাই আমার বেইমান নয়—নবাব মীরকাসিমের মতই
মহান, উদার, মহাপ্রাণ । যে ভাই শত্রুপুরীতে রাক্ষসী মাতা, সয়তান
পিতার বিরুদ্ধে দাঁড়িয়ে ভগ্নীকে লজ্জা, অপমান, লাঞ্ছনার হাত থেকে
রক্ষা ক'রে মহিমময়ী বেগমের যোগ্য সম্মানে সুদূর মুরশিদাবাদ থেকে
মুন্সেরে পৌঁছে দিতে নিজে লক্ষী হ'য়ে এনেছে, তার মহত্বের কাছে

আপনার গর্বেন্নত শির নত না হ'লেও আমার শির চিরদিনের মত
 হয়ে থাকবে। যদি শাস্তি দিতে চান, আমার শাস্তি দিন,—নিরপরাধ
 ভাইটির উপর দণ্ডাদেশ প্রত্যাহার করুন জনাবালি !

মীরকাসিম। বাদীর শত অনুরোধেও মুক্তি তোমায় দেবো না
 যুবক। তোমায় দেবো—[কোষ হইতে তরবারি লইয়া] এই তীক্ষ্ণধার
 তরবারি—তুমি দৃঢ়হৃদে এই তরবারি ধারণ ক'রে আজ হ'তে আমার
 পাশে এসে দাঁড়াও ভাই ! এ ছনিয়ায় আমি একা—নিতান্তই একা,
 তুমি আমার দোসর হও ভাই !

নাজাম। জনাবের স্নেহের উপহার আমি মাথা পেতে নিলাম।
 আমি প্রতিজ্ঞা ক'ছি—প্রয়োজন হইতো জনাবের জন্ত, দেশের জন্ত
 প্রাণ বিসর্জনেও কুণ্ঠিত হবো না।

মীরকাসিম। নজাফ খাঁ, ফতেমা বেগম, আমাদের নবাগত
 অতিথি এবং পরমাত্মীয়েকে যোগ্য সম্বর্দ্ধনা ক'রে নিয়ে এসো—

[অগ্রগামী হইলেন, নজাফ খাঁ নাজামউদ্দৌলার হাত ধরিয়া লইয়া
 চলিলেন, ফতেমা তাহাদের অনুসরণ করিল।

—

তৃতীয় অঙ্ক

প্রথম দৃশ্য

হিরায়িল—প্রাসাদ-বক্ষ

মীরজাফর ও মণিবেগম কথোপকথন করিতেছিলেন

মণি। শুনেছ নবাব, কাটোয়া আর গিরিয়ার যুদ্ধে আমাদের জয় হয়েছে ?

মীরজাফর। জয় হয়েছে ! কেমন ক'রে হ'লো মণিবেগম ?

মণি। যেমন ক'রে পলাশী-প্রাঙ্গণে ইংরেজ-কোম্পানীর জয় হয়েছিল, এখানেও ঠিক তেমনি ।

মীরজাফর। পলাশী-প্রাঙ্গণে ইংরেজের জয় হয়েছিল আমাদের বেইমানীতে । মীরকাসিমের সেনাদলের মধ্যে তাহ'লে মীরজাফর, ইয়ার লতিফের দল জুটেছে নিশ্চয় । নইলে অগণিত সেনা, অফুরন্ত রণসম্ভার নিয়ে মুষ্টিমেয় ক'টা ইংরাজ-সেনার কাছে পরাজিত হ'লো কেন ? ভাঙ্গন ধরেছে মণিবেগম, ভাঙ্গন ধরেছে ; বাংলার স্বাধীনতা-সূর্য্য অন্তমিত হ'তে আর বিলম্ব নেই মণিবেগম !

মণি। মীরকাসিমের উদয়নালার দুর্গ সুরক্ষিত ।

মীরজাফর। যতই সুরক্ষিত হোক—মীরজাফরের দল যখন আছে, তখন সুরক্ষিত দুর্গ অরক্ষিত হ'তে বেশী বিলম্ব হবে না । মীরজাফরের দল—মীরজাফরের দল ! চমৎকার ! এই বাংলা মুলুকের নবাবী অর্জন করতে খাসা সুনাম পেয়েছি—! সারা দেশে লোকের মুখে মুখে ঐ নাম ! পলাশী-প্রাঙ্গণের রণে মৃত্যু বরণ ক'রেও মোহনলাল, মীর-

মদনের নাম এতখানি প্রচারিত হয় নি, যতখানি প্রচারিত হয়েছে মীরজাফরের নাম। পথ চলবার যো নেই। পথ চলতে গেলে দলে দলে বালক-বালিকারা ছুটে এসে আমার দিকে অঙ্গুলিনিক্ষেপ ক'রে বলে,—এই সেই মীরজাফর—এই সেই বেইমান! এতখানি সুনাম সত্ত্বেও আবার আমি বসেছি নবাবী তক্তে!

মণি। এখন মনে করলে তো দেশের কল্যাণে আত্মনিয়োগ করতে পারো নবাব? চেষ্টা করলে এখনো তো হ'তে পারো তুমি বাংলা বিহার উড়িষ্যার স্বাধীন নবাব।

মীরজাফর। গোলামিত্বের অক্টোপাশে আবদ্ধ, বেনিয়া-কোম্পানীর হাতের খেলার পুতুল মীর মহম্মদ জাফর আলি খাঁ আবার ফিরিয়ে আনবে বাংলার স্বাধীনতা? এ যে জাগ্রতে খোয়াব মণিবেগম! বাংলার স্বাধীনতা অর্জন যার দ্বারা সম্ভব হ'তো, তারই ধ্বংসের আয়োজন করেছি আমি। এইখানেই কি বেইমানীর শেষ হবে? হবে না। এখনো যে অনশনে অর্দ্ধাশনে থেকেও বাংলার লোক ক'টা বেঁচে রয়েছে? করাল দুর্ভিক্ষ দেখা দিয়েছে—সুজলা সফলা সোনার বাংলা শাসন হ'তে আর বেশী বিলম্ব নেই—বেশী বিলম্ব নেই!

মণি। নবাব, সমস্ত বাংলা বিহার উড়িষ্যার দায়িত্বভার ঘাড়ে নিয়ে এরূপ উন্মাদের প্রলাপ তোমায় সাজে না।

মীরজাফর। ঠিক বলেছ মণিবেগম! উন্মাদের প্রলাপই বটে! এই বেইমানের দেশে একমাত্র বেইমানী ভিন্ন যা কিছু করবো—যা কিছু বলবো, তাই হবে উন্মত্ততার নিদর্শন! আমি যে বেইমানের সেরা মীর মহম্মদ জাফর আলি খাঁ—পরের নর্কনাশ ছাড়া আমার যে আর কিছু করতে নেই—সম্মতানের কাছে গুণাগার হবো যে?

মণি। এই উন্মত্ততার অবসাদ ঝেড়ে ফেলে দিয়ে নূতন উন্মত্ত

দৃঢ়হস্তে বাংলার শাসন-রজ্জু ধারণ কর। রাজ্যবাসী জনগণকে দেখিয়ে দাও মীরকাসিম অপেক্ষা তুমি একজন যোগ্যতর শাসনকর্তা। শাসনে, পালনে, কর্তব্যনিষ্ঠায় মুছে ফেল তোমার পূর্ব-অর্জিত সমস্ত কলঙ্ক-কালিমা।

মীরজাফর। তোমার স্বপ্নে-রচা আসমানের নৌধ ঘুম ভাঙ্গার সঙ্গে সঙ্গেই ভোজবাজীর মত মিলিয়ে যাবে। কারণ, আমি তো নবাব হ'তে পারি নি মণিবেগম, আমি হয়েছি ইংরাজ-কোম্পানীর গোলাম—ক্রীতদাস! নিজের শৌর্য্যে মসনদ জয় করি নি—ক্রয় করেছি তোমার অলঙ্কারের বিনিময়ে! যা হয় না, তা হবে না—হ'তে পারে না মণিবেগম!

মণি। তবু তোমায় চেষ্টা করতে হ'বে নবাব! হ্যাঁ, আর একটা কথা—

মীরজাফর। কি কথা মণি?

মণি। উদয়নালার দুর্গ দুর্ভেদ্য হ'লেও নেখানকার যুদ্ধে আমাদের জয় সুনিশ্চিত।

মীরজাফর। আমিও তাই আশা করি মণিবেগম!

মণি। কিসে?

মীরজাফর। এক মীরজাফর পুষে নিরাজের শোচনীয় পরিণাম; মীরকাসিম পুষেছে মীরজাফরের দল, পরিণাম বুঝতে কি আর বাকী থাকে মণিবেগম? ওকি! কে গায়?

মণি। বোধ হয় কোন ভিখারী!

মীরজাফর। কে আছি? গায়ককে এইখানে পাঠিয়ে দে—

মণি। এ আবার তোমার কি খেয়াল?

মীরজাফর। ভাল কিছু করতে পারি নে ব'লে কি ভাল কিছু শোন্বারও আমার অধিকার নেই মণিবেগম?

গাহিতে গাহিতে চন্দনের প্রবেশ

চন্দন ।

গীত

মরণ-প্লাবনে বুঝি ভেসে যায় সম্মানগণ কাঁদে ।
সাগরগামিনী মত্ত তটিনী কে রোধিবে বাঙ্গির বাঁধে ॥
নয়নের ধারা গিয়াছে শুকায়ে ক্ষুধার তাড়নায়,
ক্ষুধিত সম্মানে বুকে চেপে ধরি জননী মূরছা যায়,
শুধু ওঠে রোল দিকে দিকে,
খেতে দাও ওগো ক্ষুধিতকে,

ভাগ্যতাড়িত জনগণ আজি দুর্বার পরমাদে ॥

চন্দন । শুন্তে পাচ্ছেন—বাংলা বিহার উড়িষ্যার ভাগ্যবিধাতা,
আর্তের ঐ মর্মভেদী আর্তনাদ ? আপনারই আশ্রিত দীন প্রজা
করাল হৃর্তিক্ষের তাড়নে অনাহারে শুকিয়ে কুকুড়ে প্রতিদিন দলে দলে
মরণ বরণ করছে, আর আপনি তাদের ধর্মসঙ্কত রক্ষক হ'য়ে পরমানন্দে
ভোগবিলাসে অলস প্রহর যাপন করছেন ! চমৎকার ! খুলে দিন—
খুলে দিন আপনার নবাব-ভাণ্ডার—যাতে সঞ্চিত রয়েছে সমস্ত মূল্যবান
খাত্তশস্য । অনাহারক্লিষ্ট আর্ত প্রজাগণের বাঁচবার উপায় করুন জনাব !

মণি । কে তুমি বালক ? তোমার এ অনধিকার চর্চা কেন ?

চন্দন । অধিকারী হ'য়েও যখন আপনাদের সে কথা ভাববার
অবসর নেই, তখন অনধিকার চর্চা না ক'রে আর উপায় কি ?

মণি । অল্প বয়সে বেশ পেকে উঠেছ দেখছি যে !

চন্দন । বৃদ্ধেরা জীবনের শেষ সীমায় এসেও যদি বাঁচতে শুরু
করে, অল্প বয়সে না পেকে আর আমাদের উপায় কি বলুন ?

মণি । অশিষ্ট বালক !

চন্দন । ভুল করছেন কেন, আপনার প্রশ্নের উত্তর দিয়েছি মাত্র, অশিষ্ট আচরণ কিছু করি নি ।

মীরজাফর । চুপ কর মণি ! বালক, তোমার পরিচয় তো দিলে না ?

চন্দন । আমি মহারাজ নন্দকুমারের পুত্র—চন্দন ।

মণি । তুমি দেওয়ান নন্দকুমারের পুত্র ! ও—তা তোমার পিতাকেই কেন বল না তোমাদের খাণ্ডশস্ত্রের ভাণ্ডার খুলে দিতে এসব ক্ষুধিত জনগণের সম্মুখে—

চন্দন । সে বিষয়ে বিচার করবেন পিতা, আপনি নন ।

মণি । আর আমাদের সম্বন্ধে বিচারকর্তা বুঝি তুমি ? যাই হোক, তুমি ভুল পথে এসেছ বালক ! নবাব-ভাণ্ডারের খাণ্ডশস্ত্র নবাবের কোন অধিকার নেই, এর মালিক ইংরেজ-কোম্পানী,—আর তা ব্যয়িত হবে বর্তমান যুদ্ধে—বুঝেছ ?

চন্দন । আমি তো আপনাকে কোন অনুরোধ করি নি, আপনার ঠেকফিয়ৎ দেবারও প্রয়োজন নেই । আমি আমার প্রার্থনা জানিয়েছি নবাবের কাছে, আমার প্রার্থনা পূর্ণ করার ইচ্ছা অনিচ্ছা তাঁর ।

মীরজাফর । মণি ! মণি ! বালকের প্রার্থনা পূর্ণ কর—নবাব-ভাণ্ডার খুলে দাও । আগে প্রজারা বাঁচুক, তারপর—

মণি । তারপর ? তারপর যুদ্ধের ভাবনা ভাববো ? তা হয় না নবাব ! খাণ্ডশস্ত্র আমার—যুদ্ধে ব্যয়িত হবে বলে সঞ্চিত করেছি—তোমার প্রজাকে বাঁচাতে গিয়ে পরাজয়কে আমন্ত্রণ ক'রে আনতে পারবো না ।

চন্দন । প্রয়োজন নেই নবাব, পূর্ণ থাকুক যেমন আছে আপনার

দ্বিতীয় দৃশ্য]

বেইমানের দেশ

ঐ খাণ্ডশস্ত্রের ভাণ্ডার । দুর্ভিক্ষ-পীড়িত বৃহস্পু প্রজারা তার এক
কণিকাও স্পর্শ করবে না । তারা অনাহারে মরবে, তবু হৃদয়হীনা
গণিকা-পরিচালিত নবাবের অনুকম্পার দান এতটুকুও গ্রহণ করবে না ।
[দ্রুত প্রস্থান ।

মীরজাফর । মনি—মনি—

মনি । তুমি অনুস্থ—বিশ্রাম করবে এসো—

[মীরজাফরের হাত ধরিয়া প্রস্থান ।

দ্বিতীয় দৃশ্য

বক্রেশ্বরের গৃহ

বক্রেশ্বর ও জোনাকী কথোপকথন করিতেছিল

জোনাকী । ঘরে ব'সে ব'সে ঐ সব চুলোর শাস্তুর আর সংসকেতন
আওড়ালেই বুঝি পেট ভরবে রে হতচ্ছাড়া ? ভিরকুট বিচির জোগাড়
কর, নইলে ভিরকুটী চলবে কিসে ? এদিকে যে মা-লক্ষ্মী শুধু বাড়ী ছাড়া
নয়, দেশ ছাড়া ! পুকুরের কলমী শাক সেদ্ধ খেয়ে ক'দিন চলবে ?

বক্রেশ্বর । কলমী শাককে অমন তাচ্ছিল্য ক'রো না খতোতিকা,
ঐ শাক-সম্রাজ্ঞী কলমীতে খাদ্যপ্রাণ আছে ; দেহের পরিপুষ্টিসাধনে
শোণিতবর্ধনে আর সর্বোপরি তোমার গ্ৰায় ক্রোধনস্বভাবা নারীর
মস্তিষ্ক স্নিগ্ধ রাখতে—ঐ শাক-সম্রাজ্ঞী একাধারে আহাৰ্য্য আর ঔষধি !

জোনাকী । কি বল্লি মুখপোড়া, আমার কুঁতলে স্বভাব ? আমি
তোমার পাকা ধানে মই দিয়েছি, না তোমার বুকে ব'সে দাড়ী উপড়েছি,

বেইমানের দেশ

[তৃতীয় অঙ্ক]

না তোকে চিত্তে গুঁইয়ে মুখে আগুন দিয়েছি? বল হতচ্ছাড়া, আমি কুঁহুলী কিসে? নইলে খ্যাংরার চোটে তোর হাড় একদিকে আর মাস একদিকে করবো।

বক্রেশ্বর। মা চটো—খদ্যোতিকা, মা চটো। আমি তো বলি নি তোমায় কোন্দলপরায়ণা—আমার বাকুরশি এতখানি অসংযত কখনো হবে না—হ'তে পারে না। আমি তোমায় বলেছি ক্রোধন-স্বভাবা, অর্থাৎ কথঞ্চিৎ উগ্র।

জোনাকী। তবে রে মুখপোড়া আবার সংসকেত্তন ক'রে গাল দেওয়া হচ্ছে? আমি উগ্গুর্—এর আমি মানে বুঝিনে মনে করেছি?!

বক্রেশ্বর। কি বুঝেছ—প্রিয়তমে?

জোনাকী। থাক, আর ঞাওটাপনায় কাজ নেই। মনে করিস্ নি তুই আমায় উড়ে ব'লে পার:পেয়ে যাবি। আমি যদি উড়ে হই তো তুই কি রে হতচ্ছাড়া? তুই ধান্দর—তুই মুদফরাস—তুই যাচ্ছে তাই।

বক্রেশ্বর। কলম্বী শাক ভক্ষণ ক'রে আরও দিন কতক মস্তিষ্ক স্নিগ্ধ কর তুমি খদ্যোতিকা, তাহ'লে আর আমার দেহ হ'তে অস্থি মাংস পৃথক করবার স্পৃহা থাকবে না, আর থাকলেও দেহে মাংসের অস্তিত্ব থাকবে না, থাকবে শুধু চর্মাবৃত অস্থি!

জোনাকী। বলি, তুই চালের যোগাড়ে যাবি কি না?

বক্রেশ্বর। কোথায় যাবো খদ্যোতিকা? দেশশুদ্ধ লোক চালের অভাবে বেচাল হ'য়ে গেছে—আমি কার দ্বারস্থ হবো?

জোনাকী। পারবি নে যদি বিয়ে করেছিলি কেন?

বক্রেশ্বর। ভুল করেছি—ঝক্কারি করেছি,—আমার মার্জনা কর।

জোনাকী। এত বোকা আমার পাস্ নি—বলি যাবি কি না?

বক্রেস্বর । পুকুরের কলসী শাকগুলো শেষ হোক, তখন না হয় হুঁজনে একসঙ্গেই যাত্রা করবো ।

জোনাকী । আমি আবার কোথায় যাবো রে হতচ্ছাড়া ?

বক্রেস্বর । না গেলে উপবাস আশ্রয় করতে হবে তোমাকে ।

জোনাকী । কেন, তুই চাল নিয়ে ফির্বি নে ?

বক্রেস্বর । এখানে তবু তোমার রূপায় কলসী অবলম্বী হ'য়ে আছি, পথে বেরুলে ধুলোমাটি সার হবে—প্রত্যাবর্তনের কোন আশাই থাকবে না ।

জোনাকী । ই্যা রে, বলিস্ কি রে ? সবাই কি আমাদের মত কলসী শাক খেয়ে দিন কাটাচ্ছে ?

বক্রেস্বর । তাদের তুলনায় আমরা ভাগ্যবান । তারা গাছের পাতা শেষ ক'রে ঘাস ধরেছে, বোধ হয় মাঠের ঘাসও শেষ হ'য়ে গেল । গরু ছাগল মানুষ—সবাই খেলে আর কতক্ষণ ?

জোনাকী । ওমা, বলিস্ কি ! ঘাস খাচ্ছে ?

বক্রেস্বর । তাও বোধ হয় শেষ হ'য়ে গেল ; এইবার মানুষে মানুষ খাবে ।

জোনাকী । ওমা, তাহ'লে কি হবে গো ! কথা শুনে যে আমার পেটের ভেতর হাত পা সঁধিয়ে যাচ্ছে !

বক্রেস্বর । যাক্—তা যাক্, তবু খানিকক্ষণের জন্য পেট ভরা থাকবে !

জোনাকী । ওরে হতচ্ছাড়া, এই কথা নিয়ে আবার মস্করা করছিস ।

বক্রেস্বর । ঐ মস্করাই এখন রস করার কাজ করছে প্রিয়তম । নইলে ভয়ে ভাবনায় এতক্ষণ ভিন্নমী যেতে ।

জোনাকী । ই্যাগা, তাহ'লে কোথায় যাবে ?

বক্রেস্বর । এই সোজা পথ ধ'রে,—যে পথে গেলে যমের বাড়ীটা কাছে হয় !

বেইমানের দেশ

[তৃতীয় অঙ্ক

জোনাকী। ওমা, বল কি গো? এই কাঁচা বয়সে যমের বাড়ী যাবো কি গো? ওগো মাগো—আমার কি সর্বনাশ হ'লো গো! কেন তুমি আমায় এমন হতচ্ছাড়ার হাতে দিয়েছিলে গো! আমার গলায় কলসী বেঁধে জলে ফেলে দাও নি কেন গো! ওগো মা গো—

বক্রেশ্বর। ওগো স্বশ্রমাতা গো, এ মহাভ্রম কেন করলেন গো? এখন আদেশ করুন গো. দড়ি কলসীর ব্যবস্থা ক'রে আপনার কণ্ঠার শেষ আশা পূর্ণ করি'গো!

জোনাকী। সময় বুঝে তুমিও আবার ঠাট্টা শুরু করলে যে গো।

বক্রেশ্বর। এর পর যে আর সময় পাবো না গো!

গাহিতে গাহিতে বকাউল্লার প্রবেশ

বকাউল্লা।

গীত

কিসের মায়ায় রইলি প'ড়ে বেরিয়ে চল পথে!

মরণ তোদের ডাকছে ওরে তুলে নিতে রথে ॥

পথের যাত্রী ঘরে ঘরে,

পেছিয়ে কেন থাক'বি প'ড়ে,

ঘুচবে জ্বালা আগে গেলে আয় না আমার সাথে ॥

[প্রস্থান।

জোনাকী। হ্যাঁগা, ও কি ব'লে গেল?

বক্রেশ্বর। পাগলের খেয়াল, যা মনে এলো, তাই ব'লে গেল। পথে বেরলেই যে মৃত্যু—সেটা মিথ্যে বলে নি। আর ঘরে থাকলেও যে যন্ত্রণা—সে কথাও সত্যি।

জোনাকী । তাহ'লে কি করবে ? ঘরেও থাকবে না—পথেও
বেকবে না !

বক্রেস্বর । সেই কথাই ভাবছি জোনাকি, কি করবো ।

জোনাকী । কলমীশাকের রসে আর কতক্ষণ যুঝবে ? ভাবতে
ভাবতে পড়বে মাথা ঘুরে,—তারপর ?

বক্রেস্বর । তারপর পথের কাজটা ঘরেই সমাধা হবে ।

জোনাকী । হ্যাঁগা, তুমি কি বল তো ! সর্বনাশের কথা নিয়েও
ঠাট্টা !

বক্রেস্বর । সর্বনাশ হ'লেই তো সব শেষ হ'য়ে যাবে জোনাকি,
আর সময় পাবো কখন ? দেশশুদ্ধ লোকের যে দশা, আমাদেরও সেই
দশা,—কাজেই মন এখন ভাবনা চিন্তার বাইরে ! তাই ইচ্ছে হ'চ্ছে
জীবনের শেষ মুহূর্তটা পর্য্যন্ত উপভোগ করতে, তা কি হবে জোনাকি ?
এত বড় ভাগ্য কি আমাদের হবে ? তবু শেষ আশা, শেষ চেষ্টা
একবার করবো । হুজুরের বাড়ী আর একবার যাবো ; যদি তিনি
মুন্সের থেকে ফিরে এসে থাকেন—যদি দেখা হয়, হয়তো আরও ছ'একটা
দিন বাঁচবার উপায় হবে । এসো জোনাকি, আমরা পথে বেকবোর জন্ত
তৈরী হইগে ।

জোনাকী । মা কালি, অদৃষ্টে এই লিখেছিলে মা !

[উভয়ের প্রস্থান ।

তৃতীয় দৃশ্য

মুন্সের-দুর্গ—মন্সগাগার ।

মীরকাসিম ও নজাফ খাঁ কথোপকথন করিতেছিলেন

নজাফ । কাটোয়া আর গিরিরায় আমাদের পরাজয় হয়েছে, এ সংবাদ জাঁহাপনা শুনেছেন বোধ হয় ?

মীরকাসিম । শুনি নি, তবে জান্তুম ।

নজাফ । জান্তেন !

মীরকাসিম । সেই দিন থেকে বুঝেছিলুম নজাফ খাঁ, যে দিন গুরগিন খাঁর ভাই রক্ষীকে হত্যা করলে আর গুরগীন খাঁ সে কথা গোপন ক'রে দোষটা নিঞ্জের ঘাড়ে তুলে নিলে । আর এটাও বুঝেছিলুম যে, গুরগীন খাঁ বেইমানদের দলের একজন ।

নজাফ । হয়তো তা নাও হ'তে পারে জনাবালি !

মীরকাসিম । মানুষের উপর সরল বিশ্বাসেই হয়তো তুমি একথা বল্ছো নজাফ খাঁ, কিন্তু আমি ভুক্তভোগী, মানুষের উপর সরল বিশ্বাসের ফল হাতে হাতে পেয়েছি—পাচ্ছি—পাবো, তবু আজও পার্লুম না মানুষ চিন্তে !

রক্তরঞ্জিতহস্তে সশস্ত্র নাজামদৌলার প্রবেশ

মীরকাসিম । একি মূর্তি তোমার নাজামদৌলা ?

নাজাম । আমি হত্যা করেছি—জনাবালি !

মীরকাসিম । কাকে হত্যা করেছ তুমি ?

নাজাম। বেইমান সের আলিকে, এইবার ফৌজদার সৈয়দ মহম্মদ খাঁর পালা।

মীরকাসিম। এদের অপরাধ ?

নাজাম। গিরিয়ার যুদ্ধে আমাদের পরাজয়ের মূলে ঐ সের আলি। বেইমান পলায়নপর ইংরেজ-সৈন্যদের ফিরিয়ে এনে কৌশলে জয়শ্রী তাদের হাতে তুলে দিলে। আর এই বেইমান ফৌজদার সৈয়দ মহম্মদ খাঁ কাটোয়ার যুদ্ধে যখন দেখলে তকী খাঁর প্রচণ্ড আক্রমণে ইংরাজ-সেনাদল পরাজিত—ধ্বংসপ্রায়, তখন সে নিজের সেনাদল হটিয়ে নিলে। তকী খাঁ প্রাণপণ ক'রেও—নিজের প্রাণ দিলে, তবু জয়ী হ'তে পারলে না। নিশ্চিত জয়াশা যেখানে, সেখানে এমন শোচনীয় পরাজয় কে সহিতে পারে জনাবালি ? ছঃসংবাদটা পেয়ে উত্তেজিত হয়েছিলুম—সম্মুখে পেলুম বেইমান সের আলিকে—আমি আর ধৈর্য্য ধারণ করতে পারলুম না জাঁহাপনা ! বেইমানকে হত্যা করেছি, এতে যদি অপরাধী হ'রে থাকি, আমায় শাস্তি দিন জনাবালি ! [নতজানু হইল]

মীরকাসিম। নাজামকে সহজে উঠাইয়া আলিজনপাশে আবদ্ধ করিলেন, অনন্তর স্বীয় কর্তৃদেহ হইতে বহুমূল্য মুক্তাহার খুলিয়া বলিলেন] অপরাধী বন্ধু, শুধু আলিজনই তোমার যোগ্য পুরস্কার নয়—তোমার যোগ্য পুরস্কার পাবে যুদ্ধান্তে। উপস্থিত আমার এই ক্ষুদ্র অকিঞ্চিৎকর দান এই মুক্তাহার কণ্ঠে ধারণ ক'রে আমাকে ধন্য কর। [মুক্তাহার প্রদান]

রায়দুলভ, রাজবল্লভ ও জগৎশেঠের প্রবেশ

রায়দুলভ। শুনুম কাটোয়া আর গিরিয়ার নাকি আমাদের পরাজয় হয়েছে জনাবালি ?

মীরকাসিম । পরাজয় তোমাদের হবে কেন—তোমরা জয়ী হয়েছ, পরাজিত হয়েছে মীরকাসিম ।

রায়দুলভ । সে কি কথা জনাবালি ! আমরা যে জনাবের তাঁবেদার গোলাম !

রাজবল্লভ । এই শোচনীয় পরাজয়ে আমরা একবারে মর্মান্বিত !

জগৎশেঠ । অদৃষ্টের ক্রুর পরিহাস !

মীরকাসিম । এই অদৃষ্ট রচনা করেছে কে শেঠজি ? আপনারা না ?

জগৎশেঠ । কি বলছেন জাঁহাপনা, আমরা আপনারই একান্ত অন্তর্গত ; সাতেও নেই—পাঁচেও নেই ।

রায়দুলভ । আপনার ছুখে কেঁদে মরি, সুখে উল্লাস করি !

রাজবল্লভ । জনাবের মঙ্গলকামনাতেই তো এ জীবন উৎসর্গ করেছি ।

মীরকাসিম । তা দেখছি । চেষ্টা কর জীবনটাকে বাঁচিয়ে রাখতে, কাজে না লাগুক, অকাজে লাগবে পুরো মাত্রায় ।

রাজবল্লভ । ভুল বুঝবেন না জনাবালি !

মীরকাসিম । ভুলের জন্মই সিরাজের শোচনীয় পরিণাম । আবার ঐ ভুলের জন্মই আজ আমি বিপন্ন, সংশোধনের সময় পেলুম না, যুদ্ধে যদি জয়ী হই, তবে—

রাজবল্লভ । জাঁহাপনা অশ্রায় সন্দেহ করছেন । জাঁহাপনার মঙ্গল-চিন্তা ভিন্ন যদি অন্য চিন্তা ক'রে থাকি, আমার মাথায় যেন বজ্রাঘাত হয় ।

মীরকাসিম । মুন্সের-দুর্গের মঙ্গলাকক্ষে বজ্রের প্রবেশ অধিকার নেই ব'লেই সাহস ক'রে একথা বলতে পারলে রাজবল্লভ ! ফাকা মাঠে

দাঁড়িয়ে বললে ফল কিন্তু অন্তরূপ হ'তো। বিনা মেঘেও বজ্র তার নিজের কাজ করতে দ্বিধা করতো না।

রায়হুলভ। আমাদের দুর্ভাগ্য, নবাবের জন্তু—দেশের জন্তু প্রাণপাত করছি, তবুও আমাদের দুর্নাম গেল না!

মীরকাসিম। ইতিহাসের পৃষ্ঠায় যা অমর অক্ষরে লেখা রয়েছে, তা তো মোছবার নয় রায় রায়ান! যাক্, আপনারা বোধ হয় ক্লান্ত হ'য়ে পড়েছেন, বিশ্রামের প্রয়োজন?

রায়হুলভ। কর্তব্যের বোঝা যাদের মাথায়, তাদের আর বিশ্রাম করার অবসর কৈ জনাবালি?

গুরগীন খাঁর প্রবেশ

গুরগীন। বণ্ডেগী your Excellency. (ইওর একসেলেসি)

মীরকাসিম। এসো গুরগীন, আমি তোমাকেই খুঁজছিলুম।

গুরগীন। what for your Excellency? (হোয়াট ফর ইওর একসেলেসি?)

নজাফ। কাটোয়া আর গিরিয়ার যুদ্ধে যে গৌরব অর্জন করেছ, জাঁহাপনা তার জন্তু পুরস্কার দেবেন কি না তাই!

গুরগীন। This is no joke but down right insult. (দিস্ ইজ্ নো জোক্ বাট্ ডাউন রাইট্ ইন্সাল্ট্) টুমি আমার অপমান করিটেছ!

নজাফ। অপমান কোথায় সাহেব? তোমার বাহাদুরীর একটু মুখরোচক সমালোচনা—আর কিছুই নয়।

গুরগীন। Shut up. (শাট্ আপ্) এ হামি বর্ডাষ্ট করিবে না।
[তরবারি কোষযুক্ত করিল]

নজাফ । খানখানানের সামনে এ ঔদ্ধত্য অমাজ্জনীয় [তরবারি
নিষ্কাশন]

গুরগীন । A step more and you are a dead man.
(এ ষ্টেপ মোর এ্যাণ্ড্‌ইউ আর এ ডেড ম্যান) [গুরগীনের আক্রমণ]

নজাফ । [মূর্ত্তে মূক্ত তরবারি দ্বারা তাহার আক্রমণ প্রতিহত
করিল]

মীরকাসিম । গুরগীন খাঁ—নজাফ খাঁ—

[উভয়ে নিরস্ত হইল]

নজাফ । মাজ্জনা করুন জাঁহাপনা, জনাবের সম্মুখে বেতমিজ
সেনানায়কের ঔদ্ধত্য বরদাস্ত করতে পারি নি, তাই আমি তার
আক্রমণ প্রতিহত করেছি ।

মীরকাসিম । গুরগীন খাঁ, তোমার ঔদ্ধত্য অমাজ্জনীয়,—তবুও
আমি তোমায় কিছু বলতে চাই না ।

গুরগীন । Excuse me your Excellency. (এককিউজ
মি ইওর একসেলেন্সি)

মীরকাসিম । গুরগীন খাঁ, তোমার মিথ্যা ধরা পড়েছে । আমার
রক্ষীকে হত্যা করেছে তোমার ভাই—তুমি নও ।

রায়চলভ । ই্যা জনাবালি, পিফ্‌স্ না ফিফ্‌স্ কি নাম তার ।

মীরকাসিম । শুনলে গুরগীন, তোমার বোধ হয় আর কিছু বলবার
নেই ? আমি তোমার ভাইয়ের পরিচয়ও পেয়েছি, সে মীরজাফরের
নাচওয়ালী বেগমের চর,—কাজেই সে যে আমার শত্রুপক্ষীয়, এ কথা
আর নূতন ক'রে বোঝাতে হবে না । আমি জানতে চাই, কোন্ স্বার্থ-
সিদ্ধির অজুহাতে তুমি জেনে শুনে এত বড় একটা অশ্রায়ের প্রশয়
দিবেছ ? আমার নেমক খেয়ে শত্রু জেনেও কেন তুমি তাকে বন্দী

কর নি ? কি উদ্দেশ্যে সত্য গোপন ক'রে তুমি শুধু প্রতারণা নয়—
নেমকহারামী করেছ ? আমি তোমার কাছে কৈফিয়ৎ চাই ।

গুরগীন । কৈফিয়ট—Explanation (এক্সপ্লানেসন্) আমি
কৈফিয়ট ডিবে না ।

মীরকাসিম । দেবে না কৈফিয়ৎ ?

গুরগীন । হামাকে শাস্তি ডিটে পারেন, লোকিন আমি কৈফিয়ট
ডিবে না ।

মীরকাসিম । শাস্তি তোমায় দেবো গুরগীন খাঁ ! কে আছিন্ ?
[রক্ষীর প্রবেশ] না, তুমি যাও—[রক্ষীর প্রস্থান] এতদূর করবো
না । নজাফ খাঁ !

নজাফ । জনাবালি !

মীরকাসিম । গুরগীন খাঁকে নিরস্ত কর, আর যতদিন না কৈফিয়ৎ
দেয়, ততদিন তাকে নজরবন্দী রাখবে ।

[নজাফ খাঁ গুরগীনকে নিরস্ত করিল, গুরগীন
একটি কথাও বলিল না ।]

নজাফ । এসো সাহেব—

[নজাফের সঙ্গে গুরগীন গমনোন্তত হইল]

মীরকাসিম । এখন বুঝতে পার্ছি কাটোয়া আর গিরিয়ার
আমাদের পরাজয়ের কারণ কি !

গুরগীন । [যাইতে যাইতে ফরিয়া কঠোরস্বরে] what ?
(হোয়াট) কাটোয়ায় আউর গিরিয়ার আংরেজ-কোম্পানী জিটিল
কেন ? সে কি হামার ভোয ? No—no your Excellency.
(নো—নো ইওর এক্সেলেন্সি) গিরিয়ার টোমার জেনারেল সের আলি
খাঁ বেইমানী করিল । আংরেজ-লোক পলাইটে ছিল, ওহি সের আলি

বেই মানের দেশ

[তৃতীয় অঙ্ক

চালাকি করিয়া টাহাড়ের ফিরাইয়া আনিয়া লড়াই জিটাইয়া ডিল।
কাটোয়ায় টকী খাঁ জিটিটে ছিল, ফৌজডার সৈয়দ মহম্মদ খাঁর
বেইমানিতে টকী খাঁ মরিল—আংরেজ লড়াইভি জিটিল। হামার কুছু
ডোষ না আছে।

[নজাফ খাঁর সহিত প্রস্থান।

মীরকাসিম। চমৎকার ছনিয়া! শত্রু মিত্র চেনা যায় না!

[প্রস্থান।

[রায়হুলভ, জগৎশেঠ, রাজবল্লভ পরম্পর মুখ চাওয়াচাওয়ি
করিয়া হাস্য করিতে লাগিল।]

রায়হুলভ। ষাঁড়ের শত্রু বাঘে মেরেছে ভায়া, ষাঁড়ের শত্রু বাঘে
মেরেছে!

রাজবল্লভ। বাবা সত্যনারায়ণ, একটা হিল্লৈ লাগিয়ে দাও বাবা,
তোমায় আমি ঘটা ক'রে সিন্ধি দেবো।

জগৎশেঠ। খোস খবরটা মণিবেগমকে দিতে হবে, এসো একটা
মতলব আঁটা যাক্।

রায়হুলভ। ঠিকই তো! চল—চল—

[সকলের প্রস্থান।

চতুর্থ দৃশ্য

কলিকাতা—মীরজাফরের প্রাসাদ—নাচঘর ।

মীরজাফর ও মণিবেগম কথোপকথন করিতেছিলেন

মীরজাফর । অকস্মাৎ এ উৎসব আয়োজনের কারণ কি মণিবেগম ?
মণি । আমাদের প্রথম উত্তম সফল হয়েছে, কাটোয়া ও গিরিয়ার
যুদ্ধে আমরা জয়ী হয়েছি, আজ সেই বিজয়-উৎসব ।

মীরজাফর । অর্থাৎ পরাধীনতার শৃঙ্খল আমাদের হাতের কাছে
এসেছে—উৎসব করতে হবে বৈকি ! বাংলার এমন ভাগ্যবিপর্যয়ে
আনন্দ করবো না ?

মণি । কি বলছেন নবাব, জয়ে তোমার আনন্দ হ'চ্ছে না ?

মীরজাফর । জয়ে আনন্দ না হ'লেও আমার খুব আনন্দ হ'চ্ছে
বেগম ! কেন জানো ? আমি বাংলার শত্রু কিনা, তাই বাংলার
শোচনীয় দুর্দশার কথা কল্পনা ক'রে আমার হৃদয়ের আনন্দ-উৎস
শতধারায় উচ্ছ্বসিত হ'য়ে উঠছে !

মণি । তুমি নিজেকে ভুলে যাচ্ছেন নবাব—তুমিই বাংলার ভাগ্য-
বিধাতা ।

মীরজাফর । তুমিই ভুল করছেন বেগম, বাংলার ভাগ্যবিধাতা
আমি নই—ইংরাজ-কোম্পানী। তারা শাসনও করছে, শোষণও
করছে, উপলক্ষ্য শুধু আমি ।

মণি । রাজ্যরশ্মি তোমারই হাতে ।

মীরজাফর । কিন্তু চালাবার শক্তি নেই আমার—চালাচ্ছে তারা ।

যাক্, অবাস্তুর আলোচনায় তোমার উৎসবের অঙ্গহানি করবো না—
ডাকো তোমার উৎসব-রঙ্গিনীদের ।

মণি । কে আছিস্? সুরা আর নর্তকী ।

মীরজাফর । কিন্তু তোমার মাননীয় অতিথিদের তো দেখ্ছি না
মণিবেগম ?

মণি । তাঁরা সময়ের মূল্য বোঝেন, যথা সময়েই আসবেন ।

বান্দা আসিয়া পানপাত্রাদি রাখিয়া গেল এবং
তাহার প্রশ্বানের সঙ্গে সঙ্গে নর্তকীগণ আসিয়া
উপস্থিত হইল । নৃত্যগীত আরম্ভ হইবার
পূর্বেই আসিলেন হেষ্টিংস ও পিক্রস্

হেষ্টিংস । বণ্ডেগী নবাব—বণ্ডেগী বেগম সাহেবা—

পিক্রস্ । মণিবেগম জিন্দাবাদ ! ঠিক আছে.—হামি লোক-
বিদেশী আড্‌মী আছে—drink (ড্রিক) ভি বিলাটী আছে !
Scotch Whisky—good—tre biain (স্কচ্ হইস্কি—গুড্—
ট্রে বিয়া)

[পিক্রস্ গেলাসে মত্ত ঢালিয়া একটা গেলাস হেষ্টিংসকে
দিল এবং নিজে উপযুক্তপরি কয়েকবার পান করিয়া
বোতল ও গ্লাস রাখিয়া দিল । নর্তকীগণ
নৃত্য-গীত আরম্ভ করিল ।]

নর্তকীগণ ।

গীত

মিলনের মধুর হাওয়া বইছে আজি জোছনায় ।
মধুর সুখ চুম্বাতে ফুল চামেলীর ঘুম ভাঙ্গায় ॥

পেয়ে বঁধুর মধুর পরশ,
 ফুল বাগিচা হ'লো সরস,
 প্রাণ যেতে চায় উধাও হ'য়ে বঁধুর সাথে নিরালায় ॥
 পাপিয়া বোলে পিয়া
 খুসীতে ভরা হিয়া—

আলাপন চোখে চোখে পিয়ে রঞ্জিন সুধা পিয়ালায় ॥

পিঙ্গস্ । Tarry a little (ট্যারি এ লিট্‌ল) সবুর কর—
 [পানপাত্র পূর্ণ করিয়া হেষ্টিংসকে দিল এবং নিজের উপযুক্তপরি কয়েকবার
 পান করিল] well (ওয়েল) কাম-কাজকা বাত্ কুছ্ হোবে, না
 নাচ-গানা চলবে ?

মণি । [নর্তকীগণের প্রতি] তোমরা পাশের ঘরে অপেক্ষা কর—
 [নর্তকীগণ কুর্নিশ করিয়া চলিয়া গেল ।] পিঙ্গস্ !—

পিঙ্গস্ । Yes Begum. (ইয়েস্ বেগম)

মণি । তোমার কিছু বলবার আছে ?

পিঙ্গস্ । এক বাট্ money, (মণি) ডুস্‌রা বাট্ কাম । গুরগীন খাঁ
 ঠিক আছে—উদয়নালায় ডেখিরা লইবে—লেকিন উও বড়া কড়া
 আড্‌মী আছে—রোপেয়া মান্দিয়াছে ।

মণি । টাকার জন্তে ভাবনা নেই পিঙ্গস্, টাকা আমি দেবো ।
 তুমি আমার কাজ ক'রে দাও—(Left hand cash, right hand
 work. (লেফ্‌ট্ হ্যাণ্ড্ ক্যাশ্ রাইট্ হ্যাণ্ড্ ওয়ার্ক)

মীরজাফর । দুর্ভেদ্য দুর্গ এই উদয়নালায়—বহিঃশত্রুর প্রবেশের
 পথ নেই—এই দুর্গ জয় করতে সাহস কর মণিবেগম ?

মণি । মণিবেগমের জীবনটাই যে অসাধ্যসাধন করতে জাঁহাপনা !

বেইমানের দেশ

[তৃতীয় অঙ্ক

[জনান্তিকে] এই অক্টোব্রাদ, মদ্যপ পিড্রসের সাহায্যেই আমি সেই অসাধ্যসাধন করবো নবাব, তুমি দেখে নিও ।

হেষ্টিংস । মণিবেগমকা মাফিক intelligent lady one in thousand. (ইনটেলিজেন্ট লেডি ওয়ান ইন থাউজেণ্ড)

মণি । আমার উপর বিশ্বাস রাখো সাহেব ?

হেষ্টিংস । certainly. (সারটেনলি)

মণি । তাহ'লে যাও সাহেব, নাকে সর্ষের তেল দিয়ে ঘুমোও গে, যুদ্ধান্তে বিজয়োৎসবের আয়োজন ক'রে আবার তোমায় নিমন্ত্রণ করবো ।

হেষ্টিংস । Very well. (ভেরি ওয়েল) বণ্ডগী— [প্রশ্নান ।

মীরজাফর । সাহেবকে বিদেয় করলে যে মণিবেগম ?

মণি । বুঝতে পেরেছ ?

মীরজাফর । তোমার মত তীক্ষ্ণ বুদ্ধি না থাকলেও এটুকু বোঝবার ক্ষমতা আছে ।

মণি । আমাদের গুপ্ত পরামর্শ ওকে জানতে দেবার আমার ইচ্ছে নেই । ছুখ ক'রো না নবাব, অনেক সময় তোমাতেও জানানো প্রয়োজন মনে করি নে ।

মীরজাফর । সেটা আমার উপর অবিচার নয়, সুবিচার । তা ধর্ত্তমানের আমার থাকটা যদি আপত্তিজনক মনে কর, আমি চ'লে যাচ্ছি—

মণি । কোন প্রয়োজন নেই নবাব, এখন থেকে আর কোন কথা তোমার কাছে গোপন রাখবো না । পিড্রস্ !

পিড্রস্ । বেগম সাব্ !

মণি । গুপ্তচর মুখে শুন্লুম গুরগীন নাকি মুন্সের-দুর্গে নজরবন্দী ?

পিড্রস্ । God knows. (গড্ নোজ্) হামি তো কুছ খবর জানে না ।

মণি । জানো না ? তাহ'লে এ সংবাদ যদি সত্য হয়, তাহ'লে কি করবে মনে করছে। পিড্রস্ ?

পিড্রস্ । এখোন কুছ বলিটে পারবে না । হামি আজই মুন্দের যাবে—গুরগীন খাঁর সাঠে ডেখা করিবেই করিবে— আভি ত মওকা ইমলিয়াছে, গুরগীন খাঁ Easily (ইজিলি) হাট হইয়া যাইবে । হামি জু'গী একটা বাট্ বলিবে আর গুরগীন নবাবের ডুস্মন হইয়া যাইবে ।

মণি তাহ'লে তুমি আজই রওনা হও পিড্রস্ !

পিড্রস্ । লেকিন money. (মণি) Here is my left hand for money. (হিয়ার ইজ মাই লেপ্ট হাণ্ড ফর্ মণি)

মণি । বায়না স্বরূপ এই নাও আমার হীরক-অঙ্গুরীয়—এর দাম খুব কম হয়তো দশ হাজার টাকা—

পিড্রস্ । But (বাট্) গুরগীন খাঁকে কি ডিবে ?

মণি । এই নাও আর একটা ।

পিড্রস্ । Now right hand work. (নাউ রাইট হাণ্ড ওয়ার্ক)
মণিবেগম জিন্দাবাদ— [কুর্গিশ করিয়া প্রশ্নান ।

মীরজাফর । চমৎকার !

মণি । কি চমৎকার ? আমি—না আমার কাজ ?

মীরজাফর । হুই-ই । উঠলে যে ? উৎসব শেষ হ'য়ে গেল
নাকি ?

মণি । বলি—বিশ্রামও তো চাই । এসো—

[উভয়ের প্রশ্নান ।

পঞ্চম দৃশ্য

মুন্সের-হুর্গ—মস্ত্রণাগার

মীরকাসিম ও নজাফ খাঁ কথোপকথন করিতেছিলেন

মীরকাসিম। এর উপরেও কি তুমি আমায় বলতে চাও নজাফ-
খাঁ, গুরগীন খাঁকে বিশ্বাস করতে ?

নজাফ। আমার মনে হয় জনাবালি, সে তার কৃতকর্মের
জন্য অন্ততপ্ত, নবাবের সন্দেহ ভঞ্জন করতে সে এবার উদয়নালায়
প্রাণপাত করবে।

মীরকাসিম। তাই যদি করবে, তবে সে কৈফিয়ৎ দিলে না
কেন ?

নজাফ। সত্যি জনাব, লোকটা কেমন একগুঁয়ে, হয়তো এটা
তাদের জাতির ধর্ম। হীন বন্দীর মত নজরবন্দী আছে, অথচ কৈফিয়ৎ
দিতে প্রস্তুত নয়।

মীরকাসিম। আমার মনে হয়, তাকে হত্যা করবার ভয়
দেখালেও সে কৈফিয়ৎ দেবে না।

নজাফ। আমারও তাই মনে হয় জনাবালি, কারণ, সে যুদ্ধ-
ব্যবসারী—প্রাণের মায়া রাখে না।

মীরকাসিম। তুমি এর অতীত জীবনের কোন কথাই জানো না।
দীন দরিদ্র ছিল—পথে পথে ঘুরে গজ্ঞে মেপে কাপড় বিক্রি করতো।
আমি সেই অবস্থায় তাকে এনে সেনা-বিভাগে ভর্তি ক'রে দিই।
তারপর ক্রমে ক্রমে তাকে সেনাপতি-পদে উন্নীত করি। ধন,

মান, যশ, প্রতিপত্তি, সবই তার আমা হ'তে ; তাই তাকে আমি বিশ্বাস করতুম । সেই গুরগীন খাঁ আমার সঙ্গে বিশ্বাসঘাতকতা করলে ! এই ছনিয়ার মানুষ ! ছনিয়ার সবই কি উন্টে গেছে নজাফ খাঁ ? চুপ ক'রে রইলে যে ? উত্তর দাও । দিনরাত যুদ্ধ-বিগ্রহের কথা—বেইমান বিশ্বাসঘাতকদের কথা আর আমার মন্ত্রণা নিয়েই কেটে যাচ্ছে, ছুর্গের বাইরে যাবার অবসর হয় না ; তাই বুঝতে পারি নে পরিবর্তনশীল জগতের কিছু পরিবর্তন হয়েছে কি না !

নজাফ । তাহ'লে গুরগীন খাঁর সম্বন্ধে কি স্থির করলেন জনাবালি ?

মীরকাসিম । কিছুই তো স্থির করতে পারি নি—পারছি নি ।

তুমি বলতে পার কি করা উচিত ? আবার কি তুমি তাকে বিশ্বাস করতে বল ? দেখ নজাফ খাঁ, সিরাজ যে অবস্থায় পড়েছিল, আমিও ঠিক সেই অবস্থায় পড়েছি । কথায় ও কার্য্যে সে বারবার মীরজাফরের উপর বিশ্বাস হারাতো, বারবার তাকে তলব করতো, তিরস্কার করতো, শেষ অনুগ্রহ করতেও দ্বিধা করতো না । আর মীরজাফর কি করতো জানো ? সে বারবার মার্জনা ভিক্ষা করতো এমন কি পবিত্র কোরাণ ছুঁয়েও শপথ করতো, কিন্তু আশ্চর্য্যের বিষয়—শপথ ভঙ্গ করতে মীরজাফরের বেশী বিলম্ব হ'তো না ।

নজাফ । বেইমান !

মীরকাসিম । এও যদি ঐ দলের হয় নজাফ খাঁ, তাহ'লে আমার কর্তব্য কি ?

নজাফ । তাই তো জনাবালি !

মীরকাসিম । শুধু মীরজাফর নয়, ঐ দলের ছিল আরও অনেকে ; তারাও করতো এমনি ভাবে শপথ । কিন্তু শপথ করতেও যতক্ষণ, তা ভঙ্গ করতেও ততক্ষণ ।

নজাফ । এই জন্মেই মানুষের শপথের উপর আমার আস্থা নেই জনাবালি ! আমার ধারণা, যে শপথ করতে পারে, সে শপথ ভঙ্গ করতেও পারে । মানুষ মনের যে দুর্বলতায় শপথ করে, সেই দুর্বলতাই তার শপথ ভঙ্গের কারণ ।

মীরকাসিম । তোমার যুক্তি যে অসার নয়, তা জানি নজাফ' গাঁ ! তবুও মনের উপর জুলুম জবরদস্তি করি বিশ্বাস করতে ! কেন জানো ? বিশ্বাস করি নিজের স্বার্থের জন্ত নয়, একটা মহান উদ্দেশ্য নিয়ে—শুধু বাঙ্গলার মুখ চেয়ে, বাঙ্গলাবাসী হিন্দু-মুসলমান ভাই-বোনদের মুখ চেয়ে, রক্ষা করতে দেশের স্বাধীনতা । তা কি হবে ? তা কি পারবো নজাফ গাঁ ?

নজাফ । এমনি আকুলতা, এমনি আগ্রহ, এমনি একগ্রতা যদি দেশবাসীর থাকতো তাহ'লে পলাশী-প্রাঙ্গণে সিরাজের পতন হ'তো না । দেশবাসী দেশ চায় না, চায় শুধু স্বার্থ ; এমনি দেশের কল্যাণ কেমন ক'রে সাধিত হ'তে পারে, তা তো ভেবে উঠতে পারছি নে জনাবালি !

মীরকাসিম । আমি ও পারছি নে নজাফ গাঁ !

রক্ষিসহ গুরগীন খাঁর প্রবেশ

গুরগীন । হামি ঠির করিল আমি কৈফিয়ট্ ডিবে ।

মীরকাসিম । উত্তম । বল, কি তোমার কৈফিয়ৎ ?

গুরগীন । বাইকো বাঁচাটে হামি বুটা বলিয়াছি । বাই হামাডের ডুমমন্ আছে, টাই উম্কা সাট্ বাট্ করিল না—ভাগাইয়া ডিল ।
kicked him right away (কিব্‌ড্ হিম্ রাইট্ এ্যাওয়ে) এহি হামার Explanation. (এক্সপ্ল্যানেশন্)

মীরকাসিম। তোমার কথায় আমি স্থখী হ'লাম গুরগীন খাঁ,
এখন একটা কথা জিজ্ঞানা করিতে চাই—

গুরগীন। বোলিয়ে—

মীরকাসিম। এই উদয়নালাতেই আমাদের শেষ চেষ্টা।

গুরগীন। সেইখানেই শত্রুদের হামি ডেখিয়া লইবে।

মীরকাসিম। মানুষের বেইমানী দেখে দেখে বিশ্বাসটাকে মন
থেকে মুছে ফেলে দিয়েছি, তার নিদর্শন স্বরূপ তোমাকেও নজরবন্দী
থাকতে হয়েছিল। যাক্ ও সব কথা, এখন আমি উদয়নালা
ভার তোমার উপর দিয়ে নিশ্চিস্ত হ'লুম। দেখো বন্ধু, একটা দেশের
—একটা জাতির স্বাধীনতা তোমার মনুষ্যত্বের কাছে গচ্ছিত রাখছি,
তুমি তাকে রক্ষা ক'রো ভাই!

গুরগীন। ব্যস No more. (নো মোর) এক টরফ্ রইলো
তোমার উদয়মালা আউর এক টরফ্ my life. (মাই লাইফ্)

মীরকাসিম। আর আমার কিছু বলবার নেই গুরগীন খাঁ!
আমি নিশ্চিস্ত! এনো নজাফ—

[নজাফ খাঁ সহ প্রস্থান।]

গুরগীন। উদয়নালা—উদয়নালা—এই উদয়নালায় আসিটেছে
আংরেজ-কোম্পানী! ফণ্ডীবাজ আংরেজ-কোম্পানীকে হামি ডেখিয়া
লইবে—হামি ডেখিয়া লইবে—[গমনোচ্চোগ]

ঠিক সেই সময়ে মুসলমান রক্ষিবেশে পিড্রস্

আসিয়া উপস্থিত হইল

পিড্রস্। Tarry a little brother. (ট্যারি এ লিটল্
ব্রাদার)

গুরগীন। who you ? (হু ইউ ?)

পিড্রস্। your brother Petruse please. (ইওর ব্রাদার পিড্রস্ পিড্র) [কৃত্রিম শ্মশ্রু-গুম্ফ উন্মোচন করিল ।]

গুরগীন। ব্যস করো—not an inch more you taritor.
(নট্ এ্যান ইঞ্চ মোর ইউ ট্রেটার)

পিড্রস্। লেकिन টুমারা বাই—

গুরগীন। টুমি শট্ৰু আছ ; গুরগীন খাঁ শট্ৰুর সাঠে বাট করে
স্বাইফেল ডিয়ে—পিষ্টল ডিয়ে—টলোয়ার ডিয়ে ।

পিড্রস্। লেकिन হামি বাট্ করে মুখ ডিয়ে।

গুরগীন। Get out I say. (গেট আউট আই সে)

পিড্রস্। বাইকে সাঠ ডাঙ্গা করিবে ?

গুরগীন। No. Get out (নো, গেট আউট)

পিড্রস্। বাট্ গুনিবে না ? বহট্ জরুরী বাট্—রোপেয়া
মিল্‌নেকা বাট্—

গুরগীন। কোই বাট নেহি—Get out (গেট আউট) গুরগীন
খাঁ বেইমান না আছে—নেমকহারাম না আছে ।

পিড্রস্। All right. (অল রাইট) I will find out
another way. (আই উইল ফাইণ্ড আউট এ্যানেদার ওয়ে)

[প্রস্থান ।]

গুরগীন। Scoundrel (স্কাউণ্ডেল)

[প্রস্থান ।]

ষষ্ঠ দৃশ্য

উদয়নালার দুর্গ-সম্বিহিত ইংরাজের ছাউনী

হেষ্টিংস পাদচারণ করিতেছিলেন

হেষ্টিংস। Disgusting! (ডিস্গাষ্টিং) We are passing days after days and nights after nights but with no result. (উই আর পাসিং ডেজ্, আফটার ডেজ্, এ্যাণ্ড নাইটস্ আফটার নাইটস্ বাট্ উইথ নো রেজাল্টস্) উদয়নাল্লা is an invincible fort (ইজ্ এ্যান ইন্বিন্সিবল্ ফোর্ট) What's to be done now? (হোয়াটস্ টু বি ডান্ নাউ?) বয়! Drink (ড্রিন্ক)

[আদেশমাত্র বয় পানপাত্রাদি দিয়া গেল। হেষ্টিংস

পাত্র পূর্ণ করিয়া লইয়া পান। করিলেন এইভাবে

উপর্যুপরি কয়েক পাত্র পান করিবার

পর আপন মনে কহিলেন]

হেষ্টিংস। Drinknig singing and dancing nothing else. (ড্রিন্কিং, সিংইং এ্যাণ্ড ড্যান্সিং নাথিং এল্স) ব্যস্ ছুটি! Disgusting (ডিস্গাষ্টিং)

মীরজাফর ও মণিবেগমের প্রবেশ। উভয়ে

যথারীতি অভিবাদন করিলেন।

মণি। সময় বুঝি আর কাটছে না সাহেব?

হেষ্টিংস। Yes, we are idling away the time. (উই আর আইডলিং এ্যাণ্ডয়ে দি টাইম)

মণি। সময়টা যাতে ভাল ভাবেই কাটে, আমি তার ব্যবস্থা করেছি সাহেব ! কয়েকজন ইরাণী নাচওয়ালীকে সঙ্গে এনেছি, তারা তোমাদের নাচ-গানে মজগল করে রাখবে ; সময় কেটে যাবে জলের মত !

হেষ্টিংস। সবই বুঝিটেছে, লেकिन কেটো ডিন এমনিভাবে কাটাইটে হোবে ? আপনি বলিঘাছিলেন সব্‌কুছ্ বণ্ডোবস্ট্ হইয়া যাইবে, লেकिन কুছ্ হইল না !

মণি। ধৈর্য ধর সাহেব, সব হবে। এখন স্‌যোগ পেয়েছ আমোদ অহ্লাদ কর—ফুর্তি কর। স্‌যোগ এলে ব্‌টিশ-সিংহ সিংহের মতই কাঁপিয়ে পড়বে শত্রুদলের উপর ! বান্দা ! ইরাণী নর্তকী—

মণিবেগম পানপাত্র পূর্ণ করিয়া হেষ্টিংসকে দিলেন,
হেষ্টিংস পান করিলেন। তিনজন ইরাণী নর্তকী
আসিয়া উপস্থিত হইল, দুইজন নৃত্য করিতে
লাগিল এবং একজন গাহিতে লাগিল।
হেষ্টিংস উপর্যুপরি পানপাত্র পূর্ণ
করিয়া পান করিতে লাগিলেন।

নর্তকী।—

গীত

পরদেশী পিয়ারা মেরা নিগাহমে দিল চুরায়া।
দিউয়ানা বানানে মুঝে নিরালা গুম্ হো গিয়া ॥

দুঁরি ছুনিয়া সারা কাঁহা পিয়া হামারা,
লালি আঁখিয়া মেরা হামেশা রোতে ছয়া ॥

আঁখোমে নিদ্ না লাগে,
পিয়াসা দিলমে জাগে,

দিল লাগে না গোলাপ বাগে মুখে আপসান্ বানায়া ॥
হেষ্টিংস । হামি ভি নাচ করবে এ্যাডাম্‌স ভি নাচ করবে—
[নর্তকীদের সঙ্গে হেষ্টিংস হাত ধরাধরি করিয়া নৃত্য করিতে
লাগিল কিন্তু অতিরিক্ত সুরাপান বশতঃ নেশার ঘোরে
সে অনতিবিলম্বে ভূপতিত হইয়া সংজ্ঞা হারাইল ।]

ঠিক সেই সময়ে কৃষ্ণবর্ণের পোষাকে সমস্ত দেহ ও
মুখের অর্দ্ধাংশ আবৃত করিয়া দুইহস্তে দুইটি
পিস্তল উদ্যত করিয়া নজাফ খাঁর প্রবেশ

[নর্তকীগণ ভয়ে পলায়ন করিল ।

নজাফ । [একটা পিস্তল মণিবেগমের দিকে আর একটা মীরজাফরের দিকে ধরিয়া বজ্রগস্তীরস্বরে কহিল] চূপ্ ! খুলে দাও তোমার ঐ হীরের বালা, আর তুমি তোমার নবাবী মুকুট—এই মুহূর্তে । এক লহমা দেবী হ'লে গুলি করবো, চেলালেই মরবে । কোন চিন্তা নেই, তোমার পটমণ্ডপের সজাগ প্রহরী একটাও খাড়া নেই, তারাও সরাব খেয়ে এদেরই মত গড়াচ্ছে । কাজ উদ্ধার করবো ব'লে ঠিক সময়ে ঠিক জায়গায় এসে আমি সে ব্যবস্থা করেছি । নাও, জল্দী কর—
[ভয়চকিত মণিবেগম তাঁহার হীরক-বলয় জোড়াটি এবং মীরজাফর তাঁহার বহুমূল্য শিরজ্ঞান খুলিয়া নজাফ খাঁর হস্তে দিল ।]

[অনস্তর নজাফ খাঁ হেষ্টিংসের তরবারি ও পিস্তলটি লইয়া
বিজয়ী বীরের মত দৃষ্ট পাদক্ষেপে সেখান হইতে
বাহির হইয়া গেল ।]

মনি । ডাকু—ডাকু—

মীরজাফর । কে আছিস্ ? বন্দী কর—কোতল কর—

হেষ্টিংস । হামি নাচ করবে—নবাব বাহাদুর ভি নাচ করবে !

মনি । ডাকাতির অত্যাচারে আমরাও নাচ্ছি, তুমিও নাচো
সাহেব !

হেষ্টিংস । [সহসা যেন সংজ্ঞা ফিরিয়া পাইল এবং অতিকষ্টে উঠিয়া
মীরজাফরের স্কন্ধে ভর দিয়া দাঁড়াইয়া কহিল] What ? (হোয়াট্ ?)

মনি । ডাকু : আমাদের সর্বস্ব লুটে নিয়ে গেল সাহেব, আমার
পঞ্চাশ হাজার টাকার হীরক-বলয় ছিনিয়ে নিয়ে গেল ।

মীরজাফর । আমার নবাবী শিরজ্ঞান কেড়ে নিয়েছে !

হেষ্টিংস । যানে ডেও ; হামি লোক কিনিয়া ডিবে । Now
say (নাউ সে) কাঁহা ডাকু—হামি shoot (শূট্) করবে—ডুসমন্
ডাকু কো হামি কোটল করবে—ইয়ে কেয়া হ্যায় ! হামার পিষ্টল !
হামার sword (সোর্ড) কি তার গিয়া ? ডুসমন্ চুরি করিল ?
তাজব !

মীরজাফর । তোমাদের ভার লাঘব করতে ডাকু সেগুলোও
নিয়ে গেছে সাহেব !

হেষ্টিংস । scoundrel (স্কাউণ্ডেল) হামাকে খোঁড়া করিয়া
ডিল ! এখন হামি এই টলোয়ার কা খাপ্ লইয়া কি করিবে ?

মনি । এখন আর কিছু করবার নেই সাহেব, নিজের নিজের
তাঁবুতে গিরে বিশ্রাম কর গে—

হেষ্টিংস : রাঙ্কেলটা হামি লোককে বোকা বানাইয়া ডিস !

মণি । এতক্ষণে আসল কথাটা বুঝতে পেরেছ সাহেব !

অন্ধ ভিক্ষুকবেশে পিড্রসের প্রবেশ

পিড্রস্ । অণ্ড নাচার বাবা—ডো এক লাখ রোপেয়া ডেও বাবা !

হেষ্টিংস । You joke—You scoundrel (ইউ জোক্—ইউ স্কাউণ্ডেল) হামি টোম্কে গুলি করে গা !

মণি । আর বাহাতুরী দেখিয়ে কাজ নেই সাহেব, তোমার পিস্তল কোথায় যে গুলি করবে ? সেটা তো লোপাট ! এখন আমার বুঝতে দাও ব্যাপারটা । অন্ধ নাচার ভিক্ষে চাইছে হু এক লাখ টাকা—চমৎকার ছদ্মবেশ হয়েছে তোমার পিড্রস্ !

পিড্রস্ । হাঃ-হাঃ-হাঃ, মণিবেগম জিণ্ডাবাদ্ । হামায় চিনিটে পারিয়াছে !

মণি ! তারপর পিড্রস্ ?

পিড্রস্ । টারপর আর কুছু নেই, টার আগেই সব্ হইয়ে গেল !

মণি । কি হ'য়ে গেল পিড্রস্ ?

পিড্রস্ । উদয়নালায় মণিবেগমের জিট্ ।

মণি । সেকি ! কি বল্ছো তুমি ?

পিড্রস্ । পিড্রস্ কভি বুটা বোলে না । এখন যে কঠাটি বলিবে, উহার ডাম ডিতে হোবে লাখ রোপেয়া ।

মণি । উদয়নালায় দুর্গ-প্রবেশের গুপ্তপথের সন্ধান পেয়েছ পিড্রস্ ?

পিড্রস্ । Yes or No (ইয়েস্ অর্ নো) একঠো বাট্, বলিটে গেলে লাখ রোপেয়া ডিতে হোবে ।

মণি। এই নাও আমার বহুমূল্য মণি-মুক্তা-খচিত হীরক-হার—
[হার প্রদান]

পিফ্রস্। [হার গলায় পরিয়া] হাঁ, সন্ধান পাইয়েছে।

মণি। সেনানায়ক এ্যাডাম্‌স্ সাহেবকে তা'হলে সে পথ দেখিয়ে
-স্নাও—আমরা দুর্গে প্রবেশ ক'রে দুর্গ ভয় করি।

পিফ্রস্। Another lakh please. (এ্যানাদার লাখ প্লিজ)
আউর এক লাখ রোপেয়া চাই—হামি জু ইহুদী আছে—টাকা চিনে,
আউর কুছু জানে না।

মীরজাফর। এবার আমি দিচ্ছি—এই নাও—[হীরা-মুক্তাখচিত
-বহুমূল্য কণ্ঠহার খুলিয়া পিফ্রস্কে দিলেন।]

পিফ্রস্। Tre bien (ত্রে বিঁয়া) [হার গলায় পরিয়া] Now
Hastings tell your general Adams to come along
with me with his army. (নাউ হেষ্টিংস টেল্ ইয়োর জেনারেল
এ্যাডাম্‌স টু কাম্ এ্যাং উইথ মি উইথ হিজ্ আর্মি) হামি পঠ্
-ডেখাইয়া ডিবে—Come on. (কাম্ ওন্) [হেষ্টিংস ও পিফ্রস্
গমনোত্ত হইল।]

মণি। আমরা তাহ'লে এই পটমণ্ডপে ব'সেই তোমাদের বিজয়-
-বার্তার প্রতীক্ষা করবো সাহেব ?

হেষ্টিংস। Right O. (রাইট ও)

[হেষ্টিংস ও পিফ্রসের প্রস্থান।]

মীরজাফর। মণি, তুমি একটা রমণী-রত্ন—তোমার রূপের
-জৌলুস যেমন প্রখর, বুদ্ধির জৌলুস তার চেয়ে কোন অংশে কম নয়।

মণি। নবাবের এ অযাচিত প্রশংসার জন্তু নবাবকে সহস্র সহস্র
-ধন্যবাদ।

মীরজাফর। আমার কি মনে হয় জানো মনি ?

মনি। কি জনাব ?

মীরজাফর। আমার মনে হয়, নবাবী তক্তায় আমি না ব'সে তোমারই বসা উচিত ছিল। আমি বৃদ্ধ, অকর্মণ্য, মুখ'; এই জন্যই আমায় দেশবাসী ক্রাইভের গর্দভ ব'লে উপহাস করে। আমার ইচ্ছা হ'চ্ছে,—যুদ্ধান্তে আমি ইংরেজ-কোম্পানীর কাছে সেই প্রস্তাবই করবো।

মনি। থাক, আর অতটা ক'রে কাজ নেই জাঁহাপনা, যেমন আছি সেই ভাল। তুমি অসমর্থ হও, তোমার পুত্র আছে, সেই বস্বে বাঙ্গলার মসনদে। একটা নর্ত্তকীকে বসিয়ে মসনদের অবমাননা করবার প্রয়োজন হবে না নবাব !

[সহসা ঘন ঘন তোপধ্বনি হইতে লাগিল। একটা
বিরাট রণকোলাহলে দিকদিগন্ত মুখরিত হইয়া
উঠিল। ইংরাজ-সৈন্যগণ নেপথ্য হইতে “হিপ্
হিপ্ হুর্‌রে” বলিয়া উল্লাসধ্বনি করিতে
লাগিল। সঙ্গে সঙ্গে পিঙ্গলের কণ্ঠ-
দেশ ধরিয়া উন্মুক্ত ছুরিকা হস্তে
গুরগীন খাঁ ছুটিয়া আসিল]

গুরগীন। Scoundrel—Rascal (স্কাউণ্ডেল—রাস্কেল) বাইকে
সাঠ্ ডুস্মনী—

পিঙ্গল্। My beloved brother (মাই বিলভেড্ ব্রাদার)
বাইকো ছোড়্ ডেও—হামি মিনটি করিটেছে !

গুরগীন । হাঁ—হাঁ, ডিটেছে—ডিটেছে—[কিয়দূর লইয়া গিয়া তাহার বক্ষে ছুরিকাঘাত করিল, পিঙ্গস্ মৃত্যু-যন্ত্রণায় আর্তনাদ করিয়া উঠিল । গুরগীন তাহাকে সজোরে ঠেলিয়া দিল, সে কিয়দূর গিয়া ভূপতিত হইল । সঙ্গে সঙ্গে হেষ্টিংস নেপথ্য হইতে গুরগীন খাঁকে শুলি করিল । গুরগীন একটা আর্তনাদের সঙ্গে দূরে ছিটকাইয়া পড়িল । পিঙ্গস ও গুরগীন উভয়েই পঞ্চত্ব প্রাপ্ত হইল । নেপথ্যে পুনঃ পুনঃ “হিপ্ হিপ্ হুররে” বলিয়া ইংরাজ-সেনাগণ উল্লাস-ধ্বনি করিতে লাগিল ।]

রক্তাক্তদেহে হেষ্টিংস সাহেব ছুটিয়া আসিল

মণি । একি মূর্তি তোমার সাহেব ?

হেষ্টিংস । ও কুছ নেই বেগম সাব্, জয়ের আনন্ডে সব্ ঠিক হো যায়েগা ! হামি লোক কিন্না ডখল করিয়াছে ।

মীরজাফর । আর মীরকাসিমের সেনাদল ?

হেষ্টিংস । বহুট মরিয়াছে, ঠোরা বহুট ভাগিয়াছে ।

তরবারির উপর ভর দিয়া আহত নাজামউদ্দৌলা

ধীরে ধীরে কম্পিত কলেবরে আসিয়া

উপস্থিত হইল

মণি । [নাজামউদ্দৌলার নিকট ছুটিয়া গেল এবং আকুলকণ্ঠে কহিল] নাজাম—নাজামউদ্দৌলা—পুল আগার—

[মণিবেগম নাজামউদ্দৌলাকে সাগ্রহে বুকে টানিয়া লইতে

গেল কিন্তু নাজামউদ্দৌলা কয়েকপদ দূরে সরিয়া গিয়া

দৃষ্টকণ্ঠে কহিল]

নাজামউদ্দৌলা। সরে যা—স'রে যা সয়তানি, আমায় স্পর্শ করিস্ নি। তোর মত রাক্ষসী মায়ের স্পর্শে আমার যন্ত্রণা সহস্রগুণ বেড়ে যাবে। মরণের তীরে এসে দাঁড়িয়েছি, যারা দেশদ্রোহী, বাঙ্গলার শত্রু, তেমন পিতামাতার স্নেহ-আবেষ্টনীর মধ্যে থেকে মৃত্যুকে বরণ ক'রে বেহেশ্তের পথ রুদ্ধ করতে পারবো না। মরতে হয়, মরবো—কোথায় জানো? মরবো বাঙ্গলা মায়ের হতভাগ্য সন্তান—মহাপ্রাণ দেশপূজ্য মহানুভব নবাব মীরকাসিমের পায়ে তলায়—

[কম্পিত কন্ঠেবরে টলিতে টলিতে প্রশ্নান।

মণি। নাজামউদ্দৌলা! পুত্র আমার! ফিরে আয়—ফিরে আয়—

[বেগে প্রশ্নান।

মীরজাফর। কোথা যাও মণিবেগম, তুমি ফিরে এনো। নাজামউদ্দৌলা যে বাঙ্গলা মায়ের প্রিয় সন্তান—আমাদের নাগালের বাইরে—

[বেগে প্রশ্নান।

হেষ্টিংস। What's that! (হোয়াট্‌স্‌ ডাট্‌) wonderful!
(ওয়ান্ডারফুল !) No matter we should see our own way.
(নো ম্যাটার উই স্‌ ড্‌ নি আউয়ার ওন ওয়ে)

[প্রশ্নান।

—

চতুর্থ অঙ্ক

প্রথম দৃশ্য

রায়হুলভের গৃহ-সম্মুখ

দয়াল আসিয়া দাঁড়াইল

দয়াল। ঘর আর বার—এই করুছি দিনের পর দিন। প্রভুর ফেরবার নামটী নেই। কি যে হ'লো কিছুই তো বোঝা যাচ্ছে না। আমি বেটা মুখ্য-স্বখ্য লোক, এত ঝঙ্কি পোয়াই কেমন ক'রে? সলা-পরামর্শ যে করবো এমন লোকটী নেই। ছুরস্ত আকালের মাঝে প'ড়ে সকলকার অবস্থাই এখন 'চাচা আপন বাঁচা!' নিজের ঘর সংসার সাম্লামবে না আমায় দেবে সলা-পরামর্শ? গিন্নী-মা তো কাছাবাচ্ছা নিয়ে বাপের ঘর গেলেন! মর্ বেটা দয়াল তুই ফাঁপড়ে প'ড়ে!

অন্ধ ভিক্ষুকের হাত ধরিয়া গাহিতে গাহিতে

ভিক্ষুক-বালিকার প্রবেশ

বালিকা।—

গীত

সোনার বাংলা লক্ষ্মী মাকে কান্দাল করিল কে ।
তাঁর সোনার ঝাঁপিটী শূন্য ক'রে কে লুটে নিয়েছে ॥
আজ কেন মার নয়নে ধারা,
কান্দালিনী সবে যেন সর্বহারী,

পাগলিনী পারা ব্যাকুল নয়নে,

কার আশা পথ চেয়ে রয়েছে ॥

এত ছেলে মেয়ে মার কোল জোড়া,

মার ডাকে কেউ দেয় নাকো সাড়া,

সবই কুসন্তান হায় অভাগিনী

মাকে ভুলে কেমন রয়েছে ॥

দয়াল। বলি, তোমরাই বুঝি মায়ের স্মসন্তান? তা বাবা স্মসন্তানের দল, এখানে কি মনে ক'রে বাবা?

বালিকা। বাবা, আমরা আজ ক'দিন থেকে কিছু খাই নি, পেটের জ্বালায় মাঠের ঘাস খেয়েছি, দয়া ক'রে আমাদের কিছু খেতে দাও বাবা!

দয়াল। মায়ের স্মসন্তান মায়ের দেওয়া ঘাস খাচ্ছে খাও গে, আমাকে আবার জ্বালাতন করতে কেন এলে সোনার চাঁদ! যাও, আন্তে আন্তে পাতলা হও।

ভিক্ষুক। দয়া কর বাবা, একজনকে আধপেটা খেতে দাও; আমি কিছু চাই নে. এই কচি মেয়েটাকে বাঁচাও—

দয়াল। বলি, দয়া অমনি করলেই হ'লো?

ভিক্ষুক। কেন বাবা, কেন দয়া করবে না?

দয়াল। বলি, আমি কি বাড়ীর মালিক যে যা খুসী তাই করবো?

ভিক্ষুক। তুমি তবে কে বাবা?

দয়াল। সে খবরে তোমার দরকার কি বাবা? স'রে পড় না বাপ, বাপের স্মপুত্র হ'য়ে।

বালিকা। তুমি যেই হও, বাড়ীর মালিককে ব'লে আমাদের কিছু খেতে দাও।

দয়াল। মালিক এখানে নেই।

বালিকা। তবে তো তুমিই মালিক, তুমি খেতে দাও।

দয়াল। মাইরি! দেখ, ভালয় ভালয় স'রে পড়, নইলে নাদনা বার করবো কিন্তু—

বালিকা। বার কর তোমার নাদনা, না খেয়ে মরতুম, না হয় তোমার নাদনা খেয়েই মরবো।

দয়াল। ভাল নেই-আঁকড়ে মেয়ে দেখছি তো! আ-মর বসে যে! বলি, ভেবেছ কি তোমরা? বার করবো নাদনা?

বালিকা। বার কর তোমার নাদনা—আমরা না খেয়ে উঠবো না।

বক্রেস্বর ও জোনাকীর প্রবেশ। জোনাকীর মাথায়

একটা কাপড়ের পুঁটলী, হাতে একগাছা সমার্দজনী

এবং বক্রেস্বরের হাতে ভাঙ্গা ছাতা

চটিজুতা, পাখা ও লঠন।

বক্রেস্বর। এই যে দয়ালচন্দ্র!

[দয়াল সমার্দজনীহস্তে জোনাকীকে দেখিয়া আতকে

ভিক্ষুক-বালিকার পশ্চাতে গিয়া লুকাইল।]

দয়াল। ওরে বাবা রে, আবার সেই ঝাড়ুহস্তে রণরঙ্গিনী!

বালিকা। আমার পেছনে লুকোচ্ছে কেন?

দয়াল। ওরে, একটু আড়াল কর আমার—ব'লে দে আমি ঝাড়ুতে নেই—তোদের পেট ভ'রে খাওয়াবো।

বালিকা। উনি বলছেন, উনি ঝাড়ুতে নেই—

দয়াল। আ-মর! 'আবার উনি বলছে', কি বলছেন!

বক্রেস্বর। দয়ালচন্দ্র, আত্মগোপন করছো কেন?

দয়াল । মাধে কি কর্ছি, ঠালায় ! আমার পিঠ তো গণ্ডারের চামড়া দিয়ে তৈরী নয় বাবা, যে ঐ ঝাড়ুহস্তা রণরঙ্গিনীর সামনে দাঁড়াবো !

বক্রেখর । আঙ্গুগোপনের বৃথা চেষ্টা কর্ছো বন্ধু, আমার দৃষ্টির অন্তরালে যেতে পার্বে না ।

দয়াল । তাইতো এখন করি কি !

জোনাকী । বলি, মশায়—

দয়াল । এই সেরেছে !

জোনাকী । বলি, শুনতে পাচ্ছেন না ?

দয়াল । ওগো, তুমি ব'লে দাও যে, তোমার শ্রীহস্তের ঝাড়ু খেয়ে আমি কালা হ'য়ে গেছি ।

বালিকা । উনি বলছেন, তোমার শ্রীহস্তের ঝাড়ু খেয়ে ইনি কালা হ'য়ে গেছেন !

জোনাকী । এঁ্যা, বল কি গো ! আমি শুনেছি, যাতে যার উৎপত্তি, তাতেই তার নিবৃত্তি । ঝাড়ু খেয়ে কালা হয়েছেন, আবার ঝাড়ু খেলেই সেরে যাবেন ।

দয়াল । না—না, আর খেতে হবে না, নাম শুনেই সেরে গেছে ।

বক্রেখর । অবধান কর দয়ালচন্দ্র !—

দয়াল । দেখ বালিকা, আমি তোমাদের পেট ভ'রে খেতে দেবো, তোমরা আমায় একটু আড়াল ক'রে বাড়ীর সদর পার ক'রে দিতে পারো ?

বালিকা । তা পারি,—পেট ভ'রে খেতে দেবে ?

দয়াল । এই চন্দ্রর সূচিয়া সাক্ষী ক'রে দিকি ক'ছি—খেতে দোব—
দোব—দোব ।

বালিকা । তবে এসো আমাদের সঙ্গে ।

দয়াল । চল, বেশ আড়াল ক'রে নিয়ে চল ।

[ভিক্ষুক-বালিকার বস্ত্রাঞ্চল দ্বারা মস্তকের কিয়দংশ আচ্ছাদিত
করিয়া ভিক্ষুক ও ভিক্ষুক-বালিকার সঙ্গে দয়াল
গৃহ মধ্যে চলিয়া গেল ।]

বক্রেস্বর । দয়ালচন্দ্র ! বলি, ও দয়ালচন্দ্র ! শোন—শোন—

জোনাকী । আর শুনেছে ! দেখলি তো বাড়ীতে ঢুকে সদর
বন্ধ ক'রে দিলে ! এখন মরু দরজায় গোড়ায় মাথা খুঁড়ে—

বক্রেস্বর । আমি তো কিছুই বুঝতে পারছি না খদ্যোতিকা !

জোনাকী । আমি বোধ হয় একটু একটু পাচ্ছি ।

বক্রেস্বর । কি বুঝছে ?

জোনাকী । বুঝছি, এই খ্যাংরার ভয়ে ।

বক্রেস্বর । কেন জোনাকী, তোমার সম্রাজ্ঞিনীর ভয়ে ভীত হবে
আমি, দয়ালচন্দ্র নয় ।

জোনাকী । স্বাদ পেয়েছে যে !

বক্রেস্বর । কে স্বাদ পেয়েছে ?

জোনাকী । কেন, উনি ?

বক্রেস্বর । উনিও পেয়েছেন ? তবে আর হ'লো না, হা হতোহ্মি !

[বসিয়া পড়িল ।]

জোনাকী । ব'সে পড়লি যে ?

বক্রেস্বর । আশার মূলে হ'লো কুঠারাঘাত—আর ধৈর্যের বাধ
গেল ভেঙ্গে । শাক-সম্রাজ্ঞী কলসীর শক্তি আর কতটুকু খদ্যোতিকা ?
এইবার হয়তো শয়নে পদনাভ করিতে হবে ।

জোনাকী । বলি পদনাভ না খ্যাংরানাভ ?

দ্বিতীয় দৃশ্য]

বেইমানের দেশ

বক্রেস্বর । মা চটো খদ্যোতিকা, মা চটো । আমি তো আমি, ম'রে গেলেও আমার প্রেতাত্মা তোমার ইঙ্গিতে উঠ-বোস্ করবে । এখন চল, আবার দু'জনে পথে বেরিয়ে পড়ি—

জোনাকী । হতচ্ছাড়াকে অমনি অমনি ছেড়ে দিয়ে যাবো ?

বক্রেস্বর । রেহাই দাও—দেখ্ছো না, ঐ খ্যাংরাই আমাদের ঘর ছাড়া করেছে ?

জোনাকী । যাক্, যদি কখনো ঘরবাসী হই তো ঐ খ্যাংরা হ'তেই হবো—

[উভয়ের প্রস্থান ।

দ্বিতীয় দৃশ্য

মুজের-দুর্গ--মন্ত্রণা-কক্ষ

মীরকাসিম একাকী চিন্তিতভাবে পাদচারণ করিতেছিলেন

মীরকাসিম । দুঃস্বপ্ন—চিরদিনই দুঃস্বপ্ন ! দুঃস্বপ্ন চিন্তাক্লিষ্ট মনের বিকার মাত্র । দুঃস্বপ্নে ভীত হয় নারী, পুরুষের পক্ষে সেটা কাপুরুষতা ! ফতেমা নারী, তাই দুঃস্বপ্ন দেখে আতঙ্কে শিউরে উঠে আমার কাছে ছুটে এসেছিল । কত বোঝালুম, কত নাঙ্কনা দিলুম, কিছুতেই সে বুঝলো না । যুদ্ধে জয় পরাজয় আছেই । বিশেষতঃ সিরাজের শোচনীয় পরিণাম দেখে আমি জয়ের আশা কোনদিনই করি নি । কারণ, আমারও আশেপাশে মীরজাফরের দল । তবে সিরাজের মজ

বেই মানের দেশ

[চতুর্থ অঙ্ক

ভুল করেছি বলে মনে হয় না—তবুও কি জয়াশা নেই? কে জানে!
নসীবের লেখা মানুষের অবোধ্য!

গাহিতে গাহিতে বকাউল্লার প্রবেশ

বকাউল্লা।

গীত

কাঁদো, ওগো কাঁদো বাংলার নরনারী।

তোদের রাজরাণী ভিখারিণী হ'লো

তারও যে নয়নে বারি।।

কেড়ে নিয়ে তার সোনার মুকুট—

মণি-মুক্তাগুলি,

চীরবাস তারে দিল পরাইয়ে

হাতে দিল ভিক্ষা-ঝুলি,

এখন অন্ধকারে পথের ধারে

সে কাঁদবে দিবস শরীরী ॥

বকাউল্লা। মায়ের সন্তান! আর কেন, নবাবী পোষাক খুলে
ভূমিও ভিক্ষের ঝুলি নাও—

মীরকাসিম। তুমি কি বলছো বকাউল্লা?

বকাউল্লা। বলছি ঠিক! সত্য মিথ্যা যাচাই ক'রে নাও তোমার
প্রিয়সঙ্গী নজাফ খাঁর কাছে।

[প্রস্থান।

নজাফ খাঁর প্রবেশ

মীরকাসিম। এই যে নজাফ খাঁ, কি সংবাদ বন্ধু?

নজাফ । উদয়নালায় আমাদের পরাজয় হয়েছে জনাবালি !

মীরকাসিম । এইমাত্র ইঙ্গিতে একজন সে সংবাদ আমায় দিয়ে
গেল নজাফ খাঁ !

নজাফ । উদয়নালা থেকে মুঙ্গেরের মাটিতে পা দিয়েছি আমিই
প্রথম, আমার আগে আর কেউ আগুতে পারে, তা তো আমি ধারণা
করতে পারছি না জনাবালি !

মীরকাসিম । তা তুমি পারবে না বন্ধু, সে বেইমান নয়, তোমার
সেনাদলেরও কেউ নয় ।

নজাফ । তবে ?

মীরকাসিম । একটা উন্মাদ—মায়ের সম্ভান—দেশ-মাতৃকার অশ্রু
যার প্রাণ কাঁদে—এ সেই !

নজাফ । উন্মাদ !

মীরকাসিম । বকাউল্লা ।

নজাফ । বকাউল্লা—বকাউল্লা ! উদয়নালায় দুর্গ-সম্বিহিত পর্বতের
সামুদ্রশে আমি তাকে দেখেছি জাঁহাপনা !

মীরকাসিম । উল্কার মত বেগে ছুটে এসে তোমার আগেই সে
আমায় সংবাদ দিয়ে গেছে । তারও প্রাণ কেঁদেছিল কিনা, তাই বুঝি
সে একটুখানি সান্ত্বনার আশায় আমার কাছে ছুটে এসেছিল । এসে
বুঝি সে প্রবলপরাক্রান্ত বাংলা বিহার উড়িষ্যার নবাব মীরকাসিমকে
দেখতে পেলেন না, দেখলে তার একটা জীর্ণ কঙ্কাল ! তাই বুঝি হতাশ
হ’য়ে ফিরে গেল ! কি ব’লে গেল জানো ?

নজাফ । আমি তা কেমন ক’রে জানবো জাঁহাপনা ?

মীরকাসিম । ব’লে গেল রাজ্যেশ্বরী বঙ্গজননী যখন ভিখারিণী
হ’য়ে ভিক্ষের ঝুলি হাতে নিয়েছেন, তখন মায়ের সম্ভান তুমি মীর-

কাসিম, এখনো নবাবী খোলন প'রে রয়েছ কেন? নাও—তুমিও ভিক্ষের ঝুলি নাও।

নজাফ। ঠিকই বলেছে জনাব, ভিক্ষের ঝুলি আপনাকে নিতেই হবে।

মীরকাসিম। তুমি কি বলছো নজাফ খাঁ?

নজাফ। আমি তেমন ভিক্ষের ঝুলি নেবার কথা বলি নি জনাব, উম্মাদ বকাউল্লাও তা বলে নি!

মীরকাসিম। তবে?

নজাফ। ভিক্ষা করার অর্থ—পরের দ্বারস্থ হওয়া। বাঙ্গলার স্বাধীনতা পুনরুদ্ধার করতে পরের দ্বারস্থ হওয়া ছাড়া আপনার আর গত্যস্তর নেই জনাবালি! অযোধ্যার নবাব স্জাউদ্দৌলা আপনার আত্মীয়—আপনার বন্ধু, আপনি তাঁর শরণাপন্ন হ'য়ে তাঁর সাহায্যে বাঙ্গলার লুপ্ত স্বাধীনতার পুনরুদ্ধার করুন। যে সব বেইমান মীর-জাফরের দল আজ আপনার এতখানি সর্বনাশ করলে—দেশের সর্বনাশ করলে—স্বজাতির সর্বনাশ করলে, তাদের বেইমানীর প্রতিশোধ গ্রহণ করুন।

মীরকাসিম। হ্যাঁ—হ্যাঁ, ঠিক বলেছ, প্রতিশোধ—প্রতিশোধ—প্রতিশোধ! ভিক্ষার ঝুলি হাতে নেবার আগেই নিতে হবে বেইমানীর প্রতিশোধ! কে আছিস? রাজা রাজবল্লভের ছিন্নমুণ্ড, রাসুলভের রক্তমাখা কবন্ধ আর জগৎশেঠের উত্তপ্ত হৃৎপিণ্ড—এইগুলি হবে আমার শুভযাত্রার পাথর। না—না, এ কাজ সামান্য একটা রক্ষীর দ্বারা হবে না। নজাফ খাঁ! তুমি যাও, না—দাঁড়াও, তুমি পারবে না—আমি নিজেই যাচ্ছি। আমার শুভযাত্রার পাথর আমি নিজেই সংগ্রহ করে আনবো—হাঃ-হাঃ-হাঃ—

[বেগে প্রস্থান।]

নজাফ । জাঁহাপনা—জাঁহাপনা—

ফতেমার প্রবেশ

ফতেমা । উন্নতের মত নবাব কোথায় গেলেন নজাফ খাঁ ?

নজাফ । বল্‌বার যে ভাষা যোগাচ্ছে না মা ! বেইমানদের
কোতল করতে—

ফতেমা । সে কি ? [নেপথ্যে রায়হুলভ প্রভৃতির আর্তনাদ]
ও কি ! কাদের ও আর্তনাদ ?

নেপথ্যে মীরকাসিম । কোতল কর—কোতল কর—বেইমানদের
কোতল কর ।

ফতেমা । এ যে নবাবেরই কণ্ঠস্বর !

নজাফ । এ কাজ করছেন যে নবাব নিজেই ।

তিনটি রক্তাক্ত মুণ্ড লইয়া রক্তমাখা অসিহস্তে

মীরকাসিমের প্রবেশ

মীরকাসিম । শুভযাত্রার পাথেয় সংগ্রহ করেছি নজাফ খাঁ !
চল, এইবার শুভযাত্রা করি । এ কি ! ফতেমা, তুমি ! আমাদের শুভ-
যাত্রায় বাধা দিতে এসেছ বুঝি ? আজ আর কোন বাধা মান্‌বো
না বেগম ! পাথেয় যখন সংগ্রহ হয়েছে, তখন আমাদের যেতেই হবে ।

ফতেমা । আমি কোথায় থাক্‌বো ? আমিও তোমার সঙ্গে যাবো ।

মীরকাসিম । তোমার পিতা মীরজাফর এখন নবাব—বাংলার
দণ্ডমুণ্ডের কর্তা । কত্না তুমি, পরমানন্দে পিত্রালয়েই থাকতে পার্‌বে ।

ফতেমা । আমায় কি তুমি জানো না ? তুমি কি জানো না
আমার পিতা ইহলোকে নেই ? যার কথা বল্‌ছো, সে একটা বারাননার

ইদ্রিতে পরিচালিত বুদ্ধ সয়তান । মীরজাফর যেমন দেশের শত্রু,
তেমনি আমারও শত্রু । তুমি কি আমার শত্রুপূরীতে পাঠাতে চাও ?

মীরকাসিম । তাহ'লে তুমিও আমার সঙ্গে চল । মরি বাঁচি
একসঙ্গে থাকাই ভাল । এনো নজাফ খাঁ ! ই্যা—ভাল কথা, বেইমানদের
এই ছিন্নমুণ্ডগুলো দুর্গের ফটকে টাঙিয়ে রেখে দাও । দেশের
বেইমানের দল জেনে রাখুক, মীরকাসিম যদি ফেরে, একদিন তাদেরও
পরিণাম হবে ঠিক এদেরই মত ।

[প্রস্থান ; সকলের পশ্চাদমুসরণ ।

তৃতীয় দৃশ্য

নন্দকুমারের গৃহ-সম্মুখ

গাহিতে গাহিতে দুর্ভিক্ষ-পীড়িত নরনারী ও
বালক-বালিকাগণের প্রবেশ ।

গীত

সকলে ।— ভিক্ষা দাও—অন্ন দাও, ক্ষুধায় জ্বলে প্রাণ ।

অনাহারে মরণ-পথে আমরা আগুয়ান ॥

পুরুষগণ ।— গাছের পাতা ফুরিয়ে গেছে, আছে নদীর জল,

পথ চলিতে পা চলে না দেহ মন বিকল,

পথের ধারে মহাঘুমে

হয় যে জ্বালায় অবসান ॥

রমণীগণ ।— আলায় স্বামী গৃহত্যাগী,
সর্বহারা এ অভাগী,
যমকে ডাকি তাই আদরে

করতে মোদের ত্রাণ ॥

বালক-বালিকাগণ ।—মা খেয়েছি বাপ খেয়েছি,

তবু আমরা বেঁচে আছি,

এমন বাঁচা চাই নে কো আর

এ বাঁচা মরণের সমান ॥

চন্দনের প্রবেশ

চন্দন । এসো তোমরা আমাদের বাড়ীতে, ঠাকুরবাড়ীর অন্নসত্রে
ঠাকুরের প্রসাদ পাবে । [গমনোচ্ছত]

নন্দকুমারের প্রবেশ

চন্দন । এই যে বাবা ! বাবা ! তোমার অহুমতি না নিয়েই এই
ছুভিক্ষ-পীড়িত হতভাগ্যদের আমাদের ঠাকুরবাড়ীর অন্নসত্রে যেতে
বলেছি ।

নন্দকুমার । আমি তো সে অহুমতি তোমায় দিয়ে রেখেছি বাবা !

চন্দন । এসো তোমরা—

[ভিক্ষুকগণকে লইয়া প্রস্থান ।

নন্দকুমার । আমার ঐ ক্ষুদ্র অন্নসত্রে পরমায়ু আর কতদিন !
বাল্লার দেওয়ান সুবা রেজা খাঁ লক্ষ লক্ষ মণ চাল মজুত ক'রে
রেখেছে—কালী বাজারে চড়া দরে ছেড়ে মোটামুটি কিছু মুনাফা

করবার আশায়। এই অন্ডায় আচরণের জন্য হেষ্টিংস সাহেবের দৃষ্টি আকর্ষণ করেছিলাম, কিন্তু কোন ফল হ'লো না। সে অতি সহজেই রেহাই পেয়ে গেল। এখন মোটা মুনাফার তার অবাধ কারবার! যেখানে রক্ষক নিজেই ভক্ষক, সেখানে হতভাগ্য প্রজাদের রক্ষার আর কোন উপায় নেই।

গাহিতে গাহিতে বকাউল্লার প্রবেশ

বকাউল্লা।

গীত

এখন ডাইনে বাঁয়ে যেদিকে চাও,
সব উপায়ের বার।

সিন্ধীরাজার শেয়াল মন্ত্রী
দৌহে দৌহাকার ॥

একটা ছিল মায়ের ছেলে,
যত ডাইনী মিলে তারে খেলে,
এখন মায়ের পায়ে পরিয়ে শেকল
হ'লো লুঠের মামলা চারিধার ॥

নন্দকুমার। কি বল্ছো বকাউল্লা?

বকাউল্লা। বল্ছি, ওদিকও গেল—এদিকও যায়। উদয়নালায় একজনের নসীবের পরীক্ষা শেষ হ'য়ে গেল, এদিকে বাংলা মায়েরও কপাল পুড়লো!

নন্দকুমার। উদয়নালায় নবাবের পরাজয় হয়েছে?

বকাউল্লা। তা হ'লো বৈকি! পলাশীতে সিরাজের বরাতে যা হ'য়েছিল, উদয়নালায় মীরকাসিমের বরাতেও ঠিক তাই হ'লো! তুমি

ঠাকুর দিনরাত ঠাকুরপূজা আর অন্নসত্র নিয়ে থাকবে, মায়ের ছেলে মায়ের খবর নেবার তো অবসর হবে না ! এ হৃদৃষ্টে বাংলার — তোমারও নয়, আমারও নয় ।

[প্রশ্নান ।

নন্দকুমার । সত্যিই তো, এ আমি করছি কি ? কলিতে ঠাকুর-পূজার অর্থ জনসেবা—দেশমাতৃকার সেবা ; আর সেইটেই আসল ধর্ম ! আমি সে ধর্মে অবহেলা ক'রে মাটির পুতুল পূজা ক'রে পরকালের কাজ করছি ইহকালকে নষ্ট ক'রে ! ধিক্ আমাকে ! ঐ যেন একটা অশরীরী বাণী আমার কানে কানে বলছে “নন্দকুমার, জেগে ওঠো এইবার কর্তব্যের আহ্বানে, বাংলা মায়ের পরাধীনতার শৃঙ্খল খুলতে পার যদি, প্রাণ উৎসর্গ কর ।” হে অজ্ঞাত দেবতা, আমার কৃত-অপরাধ মার্জনা কর । আমি তোমার কথাই শুনবো— দেশমাতৃকার পরাধীনতার শৃঙ্খল উন্মোচন করতে আমি প্রাণ উৎসর্গ করবো । নবাবী মসনদ পেলে মীরজাফর আমাকে দেওয়ানী দিতে প্রতিশ্রুত, আমি দেওয়ানী পদ গ্রহণ করবো, তারপর কাঁটা দিয়ে তুলবো কাঁটা । বাংলার মীরজাফরের দল, সাবধান !

[দ্রুত প্রশ্নান ।

চতুর্থ দৃশ্য

অযোধ্যা—নবাব সুজাউদ্দৌলার প্রমোদ-কক্ষ

সুজাউদ্দৌলা ও ইয়ারগণ প্রবেশ করিলেন

১ম ইয়ার। এই বান্দা—কে আছিষ্ ওখানে? সুরা আর নাচনেওয়ালী—

সুজাউদ্দৌলা। সে কি দোস্ত, এখনই—অপরাহ্নে?

১ম ইয়ার। অহু তো মাত্র তিনটে—পূর্বাহ্ন কেটে গেছে বহ্নক্ষণ, তারপর মধ্যাহ্নও কাটলো—বাকী রইলো অপরাহ্ন, এটাও যদি কেটে যায়, তাহ'লে ফুরতি আর হবে কখন জনাবালি?

২য় ইয়ার। ঠিক—খুব ঠিক, ফুরতির সময় আর রইলো না।

পানপাত্রাদি লইয়া বান্দা ও নর্তকীগণ প্রবেশ করিল

পানপাত্রাদি রাখিয়া বান্দা চলিয়া গেল

১ম ইয়ার। এই যে, এসো—এসো, এতক্ষণে আসিরাটা জীবন্ত হ'লো! নাও, তোমরা তোমাদের কাজ কর, আমরাও আমাদের কাজ করি—

[নবাব সুজাউদ্দৌলা ও ইয়ারগণ মগপানে প্রবৃত্ত হইলেন,

নর্তকীগণ নৃত্যগীত আরম্ভ করিল।]

নর্তকীগণ।—

গীত

যৌবনের গুল-বাগিচার ফুটেছে হাসনোহানা।

অরসিক হয় যে ভ্রমর তার হেথা আস্তে মানা ॥

দূর হ'তে দেখবে শুধু,
কাছে যাবে না বঁধু,
মন ভাঙ্গানো গুন্‌গুনানী চায় না মিছে আনাগোনা ॥

[প্রস্থান ।

একটি খালায় পাঞ্জা লইয়া রক্ষীর প্রবেশ

[রক্ষী সূজাউদ্দৌলার সম্মুখে নতজামু হইলে সূজাউদ্দৌলা
পাঞ্জা তুলিয়া লইলেন ।]

সূজাউদ্দৌলা । ফুরতির সময় যত বাধা বিপত্তি ! একটু নিশ্চিন্ত
হ'য়ে যে আমোদ করবো, তার ঘো-টী নেই ।

১ম ইয়ার । কার পাঞ্জা জনাবালি ?

সূজাউদ্দৌলা । এক কম্বুক্তের ।

১ম ইয়ার । কে সে কম্বুক্ত, ছজুরালি ?

সূজাউদ্দৌলা । এককালে ছিলেন অবিশি বাংলার বিহার উড়িষ্কার
নবাব, সম্প্রতি ইংরেজ-কোম্পানী মনদ কেড়ে নিয়ে মীর মহম্মদ
জাফর আলি খাঁকে দিয়েছে ।

১ম ইয়ার । তা জনাবের কাছে প্রয়োজন ?

সূজাউদ্দৌলা । কিছু মতলব আছে বৈকি । ছনিয়ায় মতলব না
ক'রে কে কার কাছে যায় ?

১ম ইয়ার । জনাবের কি অনুমান হয় ?

সূজাউদ্দৌলা । আমি ও সব অনুমানের ধার ধারি নে ।

২য় ইয়ার । তা তো বটেই, জাঁহাপনা আবার অনুমান করবেন
কি ? অনুমান করবো আমরা ।

১ম ইয়ার। হুকুম হয়তো কম্বন্ধকে অর্ধচন্দ্র দিয়ে আমি—
সুজাউদৌলা। সে একজন মাননীয় ব্যক্তি, তোমরা তাকে কম্বন্ধ
বলতে পারো না।

২য় ইয়ার। ঠিকই তো, কিছুতেই পারো না। বরং আমি বলতে
পারি তুমি কম্বন্ধ—

১ম ইয়ার। তাহ'লে রক্ষীর প্রতি কি আদেশ হয় জনাব ?

সুজাউদৌলা। আদেশ দেবার মালিক আমি, ইচ্ছে হয় দেবো,
ইচ্ছে না হয় দেবো না ; তাতে তোমার কি বলবার থাকতে পারে হে ?

২য় ইয়ার। ঠিকই তো ! তুমি কোথাকার বকাউল্লা, বকতে শুরু
করলে হে ?

সুজাউদৌলা। মনে কর, আমি আদেশ দেবো—

১য় ইয়ার। ঠিকই তো, হুজুরালী আদেশ দেবেন।

সুজাউদৌলা। যদি না দিই ?

২য় ইয়ার। ঠিকই তো, হুজুরালী যদি না দেন !

সুজাউদৌলা। আমার সোজা কথা, এর ভেতর “যদি” নেই।

২য় ইয়ার। ঠিকই তো, এর ভেতর “যদি” নেই।

সুজাউদৌলা। তবে আমার যদি ইচ্ছা হয়, আমি রাখতে পারি।

২য় ইয়ার। ঠিকই তো, রাখতে পারেন, তাতে কারো কিছু
বলবার নেই।

১ম ইয়ার। জনাব, রক্ষী আদেশের প্রতীক্ষা করছে।

সুজাউদৌলা। প্রতীক্ষা করাই রক্ষীর কর্তব্য।

২য় ইয়ার। ঠিকই তো, প্রতীক্ষা করতেই হবে।

সুজাউদৌলা। দেখ, ফুরতির সময় তোমরা বাকবিতণ্ডা করে
আমার মনটা তিক্ত করে তুলেছো !

২য় ইয়ার। ঠিকই তো! মিষ্টি কর, চিনি দিয়ে—মধু দিয়ে—
গুড় দিয়ে, না হয় সরাব দিয়ে। [সুজাউদদৌলাকে পানপাত্র দিল।]

সুজাউদদৌলা। এতক্ষণে একটা কাজের মত কাজ হ'লো।

২য় ইয়ার। ঠিকই তো! কাজটা হরদম চালাবো জনাবালি—
[পুনঃ পুনঃ পানপাত্র দিতে লাগিল।]

নেপথ্যে মীরকাসিম। পথ ছাড়্ কম্বুক্ত, নবাব সুজাউদদৌলা
আমার আত্মীয়—আমার বন্ধু, তার প্রমোদ-কক্ষে আমার প্রবেশাধিকার
চিরদিনই অপ্রতিহত।

সুজাউদদৌলা চেলাচ্ছে কে?

মীরকাসিমের প্রবেশ

মীরকাসিম। সুজাউদদৌলার রক্ষিবর্গের অভদ্র ব্যবহারই আমার
চিন্তাতে বাধ্য করেছে। সুজাউদদৌলা! বন্ধু—

সুজাউদদৌলা। কে বাবা তুমি, ধূমকেতুর মত হঠাৎ এসে উদয়
হ'লে?

মীরকাসিম। আমার চিন্তে পার্ছো না বন্ধু?

সুজাউদদৌলা। [সুরে] তোমায় চিনি গো—চিনি গো চিনি, ওগো
বিদেশিনি!

মীরকাসিম। সুজাউদদৌলা, আমি ভাবতে পারি নি যে, ছুমি
এমন হয়েছ!

সুজাউদদৌলা। কি হয়েছি বন্ধু? এসেছ যখন ব'সো, সরাব
খাও—

মীরকাসিম। অপদার্থ! আমি মুসলমান, সরাব স্পর্শ করি না।

সুজাউদদৌলা। আমরাও তাই বন্ধু, কাফের নই। আর সরাব?

পাতাটা ধ'রে টুক ক'রে গলায় ঢেলে দি, স্পর্শ মোটেই করি নি। যাক্, এখন বল তো বন্ধু, কি মনে ক'রে এসেছ ?

মীরকাসিম। মনে অনেক আশাই ছিল বন্ধু, কিন্তু তোমাতে যে তুমি নাই, তা তো আমি ভাবতে পারি নি—আজ আমার শেষ আশা-টুকু আকাশ-কুসুমের মত শূণ্ণে মিলিয়ে গেল ! তাহ'লে আসি বন্ধু, বিদায়—

[মীরকাসিম গমনোচ্ছোগ করিলে একজন ইয়ার সূজাউদ্দৌলার

কানে কানে কয়েকটা কথা বলিল,—সূজাউদ্দৌলা নশ্বতি

সূচক ঘাড় নাড়িলেন। ইয়ারটা মীরকাসিম বাহির

হইবার পূর্বেই বাহির হইয়া গেল।]

সূজাউদ্দৌলা। তাহ'লে একান্তই যাবে ?

মীরকাসিম। এস্থান আমার থাকবার উপযুক্ত নয় !

সূজাউদ্দৌলা। বটে ! সূজাউদ্দৌলার গরীবখানায় মন উঠছে না ? বেশ, তবে দেখে যাও নাচনেওয়ালীর একখানা নাচ, শুনে যাও একখানা গান।

মীরকাসিম। আমার মার্জনা কর বন্ধু—

সূজাউদ্দৌলা। তবে জাহান্নমে যাও—

মীরকাসিম। এমন সংসর্গ চেয়ে জাহান্নমও বোধ হয় ঢের ভাল।

[প্রস্থান।

সূজাউদ্দৌলা। না, জম্বাট ফুর্তি একেবারে মাটি ক'রে দিলে ! চল বন্ধু, আর এখানে নয়, নাচনেওয়ালীদের নিয়ে বজরায় গিয়ে ওঠা যাক্ ; চাঁদিনী রাত—ফুর্ফুরে হাওয়া—ফুর্তি জমবে ভাল !

[সকলের প্রস্থান।

পঞ্চম দৃশ্য

মুরশিদাবাদ—রাজপথ

গাহিতে গাহিতে বকাউল্লা যাইতেছিল

বকাউল্লা ।

গীত

সুজলা সুফলা সোনার বাঙ্গলা গেল কোথায় রে ।

কার নিঃশ্বাসে আন্লে ডেকে দারুণ মন্বন্তরে ॥

পথ-ঘাট হ'লো জনশূন্য,

নেইকো বাজার নেইকো পণ্য,—

আকাশ বাতাস করছে খাঁ-খা, যেন শ্মশান রে ॥

নেইকো কান্না নেইকো হাসি,

নেইকো উৎসব কলহরাশি,

পথের ধারে শেয়াল শকুন মরা ছিড়ে খায় রে ॥

[প্রস্থান ।

তৈজসপত্রাদি লইয়া বক্রেশ্বর ও জোনাকীর প্রবেশ

জোনাকী । বলি হ্যাঁগা, এমনি ক'রে পথে পথে ঘুরতে হবে আর
কতদিন ?

বক্রেশ্বর । যত দিন না একটা হিলে হয় প্রাণেশ্বরি !

জোনাকী । তোর হিলে হবে কি চুলোয় ? পুকুরের জল খেয়ে
আর কত পথ চলা যায় বল্ তো ? আমার তো আর পা চলে না,
এইখানে আমি বস্লাম, তোর যা খুসী তাই কর !

বক্রেস্বর । আরও পা কতক এগিয়ে চল খণ্ডোতিকা, এ তো বিশ্রামের যোগ্য স্থান নয় প্রিয়তমে ! দুর্নীতিপরায়ণ নবাবী চরের দল চারিদিকে ঘুরে বেড়াচ্ছে—কি হ'তে কি হয় কে বলতে পারে !

জোনাকী । কেউ না বলতে পারে, আমি পারি রে মুখপোড়া ! বলি, হবে কি রে হতছাড়া ? দেখ্‌ছিস এই খ্যাংরাগাছটা ? তোর ঐ চরই আসুক, আর ছ্যাচোড়ই আসুক, এ খ্যাংরার কাছে কারও রক্ষা নেই ।

বক্রেস্বর । সেকথা একশোবার স্বীকার্য্য । বিষ্ণুর সূদর্শন, মহেশ্বরের ত্রিশূল, নৃসিংমালিনীর ধড়গ, বক্রণের পাশ, যমের দণ্ড, স্বর্গের তেত্রিশ কোটি দেবতার তেত্রিশ কোটি অস্ত্র যদি একত্রীভূত হ'য়ে তোমার সম্মুখীন হয় প্রাণেশ্বর, তথাপি তোমার দুর্জনদলন শতমুখীর কাছে তাদের পরাজয় স্বীকার করতেই হবে ।

জোনাকী । বল্‌ খ্যাংরাথেগো, তুইই বল্‌, তবে আমি এই পথের ধারে বসতে পারি কি না ?

বক্রেস্বর । পারো সূন্দরি, পারো ; একথা একবার দুইবার নয়, শতবার সহস্রবার স্বীকার্য্য ! ব'সো তুমি এখানে, গজগীর হ'য়ে ব'সো ; শুধু আমি কেন, আমার উর্দ্ধতন চতুর্দশ পুরুষের কেউ বাধা দেবে না ।

জোনাকী । তবে তুই ওকথা বল্‌লি কেন রে হতছাড়া ? ধরবো তবে খ্যাংরা ?

বক্রেস্বর । মার্ভৈঃ খণ্ডোতিকা, মার্ভৈঃ ! ভুলে যেও না, মুনিব্রহ্ম মতিভ্রমঃ !

জোনাকী । মুনিদের হয় মতিভ্রম, আর তোর হয়েছে মতিচ্ছন্ন !

বক্রেস্বর । একাধিকবার স্বীকার্য্য । ছন্নমতি না হ'লে কি আর

তোমার খর্পরে—ওঁবিষ্ণু, আবার ভুল হ'য়ে যাচ্ছে, বলবার ভাষা যোগাচ্ছে না !

জোনাকী । কি বল্‌লি, আমার জন্তে ? ওরে হারহাবাতে, তোর মত হারামের হাতে প'ড়েই তো আমার আজ এই হাড়ির হাল ! ওগো মা গো, কোথায় যাবো গো ! আমার যে মাথা খুঁড়ে মরতে ইচ্ছে হ'চ্ছে গো ! কেন তুমি আমার গলায় কলসী বেঁধে গলায় ফেলে দাও নি গো !

গাহিতে গাহিতে চন্দনের প্রবেশ ।

চন্দন ।

গীত

ঐ কাঁদে—ঐ কাঁদে মোদের ছুখিনী বাংলা মা ।

সস্তানের মুখ চেয়ে চেয়ে পলক পড়ে না ॥

রাক্ষস লুঠে নিয়েছে যে রে,

ভাণ্ডার তার শূন্য ক'রে,

তবুও ঈর্ষা-বিষের হাওয়ায় দিগন্ত ছাওয়া ॥

কেউ কারো মুখ দেখে না চেয়ে,

ধারা বয় মার ছ'চোখ বেয়ে,

মরণের পথে সস্তান ছোট্ট মার প্রাণে সহে না ॥

জোনাকী । দেখ—দেখ, হাড়হাবাতে ছোঁড়ার আক্কেল দেখ ! আমরা পেটের জালায় কেঁদে বেড়াচ্ছি, আর উনি দিব্যি ফুর্তি ক'রে গান-গেয়ে বেড়াচ্ছেন ! ধরবো নাকি খ্যাংরাগাছটা ?

বক্রেখর । স্থিরোভব—অয়ি খছোতিকে, স্থিরোভব ! তুমি রাগ ক'রো না বাবা ! পেটের জালায় রমণীর মস্তকবিকৃতি ঘটেছে । আমরা আজ ক'দিন থেকে অনাহারী—কিছু খেতে দেবে বাবা ?

চন্দন । এসো না আমার সঙ্গে, মহারাজ নন্দকুমারের অন্তসত্তে পেট ভরে খেতে পাবে ।

বক্রেখর । চল—চল—

জোনাকী । দেখলি মুখপোড়া, আমার খ্যাংরা হ'তেই একটা হিল্লো হ'লো !

বক্রেখর । তোমার হিল্লেকারিণী ভাগ্যবিধায়নী সম্মার্জনী দেবীকে কোটি কোটি নমস্কার !

চন্দন । তবে এসো—

বক্রেখর । চল—চল—

[সকলের প্রস্থান ।

ষষ্ঠ দৃশ্য

বনপথ

দ্রুতপদে মীরকাসিম ও ফতেমার প্রবেশ

মীরকাসিম । একটু পা চালিয়ে এসো ফতেমা । দস্যুহস্তে যথাসর্বস্ব হারিয়েছি, তাতে দুঃখ নেই ; তোমায় নিয়ে আগে বেঁচে পালিয়ে আসতে পেরেছি—এই যথেষ্ট !

ফতেমা । আমার কিন্তু সন্দেহ হয় জনাব—

মীরকাসিম । কিসের সন্দেহ ফতেমা ?

ফতেমা । আমার সন্দেহ হয়, আমরা দস্যুদল কর্তৃক আক্রান্ত হই নি ।

মীরকাসিম । তবে ?

ফতেমা । আমার মনে হয়, এটা পরস্বলোলুপ সূজাউদ্দৌলার হীন চক্রান্ত ।

মীরকাসিম । সূজাউদ্দৌলার ? কেন, সন্দেহের কোন কারণ আছে কি ?

ফতেমা । কারণ আছে জনাব, আমাদের অশ্বযান যখন সূজাউদ্দৌলার প্রাসাদ-সম্মুখে অপেক্ষা করছিল, তারই একজন অশ্বচর কয়েকজন লোকের সঙ্গে কি পরামর্শ করছিল ; সব কথা শুন্তে না পেলেও তাদের একজনের মুখ থেকে শুনেছি তোমার নাম,—এইটাই আমার সন্দেহের কারণ জাঁহাপনা !

মীরকাসিম । সূজাউদ্দৌলার কাছে আমি যে ব্যবহার পেয়েছি, তাতে তোমার সন্দেহ অমূলক ব'লে মনে হয় না । ওকি ফতেমা, তুমি অমন করছো কেন ? তুমি কি ক্লান্ত হয়েছ ?

[মীরকাসিম ফতেমার দিকে হাত বাড়াইবার পূর্বেই পশ্চাৎ

হইতে কতিপয় অস্ত্রধারী সৈনিকপুরুষ আসিয়া মীর-

কাসিমকে ধরিল এবং তাহার হাত ছ'খানা একটা

রজ্জু দ্বারা বাধিয়া ফেলিল ।]

১ম সৈনিক । [পিস্তল উত্তত করিয়া পরীক্ষকণ্ঠে কহিল] এখনও তোমাদের কাছে বহুমূল্য পরিচ্ছদ, সোনা-দানা—বাপের স্পুত্র হ'য়ে ওগুলিও খুলে দিতে হবে ।

মীরকাসিম । তা দিচ্ছি, কিন্তু আমার তো দ্বিতীয় পরিধের বস্ত্র নেই ভাই !

১ম সৈনিক । সোনা-দানাগুলো ?

মীরকাসিম । হাত বাধা—খুলে দিতে পারবো না, তোমরাই খুলে নাও । ফতেমা, তুমি তোমার অলঙ্কারগুলো খুলে দাও ।

[ফতেমা একে একে সমস্ত অলঙ্কার খুলিয়া দিল—একজন নৈনিক

মীরকাসিমের মুক্তাহার, শিরজাগ প্রভৃতি খুলিয়া লইল ।]

২য় নৈনিক । বড়ী খুবসুরৎ আওরাৎ দোস্ত !

মীরকাসিম । খবরদার ! ওকথা আর দ্বিতীয়বার মুখ দিয়ে উচ্চারণ ক'রো না ।

১ম নৈনিক । হাঃ-হাঃ-হাঃ ! স্পর্ধা বটে ! এখন আর তুমি নবাব নও দোস্ত যে, নবাবী চাল দেখাবে ! নির্ঝিষ ভুজঙ্গের মত শুধু আশ্ফালন করাই সার হবে । এমন খুবসুরৎ আওরাৎ কর্তার কাছে নজর দিলে প্রচুর ইনাম পাওয়া যাবে ।

মীরকাসিম । এতক্ষণে চিনেছি তোমাদের ! তোমাদের কর্তার সঙ্গে খুবই ঘনিষ্ঠ পরিচয় ছিল, কিন্তু স্বরূপ কোনদিন দেখি নি,—আজ তার আসল রূপ দেখতে পেলুম । স্ফাউদৌলা ! দোস্ত ! তুমি অধঃপতনের এত নীচে নেমে গিয়েছ ? ছিঃ-ছিঃ-ছিঃ ! বিশ্বাস কর ভাই, আমি তোমার প্রভুর বন্ধু—আমিও একদিন ছিলাম বাঙ্গলা বিহার উড়িষ্যার নবাব—আজ আমি দীনহীন পথের ভিক্ষুক—তোমাদের আর বেশী কিছু বলবার নেই—প্রভুর বন্ধু ব'লে না পারো, বাঙ্গলার নবাব ব'লে না পারো—দীনহীন কান্দাল ব'লে দয়া কর । আমার যথাসর্বস্ব কেড়ে নিয়েছ, নাও,—আমি এতটুকু দুঃখ করবো না—একটি বারের জন্তও অভিশাপ দেবো না—ভুল ক'রেও একটা দীর্ঘশ্বাস ফেলবো না,—তোমরা আমার ফতেমাকে কেড়ে নিও না । বাঙ্গলা বিহার উড়িষ্যার নবাব আজ তোমাদের কাছে নতজানু হ'য়ে তোমাদের দয়া ভিক্ষা করছে, তাকে দয়া কর—

১ম নৈনিক । নবাব বাহাদুর দয়া ভিক্ষে করছেন—হাঃ-হাঃ-হাঃ—
নে, আর দেবী করিস্ নি, নিয়ে চল—

[দ্বিতীয় সৈনিক ফতেমাকে ধরিতে গেল । মীরকাসিম পূর্বে
 হইতেই রজ্জু-বন্ধন খুলিবার চেষ্টা করিতেছিলেন, হঠাৎ
 বন্ধনটা শিথিল হইয়া যাওয়ার সৈনিক ফতেমাকে স্পর্শ
 করিতে অগ্রসর হইবার সঙ্গে সঙ্গে তিনি উহা খুলি যা
 ফেলিলেন এবং ক্ষিপ্রহস্তে সৈনিকের উত্ত পিস্তল
 কাড়িয়া লইয়া গুলি করিলেন । গুলি সৈনিককে
 না লাগিয়া ফতেমার বক্ষ বিদ্ধ করিল ।
 ফতেমা আর্তনাদ করিয়া ভূপতিত হইতে
 যাইতেছিল, নিমেষে মীরকাসিম
 তাহাকে ধরিয়া ফেলিলেন ;
 সৈনিকগণ ছুটিয়া পলাইল ।]

মীরকাসিম । বেশ হয়েছে—খাসা হয়েছে—সব ঝঞ্জাট চূকে গেছে !
 বেইমানের দেশে বেইমানীর তপ্ত হাওয়া আর তুমি সহিতে পাচ্ছিলে
 না ব'লেই আমি তোমায় মুক্তি দিয়েছি । ছুংখ ক'রো না ফতেমা,
 মাটির নীচে পবিত্র স্নিগ্ধতায় তুমি নিশ্চিন্ত হ'য়ে ঘুমোবে চল, আমি
 তোমায় নবাবী পরিচ্ছদের সুকোমল শয্যা পেতে দেবো । এসো—
 এসো প্রিয়তমে—

[ফতেমাকে লইয়া প্রস্থান ।

পঞ্চম অঙ্ক

প্রথম দৃশ্য

নদীতীরবর্তী কবরভূমি

[অর্কোম্বাদের ন্যায় মীরকাসিমের প্রবেশ ; তাঁহার রুক্ষ
কেশপাশ অবিন্যস্ত, পরিধানে ছিন্ন মলিন বেশ
দীনহীন ভিক্ষুকের মত । মীরকাসিম প্রবেশ-
পথ হইতেই আকুলকণ্ঠে ডাকিতেছিলেন
“ফতেমা—ফতেমা” ! সহসা তাঁহার কি
মনে হইল, তিনি অতি সন্তুর্পণে
নিঃশব্দপদসঞ্চারে ফতেমার
কবরের নিকট গেলেন ।]

মীরকাসিম । ভুল করেছি—ভুল করেছি ! চীৎকার ক’রে ডেকেছি,
তাই বড় ভয় হয়েছিল, হয়তো তার ঘুম ভেঙে যাবে । এমন নিশ্চিন্ত
হ’য়ে একটা দিনের জঞ্জল তো সে ঘুমাতে পারে নি ! বেইমানের দেশ—
বেইমানীর আবহাওয়ার মাঝে ঘুম হবে কেন ? হ’তে পারে না । যেখানে
গেছে, সেখানে বেইমানও নেই, বেইমানীর আবহাওয়াও নেই, তাই
তো সে নিশ্চিন্ত হ’য়ে ঘুমুচ্ছে ! আহা, ঘুমুক—ঘুমুক, তাকে আর বিরক্ত
করবো না ! কিন্তু আমি যে না ডেকে থাকতে পাচ্ছি নে—আমি যে
তাকে কতদিন দেখি নি ! সেও তো একটা যুহুর্ন্ত আমায় না দেখে থাকতে
পারতো না ? আমি তাকে জোর ক’রে ছুনিয়া থেকে সরিয়ে দিয়েছি—
তাকে আমি হত্যা করেছি—নিজের হৃৎপিণ্ড নিজের হাতে উপড়ে ফেলে

দিয়েছি । কি করেছি—কি করেছি ! ফতেমা—ফতেমা ! প্রিয়তমে !
নেই—নেই, ফতেমা আমার নেই—আমি যে তাকে স্বহস্তে গুলি ক'রে
মেরেছি ! মীরকাসিম, আর কি রইলো তোমার ? অর্থ গেল, মান গেল,
নবাবী গেল, দেশ গেল, শেষে ফতেমাও চ'লে গেল ! কেউ রইলো না
কিছু রইলো না—রইলে তুমি একা ! শত বৃশ্চিকের দংশন জ্বালা বুকে
নিরে লক্ষ্যহীন ধুমকেতুর মত তোমায় এই ছনিয়ার বুকের উপর ছুটে
বেড়াতে হবে—কতদিন ? কত যুগ ?

অদূরে নজাফ খাঁর প্রবেশ ।

নজাফ । নির্জন বনভূমিতে তাদের বিশ্রাম করতে ব'লে আহাৰ্য্য
সংগ্রহ করতে গেলুম, ফিরে এসে আর তাদের দেখতে পেলুম না ।
সেই দিন থেকে অক্লান্ত চেষ্টায় খুঁজে বেড়াচ্ছি তাদের ! কি হ'লো ?
কোথায় গেল তারা ?

মীরকাসিম । কে আসে ? আশুক—আর কিছুই নেই, এলেও
পাবে না—শুধু হাতে হতাশ হ'য়ে ফিরে যেতে হবে ! হাঃ—হাঃ—হাঃ !

নজাফ । কবরভূমিতে দানোর মত অটুহাসি হাসলে কে ?
একটা কবরের পাশে দাঁড়িয়ে অর্ধ উলঙ্গ—কে ও ? [অগ্রসর হইলেন ।]

মীরকাসিম । মিছে আস্ছে। কিছু নেই—কিছু নেই—হাঃ—হাঃ—
হাঃ—[অটুহাস্য]

নজাফ । মুখখানা যেন চেনা—চেনা—

মীরকাসিম । কি বললে ? চেনা মুখ ? চিন্তে পেরেছ ? এখনও
চেনা যায় ?

নজাফ । একি ! জাঁহাপনা ? এক অহোরাত্রে এমন অদ্ভুত
পরিবর্তন ! জাঁহাপনা !

মীরকাসিম। চূপ্ ও সম্ভাষণ মুখে এনো না। এখন তাহ'লে আবার সেই দস্যদল ছুটে আসবে। কিছু না পেলে রাগ ক'রে কবর খুঁড়ে আমার ফতেমাকে নিয়ে যাবে। তাদের ভয়েই তো আমি দিনরাত তাকে পাহাড়া দিচ্ছি !

নজ্রাফ। আমি তো আততায়ী নই জাঁহাপনা, আমি জনাবের গোলামের গোলাম নজ্রাফ খাঁ—

মীরকাসিম। কে, নজ্রাফ খাঁ ? এখন আমার কারো সঙ্গে দেখা করবার ফুরসৎ নেই। নালিন থাকে, আজ্জি পেশ কর—

নজ্রাফ। এখন আজ্জি পেশ করতে হ'লে খোদাতালার কাছেই পেশ করতে হবে। জাঁহাপনা। আমি নজ্রাফ খাঁ, এখনও আপনি আমায় চিন্তে পারলেন না ?

মীরকাসিম। নজ্রাফ খাঁ—র'সো, ভেবে দেখি ! না, চিন্তে তো পাচ্ছি নে। বেইমানদের দলের লোক হ'লে ঠিক চিন্তে পারতুম। তারাও আমায় চেনে, আমিও তাদের চিনি।

নজ্রাফ। না, চিন্তে পারলেন না। আমি কেন চিন্লাম ? না চিন্লে এ দশা চোখে দেখতে হ'তো না ! ওঃ, খোদা ! এই কি তোমার গায়বিচার ?

মীরকাসিম। শুন্ছো—শুন্ছো ? শোন, এসেছো যখন ছ'টো ফুল না পাও, নিদেন ছ'ফোটা অশ্রু আমার ফতেমাকে উপহার দিয়ে যাও। জানো, আমি নিজের হাতে তাকে হত্যা করেছি !

নজ্রাফ। [স্বগত] এইতো স্লযোগ ! দেখি, যদি কৌশলে কার্যসিদ্ধি হয় ! [প্রকাশ্যে] তুমি তো কৈ একটাও ফুল দাও নি ?

মীরকাসিম। কোথায় ফুল পাবো ? আমায় দেখলে ফুলের গাছ পর্যন্ত শুকিয়ে যার, ফুল তো দূরের কথা ! কে আমায় দেবে ফুল ?

নজাফ । আমি দিতে পারি—যত চাও ।

মীরকাসিম । তুমি দিতে পারো ? যত চাইবো তত দেবে ?

নজাফ । দেবো, যদি আমার সঙ্গে যাও ।

মীরকাসিম । কিন্তু আমার ফতেমাকে পাহারা দেবে কে ? তুমি জানো না, দস্যুর চর আশে পাশে ঘুরছে !

নজাফ । আমি সে ব্যবস্থা করবো ।

মীরকাসিম । তা'হলে আমি যাবো—তোমার সঙ্গেই যাবো, এক রাশ ফুল আন্বো—আমার প্রিয়তমাকে ফুলদিয়ে ঢেকে দেবো—

নজাফ । তাহ'লে এসো আমার সঙ্গে ।

মীরকাসিম । চল—চল, এক রাশ ফুল আন্বো—এক রাশ ফুল আন্বো—

[নজাফ খাঁর সহিত প্রস্থান ।

দ্বিতীয় দৃশ্য

দিল্লী যাইবার পথ—পার্শ্ববর্তী জীর্ণ মসজিদ সম্মুখ

মাজামউদ্দৌলার প্রবেশ

মাজাম । উদয়নালা থেকে আহত হ'য়ে ফিরেছিলুম ! খোদার দোয়ায় সুস্থ হ'য়ে উঠতে বেশী বিলম্ব হ'লো না । নবাবের সঙ্গে সাক্ষাত করতে মুন্সেরে গেলুম', সেখানে গিয়ে শুন্লুম—নবাব অযোধ্যার নবাব সুলতানউদ্দৌলার কাছে গেছেন আশ্রয়প্রার্থী হয়ে । সেখানেও তাঁর সাক্ষাত মিললো না ; তবে এইটুকু জানতে পারলুম, দু'দিন আগে তিনি দিল্লী

বেইমানের দেশ

[পঞ্চম অঙ্ক

যাত্রা করেছেন। সঙ্গে বেগম আছেন, নজাফ খাঁ আছেন। আমার
অনুমান হয়, এখান থেকে বেশী দূর তাঁরা যেতে পারেন নি।
দু'দিনের পথ অতিক্রম ক'রে এসেছি, তাঁরা নিকটে কোথাও আছেন
স্বনিশ্চয়। ঐ তো একটা মসজিদ, নমাজ পড়বারও সময় হয়েছে; যত
জরুরী কাজই থাক, প্রত্যহ নির্দিষ্ট সময়ে নমাজ পড়া তাঁর নিত্য
নৈমিত্তিক কর্ম। যাই একবার ঘুরে আসি মসজিদের ভিতর থেকে যদি
তাঁর দেখা পাই!

[মসজিদে চলিয়া গেল।

দ্রুতপদে মীরকাসিমের প্রবেশ।

মীরকাসিম। আমার প্রিয়তমা ফতেমাকে ঘুম পড়িয়ে রেখে একটু
চোখের আড়াল হয়েছি—অমনি সব হারিয়ে গেছে! আমি হারিয়ে
গেছি—প্রিয়া হারিয়ে গেছে—দুনিয়ার আমার যা কিছু ছিল, সব
হারিয়ে গেছে!

জনৈক লোকের প্রবেশ

মীরকাসিম। তুমি বুঝি কবরভূমিতে যাচ্ছে?

লোক। বাঃ, চমৎকার! অমন বড় বড় ছোটো চোখ রয়েছে কি-
ন্তে? মসজিদকে বলছো কবরভূমি? উন্মাদ! [প্রস্থান।

মীরকাসিম। এখানেও ভুল! দেখি, খুঁজে দেখি—

নজাফ খাঁর প্রবেশ।

নজাফ। এই যে, আবার এখানে পালিয়ে এসেছেন?

মীরকাসিম। হ্যাঁ—খুঁজছি।

নজাফ । কি খুঁজছেন ?

মীরকাসিম । কবর ।

নজাফ । আপনাকে আর যেতে দেবো না । নজাফ খাঁ চিরদিন নবাবের নেমক খেয়ে এসেছে, নেমকহারামী সে করবে না ।

মীরকাসিম । কি নাম বললে ? নজাফ খাঁ ? র'সো—দেখি, ভেবে দেখি ! নজাফ খাঁ—হ্যাঁ, ছিল বটে একজন পরম বিশ্বাসী, পরম শুভাশুভ্যারী, নবাবের সুখ-দুঃখের সঙ্গী—কখনো সে বেইমানী করে নি । কেমন, ঠিক চিনেছি—না ?

নজাফ । আমিই সেই গোলাম জনাবানি !

মীরকাসিম । না, বিশ্বাস হয় না । সুজাউদ্দৌলা আত্মীয়, বন্ধু—সেও বিশ্বাসঘাতকতা করেছে ! তুমিও যে করবে না, তার কিছু প্রমাণ আছে বেইমান ?

[মীরকাসিম নজাফ খাঁর কণ্ঠদেশ দৃঢ়মুষ্টিতে ধরিয়৷ কয়েক বার নাড়াচাড়া করিল, নজাফ খাঁ কোনরূপ ব্যথা দিল না, শুধু যন্ত্রণায় আর্তনাদ করিল মাত্র । নাজামউদ্দৌলা মসজিদ হইতে বাহির হইবার সময় দেখিতে পাইয়া নজাফ খাঁকে চিনিতে পারিল এবং নজাফ খাঁ একটা দুর্বলের হাতে বুঝি মারা যাইবে এইরূপ আশঙ্কা করিয়া যখন সে নজাফ খাঁর নিকট-বর্তী হইল, তখনও মীরকাসিমকে চিনিতে পারিল না । নজাফ খাঁকে উন্মাদের হাত হইতে রক্ষা করিবার জন্ত একটু দূর হইতেই মীরকাসিমকে গুলি করিল । মীরকাসিম একটা আর্তনাদ করিয়া ভূপতিত হইলেন । নাজাম ছুটিয়া আসিল ।]

নাজাম । খোদার মেহেরবানীতে যে আপনাকে বাঁচাতে পেরেছি, এইটাই পরম নৌভাগ্য ।

নজাফ । কে—নাজামউদ্দৌলা ? আমার বাঁচাতে গিয়ে কি করেছ জানো ?

নাজাম । কি করেছি ?

নজাফ । বাংলা বিহার উড়িষ্যার নবাব মীরকাসিমকে হত্যা করেছ । একদিক দিয়ে দেখতে গেলে তুমি ঠিকই করেছ । মীরজাফরের পুত্র তুমি—পিতার যোগ্য সন্তানের কাজ করেছ ।

মীরকাসিম । ওঃ—আর একটা পরিচিত নাম—নাজামউদ্দৌলা, এরা দু'জনেই কি বেঁচে আছে ? নজাফ খাঁ আর নাজামউদ্দৌলা ?

নাজাম । আছি বৈকি জনাবালি ! কিন্তু এ আমি কি করলুম । জনাবালীকে চিন্তে না পেরে—ওঃ—

মীরকাসিম । চিন্তে পারো নি ব'লেই মেরেছ ! ঠিক করেছ বন্ধু, আমার যন্ত্রণা থেকে মুক্তি দিয়েছ ! স্বৃতি হারিয়ে বিস্মৃতি নিয়ে থাকা যায়, কিন্তু লুপ্ত স্বৃতি ফিরে পেয়ে বেঁচে থাকা যে কি যন্ত্রণাদায়ক, তা তোমরা ধারণা করতে পারবে না । নাজামউদ্দৌলা, তুমি আমায় মৃত্যু দাও নি, তুমি আমায় বাঁচিয়েছ ।

নাজাম । প্রভুহস্তাকে শাস্তি দিন নজাফ খাঁ, আমায় বধ করুন ।

মীরকাসিম । না—না, নাজামউদ্দৌলা, তোমাকে আর নজাফ-খাঁকে বাঁচতেই হবে । আমার মন ভেঙ্গে গেছে, দেহ ভেঙ্গে গেছে, বুকও ভেঙ্গে গেছে, মৃত্যুর তীরে এসে দাঁড়িয়েছি । দেখতে পাচ্ছি, যেন একটা বিপুল রক্তশ্রোত প্রমত্ত তাণ্ডবে আমার দিকে ধেয়ে আসছে আমার গ্রাস করতে—শত সহস্র চেষ্টাতেও কেউ রাখতে পারবে না । তাই যাবার সময় ব'লে যাচ্ছি—তোমরা রইলে আর বঙ্গজননী রইলো ;

দ্বিতীয় দৃশ্য]

বেইমানের দেশ

নির্যাত্তিতা, নিপীড়িতা পরাধীনা হতভাগিনীকে পারো যদি মুক্ত
ক'রো, আর—

নজাফ । আর কি জাঁহাপনা ?

মীরকাসিম । আর ফতেমার সমাধির পাশে আমাকেও সমাধিস্থ
ক'রো । আমার এইবার নিয়ে চল নজাফ খাঁ, সেই নদীতীরে—যেখানে
আমার ফতেমার কবরভূমি—আমার পবিত্র তীর্থ ।

নজাফ । আজ সত্যই বাংলার ছুদ্দিন—বাংলা আজ শুধু শ্রীশীনা
নয়, তার স্বাধীনতা-সূর্য্য অস্তমিত ।

মীরকাসিম । [নজাফ খাঁর স্বক্কে ভর দিয়া যাইতে যাইতে]
ও কথা ব'লো না—ও কথা ব'লো না, তোমরা রইলে আর আমার
বাঙ্গলা মা রইলো—তোমরাই দেখো । তবে খুব সাবধান, এ বেইমানের
দেশ—আগে মানুষ চেন্বার চেষ্টা ক'রো, তার পর কাজ—ওঃ—

[প্রশ্নান ।

নাজাম । পিতা ! রাক্ষসী জননি, এতদিনে তোমাদের মনোবাসনা
পূর্ণ হ'লো !

[প্রশ্নান ।

—যবনিকা—

স্বর্ণলতা লাইব্রেরী

শ্রীগোবর্দ্ধন শীল

৯৭।১বি অপার চিৎপুর রোড, পোঃ বিডন ষ্ট্রীট, কলিকাতা—৬

প্রসিদ্ধ প্রসিদ্ধ যাত্রাদলের নূতন নাটক

পুষ্প-সমাধি শ্রীহুক্ত বিনয়কৃষ্ণ মুখোপাধ্যায় প্রণীত ঐতিহাসিক নাটক।

বিধবার কণ্ঠার গর্ভে কবীরের জন্মগ্রহণ—সমাজনাঙ্কিতা
ব্রাহ্মণকন্যা কর্তৃক কবাবকে পরিত্যাগ—জনৈক জোলা গৃহে প্রতিপালন ও
রামানন্দ স্বামীর শিষ্যত্ব গ্রহণ—কাশীরাজ বীরসিংহ কর্তৃক কবীরকে আশ্রয়-
দান—দিল্লীর বাদশাহের সহিত বীরসিংহের ভীষণ যুদ্ধ, কবীরের শবদেহ
পুষ্পে পরিণত প্রভৃতি। মূল্য ২২ টাকা।

রাম-কৃষ্ণ শ্রীযুক্ত ফণিভূষণ বিদ্যাবিনোদ প্রণীত নূতন পৌরাণিক নাটক।

কংস কর্তৃক ধনুর্যজ্ঞ অন্তর্ধান, কংসের প্রহেলিকাময় জন্ম বৃত্তান্ত,
ক্রমিল দৈত্যের অভিনব কার্যকলাপ, ক্রমিল দৈত্য বধ প্রভৃতি ঘটনার
সমাবেশে গ্রথিত। মূল্য ২২ টাকা।

পার্থ-বিজয় পণ্ডিত পঙ্কজভূষণ কবিরত্ন প্রণীত পৌরাণিক পঞ্চাঙ্ক নাটক

নারায়ণ অপেরায় অভিনীত হইতেছে। নাগরাজ ইলাবস্তুর
বাল্যজীবন হইতে মৃত্যুকাল এবং মণিপুরপতি বক্রবাহনের রাজ্যাভিষেক হইতে
তৃতীয় পাণ্ডব পার্থের যজ্ঞাশ্বধারণ এবং পার্থ-বিজয় পর্য্যন্ত ঘটনার অপূর্ব
সংযোজনা। মূল্য ২২ টাকা।

বক্রনাভ শ্রীব্রহ্মকুমার দে, এম, এ প্রণীত। বক্রপুরাধিপতি বক্রনাভ

কর্তৃক অহিচ্ছত্র আক্রমণ ও ধ্বংস—যুদ্ধে দ্বারকা শক্তির সাহায্য
—বক্রপুরের বিরুদ্ধে প্রহ্ময় ও অহিচ্ছত্রাধিপতি অরিন্দমের রণ অভিযান—
বক্রনাভের নিধন—বক্রপুর-রাজকন্যা প্রভাবতীর সহিত প্রহ্ময়ের বিবাহ
প্রভৃতি। মূল্য ২১০ টাকা চারি আনা।

যুগনেতা শ্রীনন্দলাল রায় চৌধুরী প্রণীত (৮শ্রী অপেরায় অভিনীত)

গোলকের দ্বারী জয় বিজয়ের দুর্কীশার অভিধানে—শিশুপাল
ও দম্ভবক্র নামে জন্মগ্রহণ করেন। বিষ্ণুদেবী অত্যাচারী অভিগপ্ত ভক্তদের
উদ্ধার হেতু শ্রীভগবানের মর্তলোক আগমন! শিশুপালসহ ভীষণ সংঘর্ষ।
গণতন্ত্র প্রতিষ্ঠার আকুল আহ্বান। দৃশ্যে দৃশ্যে অঙ্কে অঙ্কে রোমাঞ্চকর ঘটনা।
বর্তমান যুগোপযোগী নাটক। অভিনয়ে দিগন্তব্যাপী যশ। বীর করুণ রনের
সম্বয়। এমেচার পাটার স্বর্ণ স্বযোগ। মূল্য ২২ টাকা।

প্রসিদ্ধ প্রসিদ্ধ যাত্রাদলের নূতন নূতন নাটক

পাষণের মেয়ে তরুণ নাট্যকার শ্রীআনন্দময় বন্দ্যোপাধ্যায় রচিত নূতন পৌরাণিক পঞ্চাঙ্ক নাটক। কলিকাতার স্তম্ভপ্রসিদ্ধ সত্যস্বর অপেরায় অভিনীত। বিষ্ণুচক্রে সতীদেহ একান্ত খণ্ডে বিভক্ত হইল। রুদ্রতেজে পাষণ হইতে তারকাসুরের আবির্ভাব। ইন্দ্র চন্দ্র সহ দারুণ রণ। রণস্থলে শ্রীবিষ্ণুর আবির্ভাব ও পরাভব। মায়াবিণায় তারকাসুরের লক্ষ্মীহরণ। দেবগণসহ লক্ষ্মীচাড়া নারায়ণের কাতর আর্তনাদে ত্রিভুবন কম্পিত। গিরিরাজ-নন্দিনী কর্তৃক শ্রীবিষ্ণুকে আশ্বাস প্রদান। জগতের সর্বোচ্চ শিখরে বসিয়া মহাকালের সাধনা—সাধনায় সিদ্ধিলাভ ও হরগোরীর মিলন এবং রুদ্র-তেজে পার্শ্বতীর গর্ভে কার্তিকের জন্ম, কার্তিক কর্তৃক তারকাসুর বধ। মূল্য ২।।০

বজ্রনাভ শ্রীব্রজেন্দ্রকুমার দে এম, এ প্রণীত। ব্রহ্মপুরাধিপতি ব্রহ্মনাভ কর্তৃক অহিচ্ছত্র আক্রমণ ও ধ্বংস। যুদ্ধে হারকা শক্তির নাহায়া, ব্রহ্মপুরের বিকট প্রহ্ম ও অহিচ্ছত্রাধিপতি অরিন্দমের রণ-অভিধান—বজ্রনাভের নিধন—বজ্রপুর-রাজকন্যা প্রভাবতীর সাহিত প্রহ্মায়ের গাঙ্কর্ক বিবাহ প্রভৃতি বোমাঙ্ককর ঘটনা। মূল্য ২।।০ টাকা।

ক্রীতদাস শ্রীবিনয়কৃষ্ণ মুখোপাধ্যায় রচিত কাল্পনিক নাটক। দুটি যুবক যুবতীর অতীত জীবনের প্রেমের কাহিনী। সেদিন দুজনে রচনা করেছিল প্রেমের মিলন-মালঞ্চ। দৈবের নির্বন্ধে দুজনেব জীবনেব স্রোত ছুটে গেল ভিন্নমুখে। পরস্পর দাঁড়ালো গিয়ে বহু ব্যবধানের পথে। পূর্ণ হ'লো না তাদের আশা-আকাঙ্ক্ষা। দেখা দিল ভীষণ দুর্ঘ্যোগ। তার মধ্যে নেমে এল এক নতুনের ছবি। জেগে উঠলো সংসার রঙ্গমঞ্চে এক অভিনব দৃশ্য। রাজার ছেলে হ'লো ক্রীতদাস। বোমাঙ্ককর নাটক। মূল্য ২।।০ টাকা।

রাজা সীতারাম শ্রীশশাঙ্কশেখর বন্দ্যোপাধ্যায় প্রণীত ঐতিহাসিক পঞ্চাঙ্ক নাটক—সত্যস্বর অপেরায় সুষমেশ্বর সহিত অভিনীত হইয়াছে। এই যুগের বাংলার বৃক্ক অনেক সময় অনেক ধর্মীর ছেলে দেশের ডাকে জেগে উঠেছিলেন—দেশের সাহায্যে বাংলার স্বাধীনতা ফিরিয়ে আনতে। কিন্তু নামান্ত গৃহস্থের ছেলে সীতারাম রায়, যিনি আত্ম-শক্তিতে ভূষণা অধিকার ক'রে চঞ্চল করেছিলেন বাংলার নবাবকে—চঞ্চল করেছিলেন দিল্লীর বাদসাহকে, সেই সারা বাংলায় বাঙ্গালীর স্বাধীনরাজ্য প্রতিষ্ঠায় ব্রতী রাজা সীতারাম রায়ের জীবন-কাহিনী। মূল্য ২।।০ টাকা।

প্রসিদ্ধ প্রসিদ্ধ যাত্রাদলের নূতন নূতন নাটক.

রক্তমুকুট শ্রীবিনয়কৃষ্ণ মুখোপাধ্যায় প্রণীত। সত্যেশ্বর অপেরা পাটিতে অভিনীত হইতেছে। অযোধ্যার সম্রাট বৃকপুত্র তালজঙ্ঘ ও বাহুর ভীষণ সংঘর্ষ। মূল্য ২।০ টাকা।

বাংলার মেয়ে বা নট ও নাট্যকার শ্রীপরেশনাথ বন্দোপাধ্যায় রচিত **বিজয় ডাকাত** নূতন ঐতিহাসিক নাটক। সগৌরবে “নটবাণীতে” অভিনীত হইতেছে। মহাশ্বানাধিপতি নরসিংহের মহত্ব, বিজয় ডাকাতের বীরত্ব ও উদারতা, মোরাদের দেশপ্রেম, দেশদ্রোহী চিন্ময়ের বিশ্বাসঘাতকতা ও ধর্ম বিসর্জন, নবাব ইব্রাহিম ও সুলতান শাহের ইসলাম ধর্ম প্রচারের ছলে বাংলায় অভিযান, মাধবপালের পুত্রস্নেহ, বৌদ্ধরাজকুমার হরনাথের চক্রান্ত রাজারামের সরলতা, মহাকালীর সেবিকা ভৈরবীর দেশ-রক্ষায় উদাত্ত আত্মা। রাণী শুভ্রা দেবীর প্রজাবাৎসল্য, মাতৃভক্ত কুমার রাজেন্দ্র, বীরঙ্গনা শীলা, ব্রাহ্মণকণ্ঠা প্রেমিকা চাঁপা, বিশ্বাসঘাতিনী শ্রীমতী, তার সঙ্গে আনন্দময়ের গান, ফকির, ভিখারীর গান। রহস্য-রোমাঞ্চ চমকপ্রদ ঘটনার ঘাত-প্রতিঘাত। মূল্য ২।০

কয়েদী উদীয়মান নাট্যকার শ্রীগৌরচন্দ্র ভট্ট প্রণীত ঐতিহাসিক রোমাঞ্চকর নাটক। দি ক্যালকাটা অপেরায় সগৌরবে অভিনীত। হুনসম্রাট মিহিরকুলের অত্যাচারে ভারতব্যাপী হাহাকার—পাষণ কয়েদ ভেঙ্গে চৌদ্দ বৎসরের কয়েদীর পলায়ন, হুন-ভাগ্যাকাশে উল্কার সৃষ্টি, ভারতের মাটি ফুঁড়ে হুনধ্বংসকারী কালোসওয়ারের আবির্ভাব ও ভারতের নেতৃত্ব গ্রহণ—অন্যায়ের প্রতিবাদের জন্য মিহিরকুল কর্তৃক ভাই বারমানের বক্ষে ভীষণ পদাঘাত—প্রতিশোধ গ্রহণে বারমানের বিপক্ষদলে যোগদান ও দেশের কল্যাণে পুত্র বলিদান—বারমানের সাহায্যে কালোসওয়ার কর্তৃক মিহিরকুলের নিধন ও হুনরক্তশ্রোতের উপর কয়েদীর ছদ্মবেশ ত্যাগ। মূল্য ২।০ টাকা।

রঘু ডাকাত শ্রীঅনিলাভ চট্টোপাধ্যায় প্রণীত। নিউ রয়েল বীণাপাণি অপেরায় অভিনীত। বছরের পর বছর অনাবৃষ্টির ফলে দেশ জুড়ে হ'লো অজন্মা—গরীব চাষীসম্প্রদায়ের হাল, গরু, বীজ, বিক্রী হ'য়ে গেল পেটের দায়ে—বাকি খাজনা অনাদায়ে চারিদিকে চললো জমিদারী জুলুম—শ্রীদাম চাষী জীবন দিলে জায়গীরদারের চাবুকে—রঘু দেখলে চোখের উপর নির্খ্যাতিত পিতার মৃত্যু। ধনীর ধনহরণ ব্রতের সংকল্প ক'রে ধনী-সম্প্রদায়ের চোখের উপর বিভীষিকার রূপে গরীব চাষীর ছেলে রঘু দাঁড়ালো রঘু ডাকাত নাম নিয়ে। কে তুলে দিলে তার হাতে ডাকাতের লাঠি? দারিদ্র্যতা আর ধনীর অবিচার। মূল্য ২।০ টাকা।

প্রসিদ্ধ প্রসিদ্ধ যাত্রাদলের নূতন নূতন নাটক

মুক্তিপথের যাত্রী

শ্রীনন্দগোপাল রায়চৌধুরী প্রণীত। এই নাটকে দেখিবেন, কেন স্বর্গহারী জয়-বিজয় অভিশপ্ত অসুরদেহ ধারণ করিয়া ধরায় জন্মগ্রহণ করিয়াছিল। ব্রহ্মার বরে প্রকারে অমর হইয়া কনিষ্ঠ অসুর হিরণ্যাক্ষ কি ভাবে মাতা দিতি কর্তৃক আদিষ্ট হইয়া হিংসামস্ত্রে স্বর্গজয় করিয়াছিল। অহিংসামস্ত্রের উপাসক দেবগণ স্বর্গচ্যুত হইয়া কারাগারে অশেষ নির্যাতন সহ করিয়াছিল। আরো দেখিবেন, নাবায়ণের ছলনায় মায়ামুগ্ধ দানবরাজ হিরণ্যাক্ষ পৃথিবীর প্রতি কামাসক্ত হইয়া তাঁহাকে পাতালে লইয়া গিয়াছিল, শেষে নারায়ণ বরাহমূর্তিতে দানব বধ করিয়া পৃথিবীকে উদ্ধার ও হিরণ্যাক্ষবেশী বিজয়কে শাপমুক্ত করিয়াছিলেন। মূল্য ২।০ আড়াই টাকা।

কবির কল্পনা

শ্রীনন্দগোপাল রায় চৌধুরী প্রণীত। এই নাটকে মহাকবি বাল্মীকি রচিত মহাকাব্য রামায়ণের সীতা উদ্ধার পর্বে—কেন সীতাদেবীর অগ্নিপরীক্ষা হইয়াছিল, তাহার প্রকৃত কারণ দেখান হইয়াছে। তারপর শিবদত্ত জাঠাস্ত্র খাটা সত্ত্বেও কি কৌশলে লবণ দৈত্য বধে শত্রুঘ্ন কৃতিত্ব দেখাইয়াছিল, শূদ্র শম্বুক কি ভাবে রামভক্ত হইয়া বিপ্রাচারে বেদপাঠে যজ্ঞ করিয়াছিল, কেন রামরাজ্যে দুর্ভিক্ষের করাল ছায়া পতিত হইয়াছিল, কেন পূর্ণব্রহ্ম শ্রীরামচন্দ্র ভক্ত শম্বুককে নিজহস্তে বধ করিয়াছিলেন এবং পরে সীতার নিন্দা শুনিয়া কেনই বা আদর্শ সতী সীতাদেবীকে বনবাসে পাঠাইয়াছিলেন, সমস্ত কারণ এই নাটকে দর্শানো হইয়াছে। মূল্য ২।০ টাকা।

অনার্য্যনন্দিনী

পাঁচকড়ি চট্টোপাধ্যায় প্রণীত। ভাণ্ডারী অপেরায় অভিনীত পৌরাণিক পঞ্চাঙ্গ নাটক। মগধেশ্বর শালি-বাহনের মাতৃভক্তি—রাজসিংহাসন ত্যাগ—ছদ্মবেশে দেশ দেশান্তরে ভ্রমণ—অনার্য্যগুরু আপস্তম্বের আর্থোর প্রতি বিদ্রোহেতু মারণ-যজ্ঞের অনুষ্ঠান। রাজবলি—নরবলি—নারীবলির আয়োজন। মূল্য ২।০ টাকা। ভাস্কর পণ্ডিত—২

মায়ের দেশ

শ্রীফণিভূষণ বিজ্ঞাবিনোদ বিরচিত পৌরাণিক নাটক। দেশের গৌরব—দেশের প্রিয়—বাংলার আদর্শ জাতি অপেরার অপূর্ব গৌরবোজ্জ্বল সুবিরাট সত্যমূর্তি নাটক। সংসারের অভুলনীয় যুদ্ধ-কাহিনী। মূল্য ২।০ আড়াই টাকা।

রামানুজ—শ্রীফণিভূষণ বিজ্ঞাবিনোদ প্রণীত। সীতাহারা শ্রীরামচন্দ্রের ব্যাকুল উন্মাদনা—মাতৃহারা লব-কুশের হাহাকার—ছায়াসীতার আকুল আস্থান—মহাকালের ভাণ্ডব নর্তন—শ্রীরামচন্দ্রের লক্ষণবর্জন—উর্ষিলার সক্রমণ বিলাপ—গুহক চণ্ডালের দুর্জয় অভিমান—লক্ষণের সরযুপ্রয়াণ প্রভৃতি ঘটনাসম্মিলিত। সচিত্র মূল্য ২।০ আড়াই টাকা।

আলক আলক বাগানলের সুভল নাটক

শ্রীজগদীশ মাইতি	লালমোহন চক্রবর্তী	পাষণী	২১০
রূপের বিচার ২১০	মীন-অবতার ২১০	রামকৃষ্ণবাকংসবধ ২১০	
খ্যানের দেবতা ২১০	বাম'ক্ষ্যাপা ২১০	মায়ের দেশ ২১০	
ভোলানাথ কাব্যশাস্ত্রী	রক্তখাগীর মাঠ ২১০	বেণীমাধব কাব্যবিনোদ	
জগদ্ধাত্রী ২১০	বিষ্ণুচক্র ২১০	প্রেমের পূজা ২১০	
বামনাবতার ২১	বিনয়কৃষ্ণ মুখোপাধ্যায়	যুগান্তব ২১০	
নরকাসুর ২১০	বন্ধুমুদে ২১০	শশাঙ্কশেখর বন্দ্যোপাধ্যায়	
জাহ্নবী ২১	ত্রিশক্তি ২১০	নবাব সিরাজদ্দৌলা ২১০	
বহুসৃষ্টি ২১০	অভিনয় শিক্ষা ১১	অসবর্ণা ২১০	
কৈকেয়ী ২১	স্বদেশ ২১০	রাজা সীতারাম ২১০	
অজ্ঞাতশত্রু ২১০	পুষ্প-সমাধি ২১০	পদ্মজভূষণ কবিরত্ন	
পরেশনাথ বন্দ্যোপাধ্যায়	নন্দগোপাল রায় চৌধুরী	পার্থ-বিজয় ২১০	
বিরজাসুর ২১০	যুগানতা ২১০	কপসনাতন ২১০	
বাংলার মেয়ে ২১০	কবির কল্পনা ২১০	যুগসন্ধি ২১	
অঘোরচন্দ্র কাব্যতীর্থ	শহীদ বীর ২১০	কেদারনাথ মালেকার	
শক্তিশেল ২১০	মুক্তিপথের যাত্রী ২১০	উর্বশী ২১০	
দময়ন্তী ২১০	অভয়চরণ দত্ত	গোবর্দ্ধন শাল	
শতাস্থমেধ ২১০	মাক্হাতা ২১০	বিদর্ভ-নন্দিনী ২১০	
পাঁচকড়ি চট্টোপাধ্যায়	মাল্যবান ২১০	ব্রজেন্দ্রকুমার দে	
রামপ্রসাদ ২১০	অতুলকৃষ্ণ বসুমল্লিক	বজ্রনাভ ২১০	
নটীর অভিশাপ ২১০	সগরাভিষেক ২১	মণীন্দ্রলাল ঘোষ	
পিয়ারে নজর ৫০	শ্রমীলা ২১	যতুপতি ২১০	
বেইমানের দেশ ২১০	আনন্দময় বন্দ্যোপাধ্যায়	শ্রীঅনিলাভ চট্টোপাধ্যায়	
ভিধারীর মেয়ে ১১	পাষণের মেয়ে ২১০	রঘু ডাকাত ২১০	
অনার্যনন্দিনী ২১০	গীতা ২১০	দস্যুকণ্ঠা ২১০	
রাইচরণ কাব্যবিনোদ	ফণিভূষণ বিষ্ণাবিনোদ		
গন্ধেশ্বরী ২১	রামানুজ ২১০		

